

Aposel si gwelen Yom whê bapia dindéc sa-nga

Luk to in̄ ndê buku tilu-nga dindéc, ma gic têku yom nan̄ in̄ to yêc in̄ ndê ñawaê ñayham. Alic yom ñatô pi Luk yêc ‘Yom whê Luk ndê ñawaê ñayham sa-nga.’

Yêc buku dindéc, Luk to yom pi lêñ nan̄ ñawaê ñayham sa tiapa yêc gameñ nan̄ lau Rom-nga sem gôlin̄. Sêsam buku dindéc bu ‘Aposel si Gwelen,’ magoc lau ñatô sêsôm bu ‘Ñalau Dabuñ ndê Gwelen.’ Nahu bu gêñ hon̄ nan̄ aposel sêkôm, nan̄ sêkôm ña Ñalau dau ndê ñaclai. Têñ ndoc Yisu bu hu nom dindéc sin̄ ma mbu pi undambê ndi, nan̄ sôm têñ in̄ ndê lau bu sêhu malac Jerusalem sin̄ dom, e sêtap mwasiñ nan̄ Anötö gic bata têñ ñac, nan̄ sa. Yom dau hêganôn̄ in̄ ndê Ñalau Dabuñ (1:4). Ma tin̄ambu in̄ sôm têñ ñac bu sêhoc yom ñandô asê pi in̄ yêc Jerusalem, ma yêc gameñ Judia-nga ma gameñ Samaria-nga, e yom dau sa têñ nom ñagameñ hon̄ (1:8).

Luk whê sa bu lau aposel sêkôm gêñ dalô daêsam bu puc ñac si yom dôñ, tu bu lau sêlic ti sêngô, ma sêkin̄ whiñ Yisu-nga. Ma in̄ to yom daêsam pi Saul, nan̄ tin̄ambu sêsam bu Pol, ma pi ñalêñ nan̄ Anötö gêm in̄ kwi, ma kêyalin̄ in̄ sa bu hoc ñawaê ñayham asê têñ lau gameñ apa-nga nan̄ lau Israel dom.

Yisu gic bata Ñalau Dabuñ

¹ O Tiopilas, yêc aneñ buku ñamata-ña aö gato yom pi gêñ honñ nañ Yisu gic hu bu kôm ti kêdôhôn têtñ lau.

²⁻³ Aneñ yom nañ gato, nañ meñ têtñ bêc nañ Anötö kôc inñ su pi undambê gi. Inñ hóc ñandê ma mbac ndu su, ma tiñambu tisa ma hoc dau asê têtñ lau ñapotel nañ inñ kêyalinñ ñac sa su. Tôm bêc 40 inñ mbo whinñ ñac ma tôc dau têtñ ñac sêlic, e sêñyalê pi ñandô bu inñ tisa ma mbo tali tiyham yom ñandô. Têtñ ñasawa dinanñ Yisu whê yom sa têtñ ñac pi ñAnötö ndê gôlinñ ma pi gwelenñ nañ bu sêkôm-ña, ma Nalau Dabuñ puñ yom dau dônñ yêc ñac si ñalôm.

⁴ Têtñ bêc danñ inñ gêñ gêñ mbo whinñ ñac, ma inñ kêñ yatu ñac bocdec bu, “Mac ahu Jerusalem sinñ dom, magoc ahônñ e atap mwasiñ nañ Damanñ gic bata bu kêñ meñ, nañ sa. Aö gasôm yom pi mwasiñ dau muñ su.

⁵ Muñ-ña Jon kêku lau ña bu, magoc bêc meñ kêpinñ bu Anötö êñku mac ña Nalau Dabuñ.”

⁶ Têtñ têtñ danñ Yisu mbo whinñ ndê aposel, ma sêndac inñ bocdec bu, “Pômdau, bocke? Kwahic dec am oc êmgaho yac lau Israel-ña su yêc lau Rom-ña si gôlinñ ñapu, ma ti kinñ ma nem gôlinñ yac, me mba?”

⁷ Ma inñ ô yom ma sôm, “Gêñ bocke nañ bu hóc asê lau Israel-ña, ma ñatêm ti ñabêc, nañ Damanñ Anötö ti ñadau ma kêyalinñ sa su, ma inñ oc tôc asê têtñ mac dom.

⁸ Magoc têtñ ndoc Nalau Dabuñ meñ ma nem mac ahuc, dec oc kêñ ñaclai têtñ mac, ma mac oc ahoc yom ñandô asê pi aö yêc Jerusalem, ma yêc gamenñ Judia-ña ma gamenñ Samaria-ña, e yom dau tiapa nem nom ñagamenñ honñ ahuc.”

Yisu pi undambê gi

⁹ Yisu sôm yom dinañ su, goc Anötö kôc in sa pi lôlôc gi e sôc dao ñalôm, dec sêlic in apu.

¹⁰ In pi gi ma ñac tatak umboñ sêlhac, ma sep en ñgac lu ti ñakwê sêsêp sêmen sêlhac sêwhin ñac.

¹¹ Ma in lu sêsôm, “Mac laungac Galili-nga. Tu ake-nga dec alhac tamtac undambê? Kwahic dec Anötö kôc Yisu su yêc mac, ma tiñambu in oc mbu men tiyham ñalêñ tigen tôm nañ alic in pi gi.”

Sênyalin Matias sa ti aposel ô Judas su

¹² Dinañ su, goc sêhu Lôc Olib sin ma sêmbu sêtêñ Jerusalem si. Lôc dau kalhac kêpin Jerusalem, sen ñasawa gitôm kilometa tigen.*

¹³ Têñ ndoc sêhóc asê su, nañ sêtêñ ñac si andu sêmbo-nga si, ma sêpi ñalôm ñahô-nga si. Lau dau si ñaê bocdec: Pita lu Jon, ma Jems lu Andru, Pilip lu Tomas, ma Batolomeas lu Matyu, Alpayas atungac nañ ndê ñaê Jems, ma Saimon (nañ sêsam bu ‘Ngac †Selot’), ma Jems† atungac Judas.

¹⁴ Yisu dinda Maria, ti in ndê asii, ma lauwhê ñatô sêmbo sêwhin ñac. Ñac hon sêpin dau dôn ti ñalôm tigen, ma sêten mbec sêwhin dandi tôm bêc hon.

* **1:12:** Yom nañ Luk to, nañ sôm bu sen nañ yêc Lôc Olib ma malac Jerusalem ñasawa, nañ gitôm sen †Sabat-nga dan. Lau andô Is-rael-nga sêmasañ ñagôlin daêsam nañ hêganôn yomsu bêc Sabat-nga, bu tóç asê gêñ nañ lau Israel-nga gitôm bu sêkôm têt bêc Sabat-nga, ma gêñ bocke nañ sêlic bu gwelen. Ñagôlin Sabat-nga dan sôm bu lau sêtôm bu sêñsêlêñ sêsa sen ñasawa gitôm kilometa tigen têt bêc Sabat-nga. Lau bu sêñsêlêñ sêhóc gêlêc kilometa tigen, dec ñac oc sêsôm bu sêkôm gwelen, ma sêñgili yomsu Sabat-nga. † **1:13:** Luk to ñaê Jems tidim tö, magoc ñaê dau ñgac tigen ndê dom, ñac lau tö.

15 Têñ bêc dan lau sêkêñ whiñ-nga gitôm lau 120 sêkac sa sêmbô sêwhiñ dau. Ma Pita tisa kalhac ñalhu, ma sôm,

16-17 “O asidôwai hac. Mac anyalê Judas, ngac nanj wê lau nanj sêkôc Yisu dôñ. Inj yac lau aposel 12 mba danj, ma wêkainj gwelenj whiñ yac. Muñ-nga andô, Nalau Dabunj hoc yom asê sa akêñ Dawid whasunj, nanj hêganônj Judas. Ma yom dau gic waê bu ñandô sa.”

18 (Tu Judas ndê mêtê sac hoc Yisu asê-nga, dec lau semlhi inj, ma inj kôc ñaôli dau ma gi gêmlhi nom danj. Yêc dinanj inj penj sip gi, e gambo hôc kôc ma ñatac wê.

19 Lau Jerusalem-nga sêngô ñawaê, ma sêsam nom dau yêc si awha-nga bu Akeldama, nanj danem kwi bu ‘Nom ti Dac.’)

20 “Yom nanj Dawid hoc asê pi Judas, nanj sêto yêc Buku Wê-nga bocdec bu, *‘Inj ndê gamenj tigasanej manj, ma lau danj oc sêmbô dom.’* Ma sêto danj tiyham bocdec bu, *‘Ñamalac danj oc ti ngac bata ma kôc inj ndê gwelenj ô inj su.’*

21 Sêto yom dau yêc bocdinanj, dec aô gauc gêm bu yac tanjalinj ngac danj sa ô Judas su. Gauc nem lau honj nanj sêmbô sêwhiñ yac tôm bêc honj nanj Pômdau Yisu mbo yac ñasawa.

22 Lau nanj sêmbô têñ Jon, Ngac Kêku Lau-nga ndê têm e mej têñ ndoc Yisu pi undambê gi. Yac tanjalinj ñac si danj sa, bu hoc Yisu tisa ñawaê asê whiñ yac.”

23 Goc sênyalinj ngac lu sa, danj ndê ñaê Matias, ma danj ñaê Josep, nanj sêsam inj ndê ñaê danj bu Basabas, ma inj ndê ñaê danj tiyham bu Justus.

24 Ma sêtenj mbec bocdec b u, “O Pômdau. Am kêyalê ñamalac honj si ñalôm. Tôc ñgac lu dau si asa nanj am kêyalinj sa su, nanj asê têtj yac.

25 Inj oc kôm gwelenj nanj am kênj sip lau aposel amba, nanj Judas hu sinj ma kölhö têtj gamenj nanj gic inj ñawaê, nanj gi.”

26 Goc sêpuc gapoc e gi sip Matias. Ma bocdinañ inj ti aposel danj whinj ñac lau 11.

2

Ñalau Dabunj sip menj

1 Têtj Om †Pentikos ñac honj sêmbo sêwhinj dau.

2 Ma ñagahô enj ñakêcsia gitôm mbu puc ñadinda menj akêtj undambê, ma gêm andu nanj ñac sêndöc, nanj ahuc.

3 Ma sêlic gêtj gitôm yawahô menj ma whê dau kôc-kôc, goc gi sac ñac ñagôlônj têtjtêtj gitôm ya ña-êmbala.

4 Ma Ñalau Dabunj gêm ñac honj ahuc e sêsôm lau apa awha nanj sênyalê munj su dom, tôm Ñalau Dabunj hóc ñac awha sa.

5 Têtj têm dinañ lau daêsam sêmbo Jerusalem, nanj sêmenj akêtj nom ñagamenj honj. Ñac lau Israel-nga nanj sem akinj Anötö ma sêtoc inj sa.

6 Ñac sêngô lau nanj Ñalau Dabunj gêm ñac ahuc, nanj sêsôm ñac awha têtjtêtj, goc sêsö ñandô ma sêkac sa sêtigasuc.

7 Ñac sêhêdaê ñandô, ma sêsôm têtj dandi, “Aluê! Ñac lau dê sêsôm yom sêmbo dê, nanj lau Galili-nga me?”

8 Ma bocke dec danjô ñac sêsôm yac awhanj têtjtêtj, tôm dinañj sêkôc yac ma dasôm?

⁹ Yac lau nan dambo dec, nan amen a kêñ Pata, Midia ma Elam, ma akêñ Mesopotemia, Judia, Kapadosia, Pontus ma Esia,

¹⁰⁻¹¹ ma akêñ Prigia ti Pampilia, Isip ma Libia kêpiñ Sairin, ma akêñ Krit ma Arabia ma akêñ malac Rom. Yac lau Israel-nga, ma lau apa nan sêñkuc lau Israel-nga si sakiñ tu sênem akiñ Anötö-nga. Bocke ma kwahic dec dangô lau Galili-nga dindê sêsôm yom asê yêc yac daun awhan têtêtêñ, pi gêñ dalô nan Anötö kôm!”

¹² Gêñ dau kôm ñac sêhêdaê ti gauc gêm yom daêsam, ma sêndac dandi, “Gêñ dindêc ñahu bocke?”

¹³ Magoc lau ñatô sêsu lau aposel susu ma sêsôm, “Mboe sênôm wain ma kêñiñ ñac.”

Pita whê Nalau ndê gweleñ sa

¹⁴ Têñ dinañ Pita ti aposel 11 sêtisa ma inñ hóc awha sa ma sôm têñ lau daêsam dinañ, “Mac lau Israel-nga ti mac hoñ nan andöc Jerusalem. Akêñ danam ñapep ma aö wawhê gêñ dindêc ñahu sa têñ mac.

¹⁵ Mac lau ñatô gauc gêm bu wain kêñiñ lau dindêc, a? Aö wasôm têñ mac bu mba! Bu ac kwahic pi menj.

¹⁶ Magoc yom nan propet Joel to muñ su, nan dec ñandô sa.

¹⁷ Joel to Anötö ndê yom dau bocdec bu:

Tiñambu aö wakêñ aneñ Nalau sip lau hoñ si ñalôm, e atômngaci ti atômwêi sêsôm yom asê sêtôm lau propet. Nalau oc kôm mac nem balêkoc wakuc tandô kaiñ dan sa e sêlic gêñ ñagatu, ma Nalau dau oc suñ mbê têñ lau andô.

18 Têḅ tēm dinanḅ aö wakêḅ anenḅ ḅalau tēḅ anenḅ lau akinḅ awhê ma ḅgac honḅ. Ma ḅgac oc sēsôm yom asê sêtôm propet.

19 Aö wakôm gēḅ dalô yêc umboḅ ma yêc nom bocdinanḅ, gēḅ dalô dac ti ya ma yawasu-ḅga.

20 Ac oc nem ganduc, ma ayô oc tikoc nditôm dac. Ma tiḅambu bêc atu oc meḅ sa, nanḅ Pômdau mbu meḅ ti ḅawasi atu.

21 Ma tēḅ dinanḅ lau honḅ nanḅ sêta Pômdau ndê ḅaê, nanḅ Anötö oc nem ḅgac si.” *[Joel 2:28-32]*

22 Goc Pita sôm, “Mac lau Israel-ḅga, anḅgô anenḅ yom dindec pi Yisu Nasaret-ḅga. Inḅ ḅgac nanḅ Anötö whê sa tēḅ mac ḅa gēḅ dalô tidau-tidau. Mac anḅyalê su, bu inḅ kôm gēḅ dau yêc mac anḅôm-ḅga.

23 Ma tu lēḅ nanḅ Anötö gauc gēm tidôḅ gwanaḅ su-ḅga, dec Judas hoc Yisu asê ma kēḅ inḅ sip mac amam. Ma mac akēḅ inḅ tēḅ lau Rom-ḅga nanḅ sêsôc Anötö ndê yomsu ḅapu dom, bu sêndic inḅ pi a gicso dau, dec tôm mac daôm ac inḅ ndu.

24 Tigenḅ gitôm dom bu ḅaclai dambac ndu-ḅga ku inḅ dulu. Anötö kôc inḅ ndê ḅandê mbac ndu-ḅga su yêc inḅ, ma uḅ inḅ sa akēḅ lau batê-ḅga.

25 Dawid to yom pi Yisu bocdec bu:

Aö galic Pômdau kalhac aö anḅôn-ḅga ḅapanḅ. Aö oc wantitec dom, bu inḅ mbo aö amanḅ andô-ḅga.

26 Tu dinanḅ-ḅga dec aö atac ḅayham sa, ma gasôm yom ḅayham-ḅayham. Aö gauc gēm anenḅ ḅamlic, ma gakēḅ batanḅ

27 bu am oc tec aö wayêc sêhô ḅapanḅ dom. Mba! Am oc tec am nem ḅgac dabuḅ e inḅ ḅamlic tibalê dom.

28 Am tôc seḅ wandöc tanḅli-ḅga asê tēḅ aö, ma

oc kêñ aö walhac am anôm-nga ti atac ñayham atu.
[BW 16:8-11]

²⁹ O asidôwai hac. Abañ Dawid sôm yom dinañ pi inñ dau dom. Yac tanyalê bu inñ mbac ndu su ma sêñsuhun inñ. Ma inñ ndê sêhò yêc gameñ dindêc e meñ têtñ kwahic dec.

³⁰ Magoc Anötö gic bata têtñ inñ bu kêñ inñ ndê wakuc dañ ndöc inñ ndê pônñ kiñ-nga. Dawid dau kêyalê yom dinañ tidônñ, ñahu bu inñ propet dañ.

³¹ Ma gêñ nañ oc hóc asê tiñambu-nga, nañ inñ kêyalê gwanañ su. Tu dinañ-nga inñ sôm yom dinañ pi †Mesaya, ma sôm bu Anötö oc tec inñ yêc sêhò dom, ma inñ ndê ñamlic oc tibalê dom. Mba! Mesaya tisa su.

³² Anötö unñ Yisu sa mbo tali tiyham, ma inñ ndê lau yac alic su dec asôm asê.

³³ Kwahic dec Anötö toc inñ sa ndöc inñ amba andô-nga, ma inñ kêñ Ñalau Dabuñ têtñ yac tôm Damba gic bata. Gêñ nañ mac alic ti anğô têtñ aacsalô lec, nañ Ñalau dau ndê gwelenñ ña-ñandô.

³⁴ “Ma Dawid dau pi undambê gi dom, magoc inñ to yom yêc bocdec bu, ‘Anötö sôm têtñ aneñ Pômdau, “Am ndöc aö amanñ andô-nga

³⁵ *e nditôm aö wakêñ nem ñacyo sêsôc am gahim ñapu.”*

³⁶ Inñ to yom dau hêganônñ Yisu. Bocdinañ mac lau Israel-nga honñ anğô. Anñyalê pi ñandô, bu Yisu nañ mac ac inñ ndu pi a gicso dau gi, nañ Anötö toc inñ sa ti Pômdau, ma têtñ asê bu inñ Mesaya dau.”

³⁷ Pita ndê yom honñ dinañ kuñ lau dau si ñalôm ñandô, dec sêsôm têtñ inñ ti lau aposel ñatô bu, “O asidôwai, yac dec oc akôm bocke?”

³⁸ Ma Pita ô yom ma sôm, “Mac honj anem nem ñalôm kwi ma alinj sanju tu Yisu Kilisi ndê ñaê-ñga, tu bu Anötö suc mac nem sac kwi-ñga. Ma mac oc akôc mwasiñ nanj Anötö gic bata, nanj Ñalau Dabun dau.

³⁹ Bu inj gic bata Ñalau Dabun gic waê lau honj nanj Pômdau yac neñ Anötö kêgalêm ñac sa. Gêñ dau gic waê mac ti mac nem balêkoc, ma lau honj nanj kwahic dec sêmbo ahê ma tinjambu oc sêkêñ whinj Yisu nanj.”

⁴⁰ Tinjambu Pita sôm yom daêsam ti gêm la ñac, ma kac ñac bocdec bu, “Anem daôm kwi têtñ Anötö bu nem mac si, dec mac oc andiñam awhinj lau sac nanj kwahic dec sêmbo nom, nanj dom.”

⁴¹ Ma têtñ bêc dau dinañ lau nanj sêkêñ whinj sêti daêsam, bu lau gitôm 3,000 sêkôc Pita ndê yom sa ma sêlinj busanju.

Lau sêkêñ whinj-ñga si lêtñ

⁴² Tôm bêc honj lau sêkêñ whinj-ñga sêpiñ dau dôn ti sêkêñ danja yom nanj aposel sêndôhôn têtñ ñac, ma ñac sêtenj mbec ti señ gêtñ sêwhinj dau.

⁴³ Aposel sêkôm gêtñ atu-tu ti gêtñ dalô daêsam, e lau Jerusalem-ñga honj sêhêdaê.

⁴⁴ Lau honj nanj sêkêñ whinj, nanj sêndöc tigenj ma sêyob si gêtñ honj sêwhinj dau.

⁴⁵ Ñac si lau ñatô bu sêpônnda dau, dec asidôwai ñatô oc sêkêñ si wapa ñatô ti gêtñ têtñ lau semlhi, goc sic sam ña-awa bu sênem lau nanj sêpônnda dau, nanj sa.

⁴⁶ Tôm bêc honj sêkac dau sa sêmbo lôm dabun ñabatêmdö, ma yêc ñac si andu ñac señ gêtñ sêwhinj

dau ti atac ngayham, ma sêsôc Anötö n̄apu ti si n̄alôm sambuc.

⁴⁷ N̄ac sêmpin̄ Anötö ma lau hon̄ sêlic n̄ac ngayham dec sêtoc n̄ac sa. Ma tôm bêc hon̄ Pômdau kôm lau wakuc sêkên̄ whin̄, dec kôm gôlôwac dabun̄ Jerusalem-n̄ga kêsôwec tiatu.

3

Pita kôm n̄gac bôlin̄ ngayham sa

¹ Têñ bêc dan̄ Pita lu Jon sêñsêlên̄ bu sêtên̄ lôm dabun̄ sêndi, têt̄ acgatu gitôm 3 kilok telha-n̄ga, nan̄ lau Israel si têt̄ sêtên̄ mbec-n̄ga dan̄.

² Ma n̄gac dan̄ mbo, nan̄ dinda kôc in̄ tigahi tigolon̄. Tôm bêc hon̄ lau sêmbalan̄ in̄ si, sêkên̄ in̄ ndôc lôm dabun̄ n̄agameñ kêt̄pin̄ gatam dan̄ nan̄ sêsam bu Gatam Ngayham, ma in̄ ten̄ gêt̄ têt̄ lau nan̄ sêsôc sêsa.

³ Têt̄ñ ndoc in̄ gêlic Pita lu Jon sêmeñ bu sêsôc sêndi, nan̄ in̄ ten̄ mone têt̄ in̄lu.

⁴ Pita lu Jon tahê in̄, ma Pita sôm têt̄ in̄, “Tamhê alu.”

⁵ Dec n̄gac dau tahê in̄lu, ma kêt̄ñ bata bu oc sêkên̄ gêt̄ñ têt̄ in̄.

⁶ Goc Pita sôm têt̄ in̄, “Aô neñ awa silba me gol bu wakêt̄ñ têt̄ am-n̄ga mbasi, magoc gêt̄ñ nan̄ yêc aô, nan̄ oc wakêt̄ñ. Tu Yisu Kilisi Nasaret-n̄ga ndê n̄aê-n̄ga aô wasôm têt̄ñ am bu êmsêlên̄!”

⁷ Ma Pita kêm in̄ têt̄ñ amba andô-n̄ga, keñ in̄ sa, ma n̄gahô n̄ambwa in̄ ndê hapa ti hagwam ngayham sa.

⁸ In̄ pwê gi kalhac e kêsêlên̄, goc sôc lôm dabun̄ n̄abatêmdô whin̄ in̄lu gi. Ma in̄ kêsêlên̄ ti pwê-pwê ma kêt̄pin̄ Anötö.

⁹ Lau hon nanj sêlic inj kêsêlêñ ti kêpiñ Anötö,
¹⁰ nanj sênjalê bu inj ngac tenj gêñ-nga nanj mun-nga ndöc lôm dabuñ ñasactô yêc gatam nanj sêsam bu Gatam Ñayham. Ma sêhêdaê ti sêsenj amba ñandô tu inj ñayham sa-ñga.

Pita gêm mêtê mbo lôm dabuñ ñabatêmdö

¹¹ Pita lu Jon sêlhac lôm dabuñ ñabatêmdö yêc gamenj nanj sêsam bu Solomon ndê Batêm, ma ngac tenj gêñ-nga dau sap injlu dôñ ñapanj. Ma lau hon nanj sêlic gêñ dau sêsö, ma sênti sêtêñ injlu si.

¹² Pita tahê ñac ma sôm, “Mac lau Israel-nga! Tu sake-nga mac asö tu gêñ dindêc-nga ma tamhê alu ñanğa? Mac gauc gêm bocke? Alu mba ñaclai ti mêtê gitêñ dec kôm inj ngac dinanj ñayham sa ma kêsêlêñ, a? Wasôm têñ mac, mba!

¹³ Abraham lu Aisak ma Jakob si Anötö, yac nenj abanji si Anötö, kôm gêñ dindêc tu bu po inj ndê ngac akinj Yisu ndê waê sa. Mac daôm akêñ inj sip lau Rom-nga amba bu sêndic inj ndu. Pailot dau gauc gêm tidôñ bu êngapwêc Yisu su, magoc mac atôc asê têñ Pailot bu mac atec Yisu.

¹⁴ Inj ngac dabuñ ti gitêñ, magoc mac atec inj, ma atenj Pailot bu êngapwêc ngac nanj gic ñamalac ndu, nanj su têñ mac.

¹⁵ Magoc ngac nanj ti yac nenj dandöc tanji-nga ñahu, nanj mac ac inj ndu. Tigenj Anötö unj inj sa akêñ lau batê-nga. Yac alic inj tisa su, dec asôm asê bu yomandô.

¹⁶ Alic ngac dindêc. Mac anyalê bu mun-nga inj ngac bôlinj. Kwahic dec inj gahi ñayham sa tu Yisu ndê ñaê-nga, ñaê nanj yac akêñ whinj. Yomandô! Inj

ņayham sa sambuc tu Yisu ndê ñaê-ņga ma tu yac akêņ whiņ Yisu-ņga.

¹⁷ “O asidôwai hac! Aô kayalê su bu mac ti nem lau bata Israel-ņga nem gauc sa pi Yisu ndê ñahu dom, dec mac ac iņ ndu.

¹⁸ Magoc lau propet hoņ sêhoc Anötö ndê yom asê gwanaj su, bu iņ ndê Mesaya oc hóc ñandê. Ma kwahic dec ñac si yom dau ñandô sa pi gêņ naņ mac akôm.

¹⁹ Tu dinaj-ņga dec wasôm têņ mac bu apu daôm ma anem daôm kwi. Ma bocdinaņ dec Anötö oc suc mac nem sac kwi.

²⁰ Ma Pômdau ndê mwasiņ oc puc mac nem gatôm dôņ. Ma Anötö oc kêņ Mesaya naņ iņ kêyalij sa gwanaj su, naņ Yisu dau, naņ mbu têņ mac meņ.

²¹ Iņ oc mbo undambê e tôm Anötö kôm gêņ hoņ tiwakuc tiyham, tôm iņ hoc asê muņ-ņga ña iņ ndê propet dabuņ hoņ whasuņ.

²² Bu Moses to yom bocdec bu, *‘Pômdau mac nem Anötö, oc êņyalij ñgac daņ sa yêc lau Israel-ņga, bu ti mac nem propet nditôm aô dauņ. Ma yom hoņ naņ iņ sôm, naņ mac asôc ñapu maņ.*

²³ *Lau naņ sêkêņ daņga propet dinaj ndê yom dom, naņ Anötö oc tiņ ñac su yêc iņ ndê lau ñatoņ.’*

²⁴ Moses to yom dinaj, ma Samuel ti propet hoņ naņ sêņkuc iņ, naņ sêhoc yom asê gwanaj su pi gêņ naņ hóc asê têņ têm dindec.

²⁵ Yom naņ lau propet sêhoc asê têņ abaji, naņ mac atap ña-ñandô sa su. Ma pwac naņ Anötö kêmatiņ whiņ abaji, naņ bocdinaņ. Bu Anötö sôm têņ Abraham bu, *‘Lau nom-ņga hoņ oc sêtap mbec ñamwasiņ sa yêc am nem wakuc.’*

²⁶ Ma kwahic dec Anötö kêñ ndê ñgac akin-ña menñ. Inñ têtñ mac lau Israel-ña munñ, bu nem mac kwi ma ahu nem mêtê sac siñ. Ma mac bu akôm bocdinañ, dec oc atap inñ ndê mbec ñamwasin sa.”

4

Sêkêñ Pita lu Jon sêndöc gapocwalô

¹ Pita lu Jon sêsôm yom têtñ lau sêmbo, ma lau †dabuñ-siga ti lau siñ sêyob lôm dabuñ-ña si ñgac bata, ma lau †Sadiusi ñatô sêtêtñ inñlu si.

² Ñac sêñgô bu Pita lu Jon sêndôhônñ lau ma sêsôm têtñ ñac bu Yisu tisa su, ma bu inñ ti lau si ñahu sêtisa akêñ lau batê-ña. Ma inñlu si yom dau kôm ñac atac ñandê.

³ Tu dinañ-ña sêkôc inñlu dôñ, tigenñ ñasec sa su, dec sêñlahi inñlu ahuc bu sêndöc e bêtêc.

⁴ Magoc lau daêsam nañ sêñgô yom nañ Pita lu Jon sêsôm, nañ sêkêñ whinñ yom dau. Ñac lau dau si launñgac ñambwa si namba gitôm 5,000.

⁵ Galañsê bêtêc lau bata ma lau andô ti lau nañ sêndôhônñ yomsu sêkac sa yêc Jerusalem.

⁶ Ma †dabuñsiga ñamata-ña Anas, ma Kayapas lu Jon ma Aleksanda ti lau ñatô yêc dabuñsiga ñamata-ña ndê gôlôwac, nañ sêmbo sêwhinñ ñac.

⁷ Sêkôc Pita lu Jon sêmenñ sêlhac ñac añgô-ña, goc sêñsu inñlu bocdec bu, “Amlu akôm gêñ dindêc am asa añgô, me akôc asa ndê ñac lai dec akôm?”

⁸ Têtñ dinañ Ñalau Dabuñ gêm Pita ahuc, dec sôm têtñ ñac bu, “O mac lau bata ti lau andô Israel-ña!

⁹ Kwahic dec mac bu añsu alu pi mwasinñ nañ akôm têtñ ñgac bôlinñ dindêc. Ma andac alu pi lêtñ inñ ñayham sa-ña.

¹⁰ Mac lau bata, ti mac lau Israel-nga honj anjô! Ngac dindec kalhac mac anjôm-nga, nanj namlic najham sa su tu Yisu Kilisi ndê ñaê-nga. Inj ngac Nasaret-nga nanj mac ac inj ndu pi a gicso dau. Magoc Anötö unj inj sa akêj lau batê-nga ma mbo tali tiyham.

¹¹ Sêto yom pi Yisu nanj yêc bocdec bu, *'Hoc nanj mac lau akwê andu-nga alic sac ma atec ndöc, nanj kwahic dec ti hoc namata-nga yêc andu dau.'*

¹² Anjô! Senj tigenj yêc bu yac lau nom-nga datap Anötö ndê mwasiñ nem yac si-nga sa, nanj datap sa tu Yisu ndê ñaê-ñ ga. Ñaê danj yêc nanj gitôm bu nem yac si-nga yêc dom. Mba andô!"

¹³ Lau bata sêngô yom dinanj, ma sênyalê bu Pita lu Jon sêsôc lôm mêtê-nga danj dom, magoc sênyalê bu munj-nga injlu sêmbu sêwhinj Yisu napanj. Ma ñac sêhêdaê bu injlu sêô lau si yom ti atac pa su.

¹⁴ Magoc ngac bôlinj nanj namlic najham sa, nanj kalhac whinj injlu, ma tu dinanj-nga ñac si yom mba bu sêsôm.

¹⁵ Bocdinanj sic atu injlu bu sêhu ñac lau †Sanedrin-nga siñ ma sêkêj ñasawa têtj ñac bu sêsôm yom pi injlu.

¹⁶ Goc sêsôm têtj dau bu, "Yac oc dakôm sake têtj ngac lu dindê? Lau Jerusalem-nga honj sêlic gêtj dalô atu nanj injlu sêkôm su, ma yac oc dasêc ahuc nditôm dom.

¹⁷ Lau honj bu sêngô ñawaê pi gêtj dindec, dec oc yham dom. Bocdinanj dakêj yao ñannga têtj injlu, bu sêsôm yom pi Yisu ma sêsam inj ndê ñaê têtj lau tiyham dom."

¹⁸ Goc sêmbwêc injlu sêmbu sêmenj, ma sic yao injlu bu sêsôm yom ti sêndôhônj lau tu Yisu ndê ñaê-nga

tiyham dom.

¹⁹ Magoc Pita lu Jon sêô ñac awha bocdec bu, “Mac gauc gêm bocke? Oc solop yêc Anötö anğô-nga bu alu asôc mac nem yom ñapu, ma dañan wambu Anötö dom, a?”

²⁰ Mba! Alu atôm dom bu anğapic whañsun tu gêñ nan alic ti anğô-nga.”

²¹⁻²² Lau bata sic yomsu inlu tiyham, goc sêkêñ inlu sêsa si. Ñac sêtôm dom bu sêtap lêñ sêmatôc inlu-nga dañ sa. Ñahu bu lau hoñ sêmpin Anötö tu in kôm ñgac nan ndöc bôlin yala daêsam su, nan ñayham sa. Bu ñgac dau ndöc bôlin ñapan e ndê yala gi tap 40 sa.

Lau sêkêñ whin-nga sêteñ mbec

²³ Sêngapwêc Pita lu Jon su, ma inlu sêmbu sêtêñ lau sêkêñ whin-ñ ga si, ma sic min yom nan †dabun-siga atu-tu ti lau bata sêsôm têñ inlu.

²⁴ Sêngô su, goc ñac hoñ sêteñ mbec têñ Anötö bocdec, “O Ñaclai Ñadau Pômdau, am nan kên undambê ti nom ma gwêc ti gêñ hoñ nan sêmbu ñalôm.

²⁵ Am daôm kên Ñalau Dabun hóc aban Dawid awha sa ma in sôm, ‘*Tu sake-nga lau nom-nga sêli dau sa ma sêkic yom nan ñandô mba?*

²⁶ *Ma kin ti gôlinwaga sêkac dau sa ma sêmatin yom pitigen bu sêsen Pômdau lu Mesaya nan in kêyalin sa, nan su.*

²⁷ Dawid ndê yom dau ñandô sa yêc malac atu dindec. Bu †Herod lu Pontias Pilot, ma lau sin gameñ apa-nga, ma lau bata Israel-nga sêkêñ si gauc pitigen bu sêsen am nem ñgac akin-nga dabun Yisu nan am kêyalin in sa ti Mesaya, nan su.

28 Gêñ nanj am, Naclai Ndadu gauc gêm tidôn su, nanj dec sêkôm ñandô sa.

29 O Pômdau, lau dinanj sêsôm yom daêsam bu sêlhac yac ahuc. Magoc yac atenj am bu puc yac dôñ bu ahoc am nem mêtê asê ti atac pa su.

30 Kêñ nem ñaclai têtñ yac bu akôm am nem gwelenj ma akôm lau gêmbac ñayham sa, ma akôm gêtñ dalô tidau-tidau tu am nem ñgac akiñ-ñga dabuñ Yisu ndê ñaê-ñga.”

31 Sêtenj mbec dinanj su, goc gameñ nanj sêkac sa sêndöc nanj kêwic dau. Ma Nalau Dabuñ gêm ñac honj ahuc, ma ñac sic hu sêsôm Anötö ndê mêtê asê ti atac pa su.

Lau sêkêtñ whiñ-ñga sêwêkaiñ gêtñ tonj tigenj

32 Lau sêkêtñ whiñ-ñga honj sêkêtñ si ñalôm ti gauc pitigenj. Ma ñac si danj gêlic ndê gêtñ tôm inj dau ndê dom. Honj sêwêkaiñ gêtñ tonj tigenj.

33 Lau aposel sêhoc Pômdau Yisu tisa ñawaê asê ti ñaclai enj, ma Anötö ndê mwasinj kêsalê ñac honj ahuc sambuc.

34 Ñac si danj pônda dau tu gêtñ danj-ñga dom. Nahu bu lau nanj sêwêkaiñ nom me andu, nanj sêkêtñ si gêtñ têtñ lau semlhi. Goc sêkôc ña-awa sa si,

35 ma sêkêtñ têtñ aposel sêyob. Ma lau aposel sic sam gêtñ dau têtñ lau sêpônnda dau-ñga tôm gi.

36 Ma ñgac danj mbo, nanj menj akêtñ nduc Saipras. Inj †Liwai ndê wakuc danj, ma inj ndê ñaê Josep. Magoc aposel sêsam inj bu Banabas, nanj danem kwi bu ñgac puc lau dôñ-ñga.

37 Ñgac dau ndê nom danj y êc, dec kêtñ têtñ lau semlhi, ma kôc ña-awa menj kêtñ têtñ lau aposel.

5

Ananias lu Sapaira

¹ Ngac dan ñaê Ananias lu in nawhê Sapaira sêmbô, ma inlu sêkêñ si nom dan têt lau semlhi.

² Nom dau ña-awa danğa Ananias kêtamiñ yêc in-nga, ma in nawhê Sapaira kêtalê. Ma ñadanğa nan Ananias kêt têt lau aposel, ma kêsau bu nom dau ñaôli sambuc dinan.

³ Têt ndoc Pita gêlic awa dau, nan sôm têt in bu, “Ananias, bocke dec Sadan gêm am nem ñalôm ahuc e am gauc gêm bu êñsau Ñalau Dabuñ, ma kêtamiñ nom ña-awa ñatô yêc am-nga?”

⁴ Muñ-nga am daôm ti ñadau nem nom, ma têt ndoc am kêt têt lau semlhi su, nan am ti ñadau ña-awa dau bocdinan. Magoc am kêt ñadanğa têt yac ma kêsau bu nom dau ñaôli sambuc dinan. Bocke dec am gauc gêm bu kôm gêt boc-dinan? Am kêsau ñamalac dom, am kêsau Anötö goc.”

⁵ Têt têt Ananias ngô yom dinan, dec in hu dau sip nom gi ma mbac ndu yêc. Ma lau hoñ nan sêtngô gêt dau ñawaê, nan sêtöc dau ñandô.

⁶ Lau batac ñatô sêtêt Ananias si, sêmpan in ndê ñamlan ahuc ma sêkôc sa si sêtñsuhun.

⁷ Ñasawa gitôm acgatu tö giñga su, goc ngac dau nawhê meñ ma gêm gauc gêt nan kôm in nakweñ.

⁸ Ma Pita tôc mone dau têt in, goc ndac, “Lau semlhi amlu nam akweñ nem nom dan, ma ñaôli dau dindec, me?” Ma awhê dau sôm bu, “Aêc, gêt dau dindec.”

⁹ Dec Pita sôm, “Bocke dec amlu nem ñalôm pitigeñ bu anjahê Pômdau ndê Ñalau? Lic su nan,

lau nan sênsuhun nam akwen dec kwahic sêlhac andu nasactô, bu sêmbalan am sa ndi whin.”

¹⁰ Ma ngahô nambwa awê dau ku sa yêc Pita gahi-nga ma mbac ndu. Ma lau batac sêsôc si ma sêlic bu in mbac ndu su, dec sêkôc in sa si ma sênsuhun in whin nakwen.

¹¹ Ma lau sêkên whin-nga hon, ti lau natô nan sêngô gêñ dau nawae, nan hon sêsô ma sêtôc dau ndandô.

Aposel sêkôm gêñ dalô daêsam

¹² Têñ nasawa dinan lau aposel sêkôm gêñ dalô ti gêñ atu-tu daêsam yêc lau sêkên whin-nga si ton nalôm. Ma lau sêkên whin-nga êlêmê sêkac dau sa sêmo lôm dabun yêc gameñ nan lau sêsam bu Solomon ndê Batêm.

¹³ Lau hon sêlic nac nayham ma sêtoc nac sa, tigen tu lau bata Israel-nga dec sêtôc dau bu sêlhac sêwhin nac.

¹⁴ Magoc laungac ti lauwhê daêsam sic hu sêkên whin Pômdau, dec lau sêkên whin-nga si namba kêsôwec tiatu napan.

¹⁵ Tu gêñ atu-tu nan lau aposel sêkôm-nga, dec lau sêhon si lau gêmbac sêsa malac lôm sêmen ma sêkên nac sêyêc sac ti mbô. Nac sêkên bata bu Pita oc êñsêlên men ma êmasec lau gêmbac me mboe ac kên in ndê gatu nem ayun lau gêmbac ma kôm nac nayham sa.

¹⁶ Ma lau daêsam akên malac nan sêyêc Jerusalem namakê, nan sêhon lau gêmbac ti lau nan nalau sac sêkôm nac sêtisac, nan sêmen ma lau aposel sêkôm nac hon nayham sa.

Sêkên aposel sêndôc gapocwalô tiyham

17 Têḅ dinanḅ dabuḅsiga ḅamata-ḅga ti inḅ ndê lau honḅ akêḅ Sadiusi si tonḅ sem lêmunḅ lau aposel ḅandô.

18 Tu dinanḅ-ḅga dec sêkôc ḅac dônḅ ma sêkêḅ ḅac sêndöc gapocwalô.

19 Tigenḅ têḅ ôbwêc Pômdau ndê anela gêlêc andu gapocwalô-ḅga ḅagatam su ma wê ḅac sêsa si.

20 Ma inḅ sôm têḅ ḅac bu, “Andi alhac lôm dabuḅ ḅabatêḅndö, ma ahoc yom asê timala enḅ têḅ lau, pi lau sêkêḅ whinḅ-ḅga si lêḅ wakuc.”

21 Sêḅgô anela ndê yom dinanḅ su, dec bêbêc ganduc sêtêḅ lôm dabuḅ si ma sic hu sêndôhônḅ lau.

Têḅ ndoc dinanḅ dabuḅsiga ḅamata-ḅga ti inḅ ndê lau sêmbwêc lau bata Sanedrin-ḅga honḅ sa sêpitigenḅ bu sêmatôc aposel si yom. Goc sêḅkinḅ lau ḅatô sêtêḅ gapocwalô si bu sêkôc lau aposel sa sêḅḅenḅ.

22 Magoc têḅ ndoc lau dau sêhóc asê gapocwalô, nanḅ sêlic bu aposel anḅgô mba. Goc sêmbu si ma sêsôm bu,

23 “Yac a alic bu sêḅlahi gatam ahuc ḅapep ma lau sêyob gatam sêlhac. Dec yac alêc gatam su magoc alic bu ḅac sêndöc dom.”

24 Lau sinḅ sêyob lôm dabuḅ-ḅga si ḅgac bata, ma dabuḅsiga atu-tu sêḅgô yom dau e sêpönda gauc.

25 Sêhê gauc sêḅbo ma ḅgac danḅ ḅenḅ ma sôm têḅ ḅac bu, “Alic su nanḅ! Launḅac nanḅ mac akêḅ ḅac sêndöc gapocwalô, nanḅ kwahic dec sêlhac lôm dabuḅ ḅamakê ma sêndôhônḅ lau sêḅbo.”

26 Goc lau sinḅ-ḅga nanḅ sêyob lôm dabuḅ ti ḅac si ḅgac bata sêtêḅ lôm dabuḅ si, ma sêkôc aposel sa sêḅḅenḅ. ḅac sêwê ḅac malô ma sêḅsahic ḅac dom, ḅahu bu sêtöc dau bu lau nanḅ sêtoc aposel sa, nanḅ

oc sêduc ñac ña hoc.

²⁷ Sêwê aposel sêmenj ma sêkêñ ñac sêlhac lau Sanedrin-nga angô-nga bu dabuñsiga ñamata-nga êñsu ñac.

²⁸ Inj sôm têtj ñac bu, “Y ac ac yao mac ñanğa bu andôhôn lau pi ñgac dinanğ ma asôm inj ndê ñaê asê tiyham dom. Magoc mac nem yom pi inj gêm Jerusalem ahuc su. Mac bu ahê ñamalac dinanğ ndê dac meñ pi yac, a?”

²⁹ Dec Pita ti aposel sêô inj awħa ma sêsôm bu, “Yac dañanğ wambu Anötö ndê yom hóc gêlêc ñamalac si yom su, ac ñawaê.

³⁰ Mac daôm ac Yisu ndu pi a, tigenğ abanğ si Anötö uñ inj sa mbo tali tiyham.

³¹ Ma Anötö toc inj sa ma kêtj inj ndöc inj ndê andô-nga ti Kinğ, ma ti Nğau Nem Lau Si-nga. Inj kôm bocdinanğ, ñahu bu inj bu kêtj ñasawa têtj lau Israel-nga bu sêkac si ñalôm kwi, dec inj oc suc ñac si sac kwi.

³² Yom dinanğ yac alic ñandô su, dec asôm asê. Ma Nğlau Dabuñ puñ yom dau dônğ bocdinanğ. Inj Nğlau nanğ Anötö kêtj têtj lau nanğ dañğa wambu inj ñapep.”

³³ Lau bata Israel-nga dinanğ sêñgô aposel si yom dau e gêli ñac ñalôm sa sac andô, ma ñac tac whinğ bu sêndic aposel ndu.

³⁴ Tigenğ lau Sanedrin-nga si ñgac bata danğ tisa bu lhac ñac ahuc. Inj Palêsai danğ ñaê Gamaliel, nanğ kêdôhônğ yomsu, ma lau honğ sêtoc inj sa. Inj gic atu yom bu sêkêñ aposel sêsa awê sêndi sêmbo ñasawa saunğ.

³⁵ Goc inj sôm têtj lau bata honğ, “Mac lau Israel-nga, akôc gauc ñapep pi gêtj nanğ mac bu akôm têtj lau dinanğ.

³⁶ Gauc nem Teudas, ngac nanj nasawa apê gi su toc dau sa bu ngac tiwaê. Magoc lau sinj Rom-nga sic inj ndu, ma lau 400 nanj sêmbu sêwhinj inj, nanj sêmbulu ngac sêlhö têtêtêj si. Ma inj ndê gwelenj honj hê su.

³⁷ Ma têtêj têtêj sêsê lau sa tu bu sênemlhi takis-nga, nanj ngac Galili-nga danj jaê Judas tisa. Inj gêli lau tonj danj sa bu sêkêj kisa lau Rom-nga. Magoc inj ginjga bocdinanj, ma inj ndê lau honj sêlhö têtêtêj.

³⁸ Bocdinanj kwahic dec aö b u wasôm anenj njalôm asê têtêj mac. Ahu lau aposel dindê sinj ma akêj ngac sêlhö sêndi. Nac si gwelenj bu menj akêj njamalac njambwa si, gitôm Teudas lu Judas si gwelenj, dec oc tôm dom bu nem njandô.

³⁹ Tigenj ngac si gwelenj bu menj akêj Anötö ndê, dec oc atôm dom bu alhac ngac ahuc. Ma mac bu akêj kisa ngac, dec mac oc akêj kisa Anötö dau.”

⁴⁰ Lau bata honj sêngô inj ndê yom ma sêsôc njapu. Nac sêmbwêc aposel sêsôc sêmenj ma sêkêj lau sinj-nga sêhi ngac ja sö. Ma sêkêj yao bu sênem mêtê pi Yisu tiyham dom, goc sêkêj ngac sêsa si.

⁴¹ Aposel sêhu lau bata Sanedrin-nga sinj, ma sêsa si ti atac njayham atu. Nahu bu Anötö kêtêj ngac sêhóc njawapac ti njandê tu Yisu ndê jaê-nga, dec toc ngac sa.

⁴² Ma tôm béc honj sêndôhônj lau sêmbu lôm dabunj njabatêmnö, ma sêndôhônj lau sêlom-sêlom andu. Ma sêhoc njawaê njayham asê njapanj ma sêsôm bu Yisu inj Mesaya dau.

6

Sênyalinj lau 7 sa bu sêndic sam gêtêj danenj-nga

¹ Lau sêkêḅ whiḅ Yisu-ḅga si toḅ kêsôwec ḅapaḅ. Magoc têḅ têm dinaḅ ḅawapac daḅ ḅôc asê. Yêc toḅ dau ḅalôm lau Israel-ḅga naḅ sêsôm lau Grik awḅa, naḅ sêtuçdiḅ lau Israel-ḅga naḅ sêsôm Yom †Hibru. ḅahu bu tôm bêc hoḅ lau sic sam gêḅ danêḅ-ḅga têḅ lau naḅ sêpônça dau, magoc tandô toḅ lauwhê sawa naḅ sêsôm Yom Grik.

² Tu dinaḅ-ḅga aposel 12 sêmbwêc lau sêkêḅ whiḅ-ḅga hoḅ sêpitigeḅ, ma sêsôm, “Yḅam dom bu yac aḅu Anôtô ndê gwelen ḅawaê ḅayḅam-ḅga siḅ tu ayob gwelen andic sam gêḅ-ḅga.

³ Bocdinaḅ asidôwai, anyaliḅ laḅḅac 7 sa yêc toḅ dindec ḅalôm, naḅ lau tiguaç ma ḅalau Dabuḅ gêm ḅac aḅuc. Ma lau dinaḅ yac oc dakêḅ ḅac sêyob gwelen dindec.

⁴ Ma yac daḅḅ oc akôm gwelen anem mêtê ti atêḅ mbec-ḅga ḅapaḅ.”

⁵ Lau hoḅ sêḅgô ḅac si gauc dinaḅ ma sêlic ḅayḅam. Bocdinaḅ ḅac sêḅyaliḅ lau 7 sa, naḅ si ḅaê bocdec. Steven, iḅ ḅgaç naḅ ḅalau Dabuḅ gêm iḅ aḅuc ma kêḅ whiḅ ḅaḅḅa, ma Pilip, Prokoras, Nikanor, Timon, Pamenas, ma Nikolas naḅ ndê malachu Antiok. Nikolas iḅ ḅgaç Israel-ḅga dom, magoc muḅ-ḅga iḅ gêm dau kwi ma gêm akiḅ Anôtô kêkuc lau Israel-ḅga si sakiḅ akwa.

⁶ ḅac sêkêḅ lau 7 dau sêlhac aposel aḅgô-ḅga, ma aposel sêteḅ mbec ma sêkêḅ amba sac ḅac.

⁷ Têḅ ḅasawa dinaḅ Anôtô ndê mêtê tiapa, ma lau Jerusalem-ḅga daêsam sêkêḅ whiḅ Yisu. Ma dabuḅsiga Israel-ḅga daêsam sêkêḅ whiḅ bocdinaḅ.

Sêkôc Steven dôḅ

⁸ Steven in̄ ḡac naḡ Anötö ndê mwasiḡ ti ḡaclai ḡêm in̄ ahuc, ma kôm ḡêḡ atu-atu ti ḡêḡ dalô mbo lau ḡalôm.

⁹ Magoc lau akêḡ lau Israel-ḡga si toḡ daḡ sic hu sêkêḡ kisa in̄. ḡac lau dinaḡ sêmeḡ akêḡ malac Sairin ti Aleksandria ma akêḡ gameḡ Silisia ti Esia-ḡga. Muḡ-ḡga ḡac lau akiḡ ḡambwa, magoc tiḡambu si ḡadaui sêhu ḡac siḡ yêc si sakiḡ, ma êlêmê sêkac sa sêmbu dau si lôm wê-ḡga daḡ. ḡac sêpu Steven ti in̄ ndê yom.

¹⁰ Magoc tu Steven ndê gauc ti yom naḡ ḡalau Dabuḡ kêḡ têḡ in̄-ḡga, dec ḡac sêtôm dom bu sêku in̄ ndê yom dulu.

¹¹ Tu dinaḡ-ḡga ḡac sêkôc lau ḡatô ma sêkic yom gelec sêwhiḡ ḡac, bu ḡac oc sêtisa ma sêḡḡoliḡ yom pi Steven bocdec bu, “Yac aḡḡ Steven sôm yom sac-sac pi Moses ma pi Anötö.”

¹² Goc ḡac sêsôm yom dau e ḡêli lau hoḡ si ḡalôm sa, ma lau bata ti lau naḡ sêndôhohḡ yomsu-ḡga sêwhiḡ. Goc sêkôc in̄ dôḡ ma sêwê in̄ e sêkêḡ in̄ kalhac lau Sanedrin-ḡga si aḡḡ-ḡga.

¹³ Goc sêkêḡ lau tasiḡ ḡatô sêtisa ma sêsôm, “In̄ ḡac dindec sôm yom ḡapaḡ bu êḡḡwiniḡ yac neḡ lôm dabuḡ ma Anötö ndê yomsu.

¹⁴ Yac aḡḡ in̄ sôm bu Yisu Nasaret-ḡga oc seḡ gameḡ dindec su, ma kêḡ ḡaḡoliḡ wakuc ô mêtê naḡ Moses ḡic dulu têḡ yac.”

¹⁵ Têḡ dinaḡ lau hoḡ naḡ sêndôc Sanedrin si toḡ, naḡ tahê Steven, ma sêlic bu in̄ ndê aḡḡ andô ḡawasi ḡitôm aḡela daḡ ndê.

Steven sôm yom têtj lau Sanedrin-nga

¹ Ma dabun̄siga ŋamata-nga ndac in̄ bu, “Yom dindec nan̄ sêngôlin̄ pi am, nan̄ yom ŋandô, me mba?”

² Ma Steven ô yom ma sôm, “Asidôwai ti damaŋi. An̄gô su nan̄! Muŋ-nga lê aban̄ Abraham ndöc Mesopotemia, in̄ têtj malac Haran gi su dom, ma Anötö N̄awê N̄adau hoc dau asê têtj in̄.

³ Ma sôm têtj in̄, ‘Hu nem gameŋ ti am nem lau sin̄, ma têtj gameŋ dan̄ nan̄ aö bu watôc têtj am, nan̄ ndi.’

⁴ Bocdinaŋ in̄ hu lau Saldi si gameŋ sin̄, ma sa gi ndöc Haran. Tin̄ambu in̄ damba mbac ndu su, goc Anötö kêkin̄ Abraham bu têtj gameŋ dindec nan̄ kwahic dec mac andöc, nan̄ meŋ.

⁵ Tigen̄ in̄ kêŋ nom têtj Abraham wêkain̄ yêc gameŋ dindec dom. Mba, Abraham dau tap nom saun̄ dan̄ sa dom! Têtj ndoc dinaŋ Abraham ndê balêkoc mba, magoc Anötö kêmatin̄ yom tidôŋ têtj in̄, bu in̄ ti in̄ ndê lau wakuc oc sêwêkain̄ gameŋ dau.

⁶ Ma Anötö sôm têtj in̄ bu, ‘Am nem wakuc oc sêhu gameŋ dindec sin̄ ma sêndöc sêtôm lau apa yêc lau dan̄ si gameŋ. Ma ŋac oc sênem akin̄ lau dau, ma lau dau oc sêkôm ŋac ŋayom nditôm yala 400.

⁷ Magoc tin̄ambu aö oc wakêŋ ŋagêyô têtj lau gameŋ dinaŋ-nga nan̄ sem akin̄ ŋac, ma am nem wakuc oc sêhu gameŋ dinaŋ sin̄ ma sêmbu sêmen̄ sênem akin̄ aö yêc gameŋ dindec.’

⁸ Ma Anötö kêŋ †pwac sêsê laun̄gac si ŋamlic ŋatô su-nga têtj Abraham. Tin̄ambu Abraham kwê ndê atun̄gac Aisak asê, ma sê in̄ ndê ŋamlic ŋatô su têtj

in ndê bêc ti-8-nga. Aisak dau kwê Jakob asê, ma Jakob kwê yac neŋ abanji 12 asê, nan sêti yac neŋ gôlôwac Israel-nga tonj 12 si nahu.

⁹ Josep in abanji 12 si dan, magoc dôwai sem lêmun in, dec sêkêŋ in têtj lau semlhi. Ma lau dau sêkôc in sa sêsip gameŋ Isip-nga si, ma in mbo gameŋ dinaŋ tôm ngac akiŋ nambwa dan. Magoc Anötö mbo whin Josep,

¹⁰ dec gêm in si yêc ŋawapac bocke nan tap in sa. In kêtj gauc ŋayham-ŋayham têtj in dec lau Isip-nga si kiŋ Parao gêlic in ŋayham, ma kêtj in gêm gôlin gêtj honj yêc in ndê andu kiŋ-nga, ma gameŋ Isip-nga sambuc.

¹¹ Tinjambu tóbôm gêm Isip ma Kanan ahuc e lau sêhóc ŋawapac atu, ma abanji sêpônda gêtj sêneŋ-nga.

¹² Jakob ngô ŋawaê bu gêtj daneŋ-nga yêc Isip, dec kêkiŋ ndê atui sêsip Isip si. Têm ŋamata-nga dinaŋ sêsip si ma semlhi gêtj daneŋ-nga, ma sêmbu sêmeŋ.

¹³ Tinjambu in kêkiŋ ŋac sêsip Isip si tiyham, ma têtj dinaŋ Josep sôm dau asê têtj ndê asidôwai, ma Parao ngô ŋawaê pi Josep ndê gôlôwac.

¹⁴ Goc Josep kêkiŋ yom têtj in damba Jakob ti in ndê lau ŋatô, bu ŋac honj sêsip Isip sêtêtj in sêndi. Ŋac lau dinaŋ lau 75.

¹⁵ Bocdinaŋ Jakob ti yac neŋ abanji sêsip Isip si, ma sêndöc e sêmbac ndu sêyêc gameŋ dinaŋ.

¹⁶ Ma tinjambu ŋac si lau wakuc sêkôc ŋac si ŋakwa su yêc Isip bu sêŋsuhun ŋac yêc malac Sekem, sêyêc sêhô nan Abraham gêmli su yêc Hamo ndê atui.

¹⁷ “Tinjambu, ndoc meŋ kêpiŋ bu yom nan Anötö gic bata têtj Abraham, nan ŋandô sa. Têtj têtj dinaŋ

lau Israel-nga nan sêndöc Isip, nan sêti daêsam nandô.

¹⁸ Magoc kiñ wakuc dan gêm gôliñ Isip, nan kêyalê Josep dom.

¹⁹ In yob yac neñ abañi solop dom, ma kêñ n̄awapac atu têtñ n̄ac. In gic yomsu n̄ac bu sêmbaliñ balêkoc wakuc hon siñ sêniñga.

²⁰ Têtñ ndoc dinañ Moses dinda kôc in, ma Anötö gêlic in n̄ayham. N̄ac sêlôm in sêmba damba ndê andu gitôm ayô tö.

²¹ Tiñambu sêkôc in sa si ma sêsiñ in, ma malô goc Parao ndê atuwê tap in sa ma gôlôm in ti ndê balêkoc.

²² Ma bocdinañ dec Moses sôc lôm bapia ma kêdôhôn lau Isip-nga si gauc hon. Ma in ti ngac n̄anga tu sôm yom ma kôm gwelen-nga.

²³ In mbo e in ndê yala ti 40 su, ma bêt dan in gauc gêm bu sa ndi lic ndê asidôwai Israel-nga.

²⁴ Têtñ ndoc dinañ in gêlic ngac Isip-nga dan kôm ngac Israel-nga dan n̄ayom. Dec in gic ngac Isip-nga dinañ ndu bu nem in ndê asidôwa dinañ si.

²⁵ In gauc gêm bu mboe in ndê asidôwai oc sênyalê bu Anötö kêyaliñ in sa bu nem n̄ac sa, magoc mba. N̄ac sem gauc.

²⁶ N̄agalañsê in sa gi tiyham ma gêlic Israel lu sic dau sêmba. In bu nem malô inlu, dec sôm, ‘Amlu asidôwa, ma tu sake-nga dec akêñ kisa daôm?’

²⁷ Magoc ngac lu dau si dan, nan bu kôm ndê asidôwa tisac, nan suc Moses sa gi, ma sôm, ‘Asa kêñ am bu nem gôliñ ma êmatôc yac?’

²⁸ Bocke? Am bu ndic aö ndu gitôm am gic ngac Isip-nga dan têtñ alhabêt, a?’

29 “Têñ ndoc Moses ngô yom dinan, nan inj kölhö têñ gameñ Midian-nga gi, ma ndöc dinan gitôm ngac apa. Ma yêc dinan inj gêm awhê sa ma kwê balêkoc ngac lu asê.

30 Yala 40 ginnga su, goc añela dan hoc dau asê têñ inj ñalêñ bocdec. Moses mbo Lôc †Sainai yêc gameñ sawa, ma gêlic ya ñawahô golom sa a saun dan.

31 Gêñ dau kôm inj sö ma gauc gêm yom daêsam. Inj tigasuc gi bu lic gêñ dau, dec ngô Pômdau awha sa têñ inj meñ bocdec bu,

32 ‘Am apami Abraham lu Aisak ma Jakob si Anötö aö.’ Moses ngô yom dau e kêtitec ñandô ma töc dau bu hôc tandô sa ma lic tiyham.

33 Goc Pômdau sôm têñ inj, ‘Kôc nem atapa su yêc gahim, bu gameñ nan am kalhac, nan gameñ dabun.

34 Aö galic su bu aö neñ lau sêmbo sac yêc Isip. Aö ganngô ñac si danji, madec gasip gameñ bu wanğaho ñac su yêc ñawapac dau. Bocdinan kwahic dec aö oc wanğin am mbu têñ Isip ndi.’ ”

35 Steven gic miñ yom dinan, goc sôm, “Aö wasôm têñ mac, bu Moses inj ngac dau, nan muñ-nga lau Israel-nga sêtec inj ti sêsôm inj bocdec bu, ‘Asa kêñ am bu nem gôlin ti êmatôc yac?’ Tigen Anötö dau ndê añela hoc dau asê têñ inj yêc a saun dinan, ma kêkin inj bu nem gôlin lau Israel-nga ma kôc ñac su yêc gameñ Isip-nga.

36 Bocdinan inj kôc ñac sêsa akêñ Isip sêmeñ. Têñ ndoc dinan inj kôm gêñ dalô ti gêñ atu-tu daêsam yêc gameñ Isip-nga, ma yêc gwêc nan sêsam bu Gwêc Koc. Ma inj kôm gêñ dalô tidau-tidau yêc gameñ sawa tôm yala 40.

37 “Inj Moses dau dinaņ goc sôm têt lau Israel-ņga bu, ‘Anötö oc töt ņgac daņ yêc mac nem toņ ņalôm, ti propet nditôm aö dauņ.’

38 Moses mbo whiņ lau Israel-ņga têt ndoc sêmbo gameņ sawa. Inj kalhac aņela naņ sôm yom têt inj yêc Lôt Sainai, ma yac neņ abaņi ņalhu, bu kôt Pômdau ndê yom dandöc taņli-ņga ma kêt têt lau Israel-ņga. Ma lau dau sic yom dau dulu e meņ têt yac.

39 Magoc yac neņ abaņi sêtec bu sêsôt inj ņapu. Țac sêpu inj ma ņac si ņalôm gauc gêm gameņ Isip-ņga ņapaņ, e ņac atac whiņ bu sêmbu sêndi.

40 Têt ndoc Moses mbo Lôt Sainai ņasawa baliņ, naņ ņac sêsôm têt Aron bu, ‘Inj ņgac Moses dinaņ, kôt yac sa asa yêc Isip amen, ma kwahic dec yac am gauc gêt bocke hôt asê inj. Bocdinaņ êmasaņ anötöi gwam bu sêwê yac.’

41 Têt ndoc dinaņ ņac sêmasaņ makao ņagatu ti gwam, goc sêndê mwasin atu daņ tu bu sêtoc gêt dau sa-ņga. Țac sêkêt da têt gwam dau, ma atac ņayham kêlêc pi gêt naņ ņac dau amba sêmasaņ.

42 Tu dinaņ-ņga dec Anötö puc dômbwê ņac ma hu ņac siņ bu sênem akiņ tata ti gêt umbon-ņga. Lau propet sêto yom pi ņac si mêtê dau bocdec bu:

O mac lau Israel-ņga. Yala 40 dinaņ mac ambo gameņ sawa, naņ mac akêt nem gêt daņ ti da têt aö dom. Mba!

43 Mac êlêmê ambalaņ bac po daņ tu anem akiņ mac nem anötö tasaņ Molek-ņga. Ma mac am akiņ tata daņ ņaê Repa ti mac nem anötö, ma apôņ hamduc têt anötöi gwam daêsam naņ mac amasaņ. Tu dinaņ-ņga aö watiņ mac su andi andöc gameņ Babilon-ņga ņadaņga tôm lau gapocwalô-

nga.
5:25-27]

[Amos

⁴⁴ Yêc gameŋ sawa, Anötö whê sa ti tôc lêŋ têtŋ Moses bu lau Israel-nga sêmasaŋ †bac dabuŋ daŋ ti ŋac si gameŋ sênem akiŋ iŋ-nga, naŋ sêkêŋ †apa yomsu-nga yêc ŋalôm. Iŋ kêmasaŋ gêtŋ dau tôm Anötö tôc asê têtŋ iŋ, ma abañi sêmbalaŋ gêtŋ dau whiŋ ŋac, têtŋ ndoc ŋac sêŋsêlêŋ si.

⁴⁵ Nalêŋ dau dinaŋ Anötö kêŋ ndê bac dabuŋ têtŋ lau Israel-nga yêc gameŋ sawa. Tiŋambu Anötö soc lau naŋ sêndöc gameŋ Kanan-nga su, bu kêŋ gameŋ dau têtŋ ŋac. Ma têtŋ ndoc Josua wê ŋac sêsôc gameŋ Kanan-nga si, naŋ sêmbalaŋ bac dabuŋ dau whiŋ ŋac. Ma bac dau kalhac whiŋ ŋac e Dawid ndê têtŋ.

⁴⁶ Anötö gêlic Dawid ŋayham, ma Dawid tac whiŋ bu kwê lôm daŋ sa ti Jakob ndê Anötö ndê andu ŋandô.

⁴⁷ Magoc Dawid kwê andu dau dom, iŋ ndê atuŋgac Solomon kwê andu dau sa.

⁴⁸ Tigeŋ kwahic dec aö wasôm têtŋ mac bu Anötö Naclai ti Nawasi Nadau, iŋ ndöc andu naŋ ŋamalac sêkwê, naŋ dom. Tôm yom naŋ propet Aisaya to bocdec bu:

⁴⁹ Pômdau sôm, ‘Undambê ti aneŋ pônŋ kiŋ-nga, ma gameŋ nom-nga ti gameŋ gahiŋ lhac-nga. Bocdinaŋ mac oc akwê andu kaiŋ bocke tu bu wandöc-nga? Me amasaŋ gameŋ bocke tu waŋwhaŋ dauŋ-nga?’

⁵⁰ Bu aö dauŋ gakêŋ gêtŋ hoŋ dinaŋ.’ ” [Ais
66:1-2]

⁵¹ Têtŋ dinaŋ Steven sôm têtŋ ŋac lau Sanedrin-nga bu, “Mac lau ŋalôm ŋadandi-nga. Mac am daôm kwi

dom, ma mac nem danjamsuŋ kwa njanja. Mac nem mêtê gitôm apami si. Mac êlêmê atec Njalau Dabuŋ ndê gwelenj.

⁵² Mac nem apami sêkêŋ kisa propet hoŋ nanj Anötö kêkinj. Ma propet nanj sêhoc yom asê pi ngac gitêŋ nem lau si-ŋga nanj Anötö oc êŋkinj meŋ, nanj apami sic ŋac ndu. Ngac gitêŋ dau meŋ su, magoc mac akêŋ inj sip lau Rom-ŋga amba ma ac inj ndu.

⁵³ O mac lau daôm! Mac daôm akôc Anötö ndê yomsu nanj anjela sêkêŋ têŋ abanji, nanj su, tigenj asôc ŋapu dom!”

Sêtuc Steven ŋa hoc mbac ndu

⁵⁴ Têŋ ndoc lau Sanedrin-ŋga sêŋgô Steven ndê yom dinanj, nanj ŋac atac ŋandê atu ma sêseŋ lhô tu inj-ŋga.

⁵⁵ Magoc Njalau Dabuŋ gêm Steven dau ahuc, ma inj tatac undambê ma gêlic Anötö ndê ŋawasi, ma Yisu kalhac Anötö amba andô-ŋga.

⁵⁶ Dec inj sôm, “Alic su nanj! Aô galic undambê kac sa ma †Ŋamalac ndê Atu kalhac Anötö ndê amba andô-ŋga.”

⁵⁷ Ŋac sêŋgô yom dinanj goc sêpôc danjasuŋ ahuc, ma sêmbwêc atu pi gi. Ŋac sênti sêtêŋ inj si,

⁵⁸ ma sêtiŋ inj sa malac ŋamakê gi, ma sic hu sêtuc inj ŋa hoc. Lau nanj sêŋgôlinj yom pi Steven, nanj sêkac si ŋakwê bambalinj su, ma sêkêŋ têŋ ngac wakuc danj ŋaê Saul bu yob.

⁵⁹ Ŋac sêtuc hoc pi Steven sêmbo, ma inj tenj mbec têŋ Pômdau bocdec, “O Pômdau Yisu, kôc anenj gatunj sa loc.”

⁶⁰ Goc in peñ ña haduc-ña sip gi ma mbwêc atu bu, “Pômdau, gauc nem sac nan lau sêkôm têt ãö, nan dom.” In sôm su, goc mbac ndu.

8

¹⁻² Saul gêlic Steven mbac ndu ma atac ñayham tu gêt nan lau dau sêkôm têt in-ña. Ma tinambu lau sêkêt whin ñanğa-ña ñatô sêñsuhun Steven ma sêtan in.

Saul ma lau Israel-ña sêkêt kisa lau nan sêkêt whin Yisu

Têt bêc dau dinan lau sic hu sêkêt kisa ñanğa têt lau sêkêt whin-ña nan sêmbo Jerusalem. Tu dinan-ña ñac si lau daêsam sêhu Jerusalem sin ma sêlhö têt têt sêtêt gamen Judia ti Samaria-ña si. Magoc lau aposel sêhu Jerusalem sin dom.

³ Ma Saul bocdinan gic hu bu sen lau sêkêt whin Yisu-ña. In kêsâlê ñac tøm andu, goc hê ñac sêsa si ma kêt ñac sêndöc gapocwalô, laungac sêkêt whin-ña, ma lauwhê bocdinan.

Pilip gêm mêtê mbo Samaria

⁴ Lau sêkêt whin-ña nan sêhu Jerusalem sin ma sêlhö têt têt, nan sêhoc ñawaê ñayham pi Yisu asê, yêc malac hon nan sêhóc asê nan.

⁵ Pilip têt malac atu dan yêc gamen Samaria-ña gi, ma gêm mêtê yêc dindê ma whê sa bu Yisu in Mesaya dau.

⁶ Lau daêsam sêngô Pilip ndê yom ti sêlic gêt dalô nan in kôm, dec sêkêt danğa in ndê yom ñapep.

⁷ Pilip soc ñalau sac daêsam su sêsa yêc lau ti sêmbwêc atu. Ma in kôm lau bôlin daêsam ñayham sa.

⁸ Tu dinan-nga lau daêsam yêc malac atu dinan atac n̄ayham atu.

Saimon, ngac balö

⁹ Ngac dan mbo malac dinan, nan ndê n̄aê Saimon. Tôm n̄asawa baliñ in pec balö ti kôm gên atu-tu e lau gameñ Samaria-nga hon sêhêdaê. In toc dau sa bu in ngac tiwaê.

¹⁰ L au atu-tu ma lau n̄ambwa hon tatiñ Saimon n̄apan. Nac sêsôm, “Anötö ndê n̄aclai nan dasam bu N̄anga Atu, nan puc ngac dindec dôn.”

¹¹ Ma lau daêsam tatiñ in n̄apan, bu sêhêdaê tu gên atu-tu nan in kôm n̄asawa hic su nan-nga.

¹² Magoc sêhu siñ têt ndoc sêngô n̄awaê n̄ayham pi Anötö ndê gôlin ma pi Yisu Kilisi, nan Pilip hoc asê. Lau ngac ti lauwhê daêsam sêkên whin in ndê yom, ma sêlin san̄gu.

¹³ Ma Saimon dau kên whin ma gêlin san̄gu whin. In gêlic gên dalô ti gên atu-tu nan Pilip kôm, dec hêdaê n̄andô ma kêkuc in n̄apan.

¹⁴ Têt ndoc lau aposel nan sêmbö Jerusalem sêngô n̄awaê bu lau Samaria-nga sêkôc Anötö ndê yom sa, nan sênkin Pita lu Jon sêtêt n̄ac si.

¹⁵ Inlu sêhôt asê n̄ac su, goc sêtet mbec bu Pômdau kên ndê N̄alau Dabuñ pi n̄ac hon.

¹⁶ Têt ndoc lau Samaria-nga dinan sêkên whin, nan sêlin san̄gu tu Pômdau Yisu ndê n̄aê-nga, magoc N̄alau Dabuñ sip meñ pi n̄ac si dan dom. Tu dinan-nga dec Pita lu Jon sêtet mbec pi n̄ac.

¹⁷ Sêtet mbec su ma sêkên amba sac n̄ac, goc N̄alau Dabuñ meñ gêm n̄ac ahuc.

18 Saimon gêlic bu têtê ndoc aposel lu sêkêtê amba sac lau dau, nañ Nalau Dabuñ meñ pi ñac, dec gauc gêm bu nemlhi ñaclai dau yêc inlu.

19 In ndac inlu bocdec bu, “Akêtê ñaclai dinañ lom aö. Ma bocdinañ asa nañ bu wakêtê amañ sac in, nañ oc kôc Nalau Dabuñ.”

20 Magoc Pita ô yom ma sôm, “Bocke? Am gauc gêm bu nemlhi Anötö ndê mwasin ña mone, a? Am oc niñam, ti nem mone hon!”

21 Am wêkain gwelen dindéc whin yac dom. Nahu bu gauc nañ yêc am nem ñalôm, nañ Anötö gêlic bu solop dom.

22 Kac nem ñalôm kwi ma hu mêtê sac dinañ sin. Ma teñ mbec têtê Pômdau bu suc am nem giso kwi pi gauc sac nañ yêc nem ñalôm.

23 Aö galic su bu am gêm lêmun Anötö ndê ñaclai e am ñalôm géli sa, ma sac ña-ñaclai sô am dôñ ñapañ.”

24 Saimon ngô Pita ndê yom dinañ, goc sôm, “Gitôm bu am teñ mbec têtê Pômdau tu aö-nga, ma bocdinañ gêtê nañ am sôm yom pi, nañ oc tap aö sa dom.”

25 Pita lu Jon sêhoc Pômdau ndê yom asê ti sem mêtê lau su, goc sêlhö bu sêmbu sêtêñ Jerusalem sêndi. Ma yêc señ ñasawa, nañ sêsôm ñawaê ñayham asê yêc malac daêsam nañ sêyêc gameñ Samaria-nga.

Pilip lu ngac Itiopia-nga

26 Têtê ndoc dinañ Pômdau kêtêñ ndê anjela dan têtê Pilip gi, ma sôm têtê in bu, “Êmasañ daôm, goc sa ndi ma êmsêlêñ êmkuc señ akêtê Jerusalem nañ sip têtê malac Gasa, señ nañ gic gameñ sawa kic.”

27 Bocdinaŋ Pilip tisa ma kêsêlêŋ gi. Ma yêc seŋ dinaŋ iŋ tap ŋgac Itiopia-ŋga daŋ sa, naŋ bêc ŋatô su mbo Jerusalem bu lic om, ma bu mbu têŋ ndê gameŋ ndi. Iŋ ŋgac tiwaê naŋ yob lau Itiopia-ŋga si Kwin Kandis ndê awa hoŋ, naŋ muŋ-ŋga sêsip iŋ ndê ŋamatu sa.*

28 Têŋ ndoc Pilip tap iŋ sa yêc seŋ, naŋ ŋgac dau ndöc ndê kaleta, ma sam propet Aisaya ndê buku.

29 Dec Nalau Dabuŋ sôm têŋ Pilip, “Am tigasuc kaleta ma êmkuc ŋgac dindê.”

30 Goc Pilip kêti têŋ kaleta gi ma ŋgô bu ŋgac dau sam propet Aisaya ndê yom asê. Dec Pilip ndac iŋ, “Am sam yom dinaŋ ma kêyalê ŋahu, me mba?”

31 Ma iŋ sôm, “Ŋamalac daŋ bu whê sa têŋ aö dom, dec oc waŋyalê bocke?” Ma iŋ ndac Pilip bu pi kaleta ma ndöc whiŋ iŋ.

32 Iŋ ŋgô bu ŋgac dau sam Aisaya ndê yom bocdec bu:

Ŋac sêwê iŋ bu sêndic iŋ ndu gitôm domba.

Ma iŋ gêm dau dôŋ tôm domba naŋ sêŋgapin ŋamlichu, magoc taŋ dom.

33 Ŋac sêŋgwiniŋ iŋ, ma sêmatôc iŋ ndê yom gi solop dom.

Ŋac sic iŋ ndu, ma bocdinaŋ iŋ ndê wakuc mba.

[Ais 53:7-8]

34 Ma ŋgac dau ndac Pilip, “Gitôm bu am whê sa têŋ aö bu propet sôm yom dinaŋ pi iŋ dau, me pi ŋamalac daŋ?”

* **8:27:** Muŋ-ŋga lau si gêbôm daŋ yêc bu launŋac akiŋ naŋ sêyob Kiŋ si andu me wapa me lauwhê, naŋ sêsip ŋac ŋamatu sa. Launŋac kaiŋ dinaŋ sêsam yêc Yom Inglis bu ‘Eunuch’ (Yunok).

³⁵ Goc Pilip whê yom honj sa têtj inj, gic hu yêc Aisaya ndê yom dinañ e sôm ñawaê ñayham pi Yisu têtj inj. Ma ñgac dau kêtj whinj Yisu.

³⁶⁻³⁷ Ñac si e sêhóc asê bu dañ poc señ ñamakê. Ma ñgac dau sôm, “Lic bu dê poc. Gitôm bu aõ walin busañgu, me mba?”

³⁸ Goc inj sôm têtj ñgac nañ gêm gôlinj kaleta bu kêtj kaleta lhac. Ma injlu Pilip sêsip bu si ma Pilip kêku inj.

³⁹ Têtj ndoc nañ sêpi akêtj bu sêmenj, nañ Pômdau ndê Ñalau kôc Pilip su sep tigenj. Ma ñgac dau gêlic inj tiyham dom, magoc kôlhô ti atac ñayham gi.

⁴⁰ Ma Ñalau kôc Pilip sa gi kêtj inj mbo malac Asotas. Ma inj kêsêlêñ golom-golom malac, ma sôm ñawaê ñayham asê e hóc asê malac Sisaria.

9

Pômdau gêm Saul kwi

¹ Têtj ñasawa dinañ Saul kêtj kisa lau sêkêtj whinj Pômdau-ñga ñapañ. Inj sôm ñanga bu inj oc kôm ñac ñayom ma ndic ñac ndu. Inj têtj dabuñsiga ñamata-ñga gi,

² ma ndac inj bu to bapia puc inj dôñ-ñga, bu tôc têtj lau bata nañ sêyob lau Israel si lôm wê-ñga yêc malac Damaskas. Bapia dau kêtj ñaclai têtj Saul bu kôc lauñgac ti lauwhê Damaskas-ñga nañ sêkêtj whinj Yisu, nañ dôñ, ma wê ñac sa sêtêñ Jerusalem sêndi bu sêmatôc ñac.

³ Inj kôc bapia dau su ma kêsêlêñ e gi kêpiñ Damaskas. Ma ñagahô ñambwa ñawê atu dañ akêtj undambê meñ pô gameñ nañ inj mbo.

⁴ In peṅ sip nom ma ṅô awha daṅ ta in bocdec bu, “Saul, Saul, tu sake-ṅga am kêṅ kisa aö?”

⁵ Goc Saul ô yom ma ndac, “O ṅadau, am asa?” Ma awha dau sôm, “Aö Yisu daṅ, dec am kêṅ kisa.

⁶ Am tisa ma sôc malac atu dê ndi. Ma gêṅ bocke naṅ aö tac whiṅ bu am kôm-ṅga, naṅ aö oc waṅkin lau bu sêwhê sa têṅ am yêc dindê.”

⁷ Lau naṅ sêmbo seṅ sêwhiṅ Saul, naṅ sêlhac ti sem dau dôn. Ṇac sêṅgô ṅakêcsia dau, magoc sêlic ṅamalac daṅ dom.

⁸ Têṅ ndoc Saul tisa kalhac, naṅ kac tandô sa magoc gitôm dom bu lic gameṅ. Bocdinaṅ lau dinaṅ sêkêm in sip amba, ma sêwê in sêsôc malac Damaskas si.

⁹ Gitôm bêc tö in mbo tapec, ma gêṅ ti nôm gêṅ daṅ dom.

¹⁰ Ṅac kêṅ whiṅ Yisu-ṅga daṅ mbo Damaskas, naṅ ndê ṅaê Ananias. Ma Pômdau hoc dau asê têṅ in ṅa mbê, ma ta in bu, “Ananias!” Ma in ô yom ma sôm, “Aêc Pômdau, bocke?”

¹¹ Goc Pômdau sôm têṅ in, “Am sa seṅ naṅ sêsam bu Seṅ Solop ma têṅ Judas ndê andu ndi, ma am oc tap ṅac daṅ sa, naṅ ndê ṅaê Saul akêṅ malac Tasis. Ṅac dau teṅ mbec mbo dinaṅ.

¹² Aö gatôc têṅ in su ṅa mbê bu ṅamalac daṅ ṅaê Ananias oc têṅ in ndi, kêṅ amba sac in, ma kôm in tandô po asê tiyham.”

¹³ Ananias ṅgô yom dinaṅ ma sôm, “Pômdau. Aö gaṅgô ṅac dinaṅ ṅawaê su. In ṅac naṅ kêṅ ṅawapac atu têṅ am nem lau dabuṅ naṅ sêmbo Jerusalem.

¹⁴ Ma dabuṅsiga atu-tu sêkêṅ ṅaclai têṅ in bu têṅ malac dindec meṅ, ma kôc lau naṅ sêtoc am nem

ñaê sa, nañ dôñ.”

¹⁵ Magoc Pômdau ô Ananias ndê yom ma sôm, “Am ndi, ma hêgo daôm dom! Aö kayalinj ngac dau sa su, bu hoc yom asê pi aneñ ñaê têtj lau gameñ apa-nga ti ñac si kinj, ma têtj lau Israel-nga sêwhinj.

¹⁶ Ma ñawapac ti ñandê nañ inj oc hôc tu aneñ ñaê-nga, nañ aö oc watôc têtj inj.”

¹⁷ Goc Ananias têtj andu dau gi. Inj sôc gi, goc kêñ amba sac Saul ma sôm, “Aneñ asidôwa Saul. Pômdau Yisu nañ hoc dau asê têtj am yêc señ têtj malac dindec, nañ kêkinj aö gatêtj am gameñ. Inj kêkinj aö bu wakôm nem tanôm po asê, ma bu Ñalau Dabuñ nem am ahuc.”

¹⁸ Ma ñagahô gêtj gitôm i ñagala peñ akêtj Saul tandô, ma inj gêlic gameñ tiyham. Inj tisa ma Ananias kêku inj.

¹⁹ Ma tinjambu inj gêtj gêtj e hôc inj dôñ.

Saul gêm mêtê mbo Damaskas

Saul mbo Damaskas whinj lau sêkêtj whinj-nga gitôm bêc ñatô.

²⁰ Ma têtj têtj dau dinanj inj gic hu gêm mêtê lau yêc lau Israel si lôm wê-nga, ma hoc asê têtj ñac bu Yisu inj Anötö Atu.

²¹ Ma lau hoñ nañ sêngô inj ndê yom, nañ sêhêdaê ma sêndac dandi, “Ngac nañ kêñ kisa lau Jerusalem-nga nañ sêtoc Yisu ndê ñaê sa, inj ngac dau dindec me? Ma inj têtj yac mba malac dec meñ, bu kôc lau sêkêtj whinj Yisu-ñ ga dôñ ma wê ñac sêtêtj dabuñsiga atu-tu sêndi bu sêmatôc ñac.”

²² Tigeñ Saul sôm yom ñaŋga ma inj ndê ñaclai kêsôwec. Inj tôc asê têtj lau Israel-nga nañ sêndöc Damaskas, bu yom andô, Yisu inj lau Israel si

Mesaya dau. Ma lau naŋ sêkêŋ whiŋ Yisu dom, naŋ sêtôm dom bu sêô in ndê yom.

²³ Saul mbo malac Damaskas e bêc daêsam giŋga su, ma lau Israel-ŋga ŋatô sêkic yom bu sêŋsalê lêŋ bu sêndic in ndu.

²⁴ Ma Saul ŋô yom dau ŋawaê. Tôm acsalô ti ôbwêc ŋac sêkêŋ lau sêtíp gatam malac-ŋga ŋapep bu sêkôc in dôŋ ma sêndic in ndu.

²⁵ Magoc lau naŋ s êlhac sêwhiŋ Saul ti sêŋkuc in, naŋ sem in sa bu lhö ndi. Têŋ ôbwêc daŋ sêkêŋ in sip sambec atu daŋ, ma sêŋwhaŋ in sip akêŋ gatam saŋ daŋ yêc malac dau ŋatuŋbôm e gi sip nom ma kölhö gi.

Saul mbo Jerusalem

²⁶ Tiŋambu Saul mbu têŋ Jerusalem gi, ma gauc gêm bu mbo whiŋ lau sêkêŋ whiŋ Yisu-ŋga naŋ sêmbo dinaŋ. Magoc ŋac sêkêŋ whiŋ dom bu in gêm dau kwi su ma kêŋ whiŋ Yisu, dec ŋac hoŋ sêtôc in.

²⁷ Magoc Banabas wê in sôc gi kalhac aposel aŋgô-ŋga. Ma in whê sa bu Pômdau hoc dau asê ma sôm yom têŋ Saul yêc seŋ, ma tiŋambu in kalhac ŋaŋga ma gêm mêtê pi Yisu ti atac pa su yêc malac Damaskas.

²⁸ Banabas ndê yom gêm malô lau Jerusalem-ŋga si ŋalôm, dec Saul mbo whiŋ ŋac, ma sôc sa yêc lhu, ma hoc yom asê pi Pômdau Yisu ti atac pa su eŋ.

²⁹ In sôm yom whiŋ lau Israel-ŋga ŋatô naŋ sêsôm awha Grik, ma kêsahê bu whê ŋac si gauc sa pi Yisu. Magoc ŋac sêtec in ndê yom, ma bu sêndic in ndu.

³⁰ Yom dau n̄awaê tap lau sêkêñ whiñ-ñga sa, dec sêkôc iñ whiñ ñac sêsip malac Sisaria si, ma sêñkiñ iñ têtñ malac Tasis gi.

³¹ Têtñ ñasawa dinañ lau sêhu si kisa têtñ lau sêkêñ whiñ-ñga siñ. Ma lau sêkêñ whiñ-ñga yêc gameñ Judia ti Galili ma Samaria-ñga sêndôc ti yom malô. Anôtô kêtñ N̄alau Dabuñ bu puc ñac dôtñ ma nem ñac sa. Ma sêsôc Pômdau ñapu ti sêtoc iñ sa, ma ñac si toñ kêsôwec tiatu ñapañ.

Pita kôm ñac bôliñ dañ ñayham sa

³² Têtñ têtñ dinañ Pita kêsêlêñ golom-golom malac ma gêm mêtê lau. Têtñ bêc dañ iñ sôc malac Lida gi, bu ndic lau sêkêñ whiñ Yisu-ñga kêsî.

³³ Yêc malac dau iñ tap ñgac dañ ñaê Aenias sa. Iñ ñgac bôliñ ma yêc mbô ñapañ gitôm yala 8 su.

³⁴ Ma Pita sôm têtñ iñ, “Aenias. Yisu Kilisi kôm am ñayham sa. Tisa ma tip nem mbô sa.” Ma ñagahô Aenias tisa kalhac.

³⁵ Ma têtñ ndoc lau nañ sêndôc malac Lida ti malac Saron sêlic bu iñ ñayham sa, dec ñac hon sem si ñalôm kwi ma sêkêñ whiñ Pômdau.

Pita uñ awhê batê dañ sa

³⁶ Têtñ têtñ dinañ awhê kêtñ whiñ-ñga dañ ndôc malac Jopa. Iñ ndê ñaê Tabita, nañ yêc lau Grik awha bu Dokas. Iñ awhê nañ kôm mêtê ñayham-ñayham, ma gêm lau ñalôm sawa sa ñalêñ daêsam.

³⁷ Magoc Dokas tap gêmbac atu sa e iñ mbac ndu. Goc lau sêñgwasîñ iñ ndê ñamlañ ma sêkêñ yêc andu ñalôm ñahô-ñga dañ.

³⁸ Malac Jopa dau yêc kêpiñ malac Lida, ma têtñ têtñ lau sêkêñ whiñ-ñga yêc malac Jopa sêñgô bu

Pita mbo Lida, naŋ sêŋkiŋ ŋgac lu sêtêŋ inŋ si, ma sêteŋ inŋ ŋaŋga bu mbu têtŋ Jopa whiŋ inŋlu ndi.

³⁹ Pita whiŋ inŋlu gi e hóc asê Jopa, ma sêwê inŋ pi andu ŋalôm ŋahô-ŋga dinaŋ gi. Lauwhê sawa daêsam sêmbo ti sêtaŋ Dokas. Naç sêŋgihi Pita ahuc ma sêtôc ŋakwê bambaliŋ ti ŋakwê ŋatô naŋ Dokas kêmasaŋ têtŋ ndoc inŋ mbo tali, naŋ têtŋ Pita.

⁴⁰ Goc inŋ kêŋ ŋaç hoŋ sêsa awê si, ma pônŋ haduc ma teŋ mbec. Inŋ kac dau kwi bu lic awhê batê dinaŋ, ma sôm, “Tabita, am tisa!” Ma awhê dau tali sa e gêlic Pita, ma yêc dau sa meŋ ndôc.

⁴¹ Goc Pita kêŋ inŋ sip amba ma keŋ inŋ sa kalhac. Ma inŋ mbwêc lauwhê sawa dinaŋ ti lau sêkêŋ whiŋ-ŋga ŋatô sêsôc sêmeŋ, ma tôc têtŋ ŋaç bu awhê dau mbo tali tiyham.

⁴² Ma gêŋ dau ŋawaê tiapa yêc malac Jopa, e lau daêsam sêkêŋ whiŋ Pômdau.

⁴³ Ma Pita mbo Jopa bêc ŋatô, whiŋ ŋgac daŋ ŋaê Saimon. Inŋ ŋgac kôm gwelenŋ kêmasaŋ bôc ŋamlic-ŋga.

10

Anötö kêkiŋ aŋela daŋ têtŋ Konelias

¹ Yêc malac Sisaria ŋgac daŋ mbo, naŋ ndê ŋaê Konelias. Inŋ ŋgac bata siŋ-ŋga naŋ yob lau siŋ-ŋga toŋ daŋ yêc lau siŋ Rom-ŋga si toŋ atu naŋ sêsam bu Itali Natonŋ.*

* **10:1:** Lau Rom-ŋga si ŋgac bata naŋ yob lau siŋ-ŋga gitôm 100, naŋ sêsam yêc Yom Inglis bu ‘Centurion’ (Senturion). Konelias inŋ senturion daŋ. Lau siŋ-ŋga gitôm 600 sêmbo Itali Natonŋ ŋalôm, ma sêsam toŋ atu gitôm Itali Natonŋ yêc Yom Inglis bu ‘Regiment.’ Ma ŋaç sêkêŋ Regiment ŋatonŋ 10 sêpitigenŋ sêti toŋ atu, naŋ sêsam bu ‘Legion’ (lau siŋ-ŋga gitôm 6,000).

² Inj ti ndê gôlôwac honj sêtoc Anötö sa ma sêsôc inj njapu njapep. Inj tenj mbec têtj Anötö tôm bêc honj, ma kêj ndê awa daêsam bu nem lau Israel-nja nanj sêpônda dau, nanj sa.

³ Têtj bêc danj, acgatu gitôm 3 kilok telha-nja, nanj Anötö tôte gêtj njagatu danj têtj inj. Inj gatu gêlic Anötö ndê anjela danj têtj inj menj ma ta inj bu, “Konelias!”

⁴ Goc Konelias tahê inj ti töc dau atu, ma ndac, “Pômdau, bocke?” Ma anjela dau sôm, “Mbec honj nanj am tenj, ti mwasiñ nanj am kêj têtj lau njalôm sawa, nanj Anötö gêlic gitôm da njayham nanj inj gauc gêm njapanj.

⁵ Kwahic dec inj kêj yom têtj am bocdec bu. Êmkinj lau njatô sêtêtj malac Jopa sêndi, bu sêkôc njgac danj njê Saimon mbu têtj am menj. Njgac dau ndê njê danj sêsam bu Pita.

⁶ Inj mbo whinj inj ndê wakanjgac danj njê Saimon, nanj kôm gwelenj bôc njamlic-nja, ma inj ndê andu kalhac gwêc dali.”

⁷ Anjela sôm yom dau pacndê su, goc hu inj sinj. Dec Konelias ta inj ndê njgac akinj lu ma inj ndê njgac sinj-nja danj sêmenj. Njgac sinj-nja dau gêm inj sa tôm bêc honj, ma inj toc Anötö sa.

⁸ Konelias gic minj têtj njac pi yom honj nanj anjela sôm têtj inj, goc kêkinj njac sêtêtj malac Jopa si.

Pita gêlic gêtj njagatu danj

⁹ Galansê njac sênsêlêtj sêmbo senj ma têtj ac kalhac lhu, nanj sêsunj sa malac atu Jopa. Têtj têtj dinanj, Pita pi andu gi bu tenj mbec.

¹⁰ Inj mbo e gêtj yô inj dec tac whinj bu nenj gêtj. Lau sêmasanj inj ndê gêtj sêmbo, ma Pita gatu kainj danj sa.

11 Inj gêlic undambê kac sa, ma gêñ gitôm po atu dan nan sêsô wac sip ñakêcsu hale, nan sêñwhañ sip nom meñ yêc inj angô-nga.

12 Ma inj gêlic bôc tidau-tidau ma gêñ nan sêñsêlêñ ña ñatac pu-nga, ti mbac lôlôc-nga sêmbo po dau ñalôm.

13 Goc awha dan sôm têñ inj bocdec bu, “Pita, tisa ndic ma neñ.”

14 Magoc inj ô yom ma sôm, “Pômdau, mba andô! Moses ndê yomsu gic yao gêñ dau ma sôm bu inj gêñ ñadômbwi, ma bocdinañ aô whañsun gêm gauc sambuc.”

15 Dec awha dau sôm tiyham, “Anötö bu sôm bu gêñ dan inj ñawasi, dec am sôm bu gêñ ñadômbwi dom.”

16 Gêñ hoñ dinañ hóc asê inj tidim tö su, goc po dau pi undambê gi tiyham.

17 Têñ ndoc dinañ Pita ndê gauc sa bu inj gêlic gêñ ñagatu dan, goc inj ndöc ma kôc gauc pi gêñ dau ñahu. Têñ ndoc dinañ, lau nan Konelias kêkin, nan sêtap Saimon ndê andu sa, ma sêlhac andu dau ñagatam.

18 M a sêta yom ma sêndac bu Saimon nan sêsam bu Pita, nan mbo andu dau, me mba.

19 Pita hê gauc pi gêñ nan inj gatu gêlic nan mbo, ma Ñalau Dabuñ sôm têñ inj, “Saimon, lau tö sêñsalê am.

20 Tisa ma sip nom ndi, ma whiñ ñac ndi. Hêgo daôm bu ñac lau gameñ apa-nga lec dom, bu aô dauñ kakiñ ñac sêmeñ.”

21 Goc Pita sip gi ma sôm têñ lau dinañ, “Ñamalac nan mac añsalê ambo, nan aô dauñ dec. Mac amenñ tu sake-nga?”

22 Ma ñac sêsôm, “Ñgac bata siñ-nga Konelias kêkin yac amenj. Inj ñgac gitêj toc Anötö sa-nga, ma lau Israel-nga hon nanj sêmbo malac Sisaria, nanj sêlic inj ñayham. Anjela dabuj danj sôm têtj inj bu êngalêm am sa têtj inj ndê andu ndi, bu am sôm yom ñatô têtj inj.”

23 Pita ñgô ñac si yom dinanj su, goc kôc ñac sêsôc andu dau si bu sêmbo sêwhinj inj têtj ôbwêc dinanj.

Pita gêm mêtê têtj Konelias ti ndê lau

Têtj galañsê Pita ti akêj malac Jopa whinj lau dau, ma lau sêkêj whinj-nga ñatô akêj Jopa sêwhinj ñac si.

24 Bêc danj tiyham sêhóc asê Sisaria. Konelias kêj bata ñac, dec mbwêc inj ndê dawai ti ndê silip honj sêkac sa sêpitigenj.

25 Têtj ndoc Pita bu sôc inj ndê andu ndi, nanj Konelias têtj inj gi, ma hu dau yêc inj gahi-nga bu toc inj sa.

26 Magoc Pita sôm, “Am kôm bocdinañ dom! Tisa, bu aö daun ñamalac ñambwa.”

27 Inju sem yomgalôm ma sêsôc andu dau si, ma Pita gêlic lau tonj atu sêndôc andu ñalôm.

28 Dec inj sôm têtj ñac, “Mac anyalê bu yac lau Israel-nga mba yomsu gic yao yac bu andic ahê lau nanj lau Israel dom, ma ati ñaclenj ñac d om. Tigenj Anötö tôc asê têtj aö bu wapu ñamalac danj bu ñadômbwi me sac dom.

29 Bocdinañ têtj ndoc mac ankinj lau bu sêngalêm aö sa, nanj aö gasôm yom danj dom, ma gawhinj ñac gameñ. Ma kwahic dec, gitôm bu mac asôm asê têtj aö, ñahu bocke dec mac angalêm aö sa gameñ?”

³⁰ Goc Konelias ô yom ma sôm, “Bêc hale su, aö gambo andu ti gatenj mbec têtj acgatu gitôm kwahic dec-nga, têtj 3 kilok telha-nga. Ma njagahô njamalac danj ti njakwê njawasi atu hôc asê kalhac aö anjôn-nga.

³¹ Ma inj sôm têtj aö bu, ‘Konelias, Anötö ngô am nem mbec, ma gauc gêm mwasinj nanj am kêtj têtj lau njalôm sawa.

³² Kwahic dec êmkinj lau njatô sêtêtj malac Jopa sêndi, ma sêkôc ngac danj njê Saimon nanj sêsam bu Pita, nanj menj. Inj ti njaclej inj ndê wakangac njê Saimon ma ndöc whinj inj. Ngac kêmasanj bôc njamlic-nga dinanj ndê andu kalhac gwêc njadali.’

³³ Aö ganjô su, goc njagahô kakinj lau njatô sêtêtj am sêloc, ma njayham bu am mwenj su. Kwahic dec yac honj dambo Anötö anjô-nga, ma yac bu anjô yom bocke nanj Pômdau gic atu am bu sôm têtj yac.”

³⁴ Goc Pita gic hu yom ma sôm, “Kwahic dec aö kayalê pi njandô bu Anötö toc lau tonj danj sa, hôc gêlêc tonj njatô su dom.

³⁵ Yomandô! Lau akêtj lau njatonj nom-nga honj nanj sêtöc inj ma sêkôm mêtê njayham ma solop, nanj inj oc kôc njac sa.

³⁶ Anötö kêtj ndê njawaê njayham têtj lau Israel, ma yom dau hêganônj Yisu Kilisi, nanj ti lau Israel ma lau gamej apa-nga honj si Pômdau, ma whê lêtj nanj datap yom malô sa tu inj-nga, nanj sa. Mac anjô njawaê dau su.

³⁷ Mac anjyalê gêtj honj nanj hôc asê gamej Judia-nga, têtj ndoc Jon gêm mêtê ma kêku lau mbo Galili e menj têtj dec.

³⁸ Anötö kêtj inj ndê njac lai atu ti Njalu Dabunj gêm

Yisu Nasaret-nga ahuc, dec kêyalin in sa tu kôm gwelen-nga. Ma Anötö whin in, dec in gêm lau sa yêc gamej daêsam, ma kôm lau hon nan Sadañ ndê ñaclai kêgwiniñ ñac dôñ, nan ñayham sa tiyham.

³⁹ Yac ambo awhin in, ma alic gêñ hon nan in kôm yêc lau Israel si gamej ma yêc Jerusalem. Ñac sic in ndu pi a,

⁴⁰ magoc têt bêt titö-nga Anötö un in sa akêt lau batê-nga, ma kôm bu lau daêsam sêlic in.

⁴¹ Lau hon sêlic in dom, magoc yac lau nan an ti anôm gêt awhin Yisu têt ndoc in tisa ma mbo whin yac tiyham, nan Anötö kêyalin yac sa bu ahoc in ndê tisa ñawaê asê.

⁴² Ma Anötö gic atu yac bu anem mêtê lau, ma bu ahoc yom asê bu in kêyalin Yisu dau sa su, bu êñsahê lau tali ti lau batê hon têt bêt ñambu-nga.

⁴³ Ma propet akwa hon bocdinañ sêhoc yom asê pi in. Ñac sêto bu lau hon nan sêkêt whin in, nan Anötö oc suc ñac si sac kwi tu in ndê ñaê-nga.”

⁴⁴ Pita sôm yom dau mbo, ma Ñalau Dabuñ gêm lau hon nan sêtgô in ndê yom, nan ahuc.

⁴⁵ Ma lau Israel-nga nan sêkêt whin Yisu ma sêmbo sêwhin Pita, nan sêhêdaê ñandô bu sêlic Anötö kêmwasiñ lau nan sêmbo lau Israel si ton dom, nan ña Ñalau Dabuñ.

⁴⁶ Bu ñac sêtgô ñac lau dau sêsôm yom awha wakuc-nga ti sêmpin Anötö, tôm Ñalau Dabuñ hóc ñac awha sa. Dec Pita sôm têt lau Israel-nga dinañ,

⁴⁷ “Anötö kêt Ñalau Dabuñ têt lau gamej apa-nga dindec tôm in kêt têt yac lau Israel-nga. Bocdinañ ñayham bu ñac sêlin busanğu.”

⁴⁸ Goc in kêt yatu bu sêtku ñac tu Yisu Kilisi ndê

ɲaê-ɲga. Ma tiɲambu lau dinanɲ sêndac Pita bu mbo whiɲ ɲac tòm bêc ɲatô.

11

Pita gic miɲ lau gameɲ apa-ɲga si yom têɲ lau Jerusalem-ɲga

¹ Lau aposel ti lau sêkêɲ whiɲ Yisu-ɲga nanɲ sêmbo gameɲ Judia-ɲga, nanɲ sêngô ɲawaê bu lau nanɲ Israel dom, nanɲ sêkôc Anötö ndê yom sa sêwhiɲ.

² Magoc têɲ ndoc Pita hu Sisaria siɲ ma mbu têɲ Jerusalem gi, nanɲ lau ɲatô sêsôm iɲ. ɲac lau Israel-ɲga nanɲ sêkêɲ whiɲ Pômdau, ma sêsap lau Israel-ɲga si sakiɲ akwa ma pwac sêsê ɲamlic ɲatô su-ɲga dôɲ. Ma ɲac sêsôm Pita bocdec bu,

³ “Bocke am sôc lau nanɲ sêɲkuc yac neɲ mêtê dasê ɲamlic-ɲga dom, nanɲ si andu, ma gêɲ gêɲ whiɲ ɲac?”

⁴ Dec Pita gic hu whê sa timala têɲ ɲac, gêɲ honɲ nanɲ hóc asê iɲ, ma sôm,

⁵ “Têɲ bêc danɲ aô gateɲ mbec gambo malac Jopa, e gatunɲ kaiɲ danɲ sa ma galic gêɲ ɲagatu danɲ. Galic gêɲ gitôm po atu danɲ, nanɲ sêsô wac sip ɲakêcsu hale, ma sêɲwhanɲ sip akêɲ undambê têɲ aô meɲ.

⁶ Aô gatôc gwaniɲ ma galic bôc nom-ɲga tidau-tidau, bôc salenɲ-ɲga ti gêɲ nanɲ sêɲsêlêɲ ɲa ɲatac pu-ɲga, ma mbac lôlôc-ɲga.

⁷ Dinanɲ su, goc gangô awha danɲ sôm têɲ aô bocdec bu, ‘Pita! Tisa ndic ma neɲ.’

⁸ Magoc aô gaô yom ma gasôm, ‘Pômdau, mba andô! Moses ndê yomsu gic yao gêɲ dau ma sôm

bu in gêñ ñadômbwi, ma aö whañsun gêm gauc sambuc.’

⁹ Ma awha dau sa akêñ undambê tiyham ma sôm, ‘Anötö bu sôm bu gêñ dan in gêñ ñawasi, dec am sôm bu ñadômbwi dom.’

¹⁰ Gêñ hon dinan hóc asê aö tidim tö su, goc Pômdau kôc mbu pi undambê gi tiyham.

¹¹ Ma têtñ ndoc dinan laungac tö sêhóc asê andu nan aö gambo. Ñamalac dan kêkin ñac sêtêtñ aö sêmen akêñ malac Sisaria.

¹² Ñalau Dabuñ sôm têtñ aö bu wahêgo daun tu ñac lau gameñ apa-nga lec dom, ma kac aö bu wawhiñ ñac wandi, dec aö gawhiñ ñac ga. Ma asidôwai 6 akêñ Jopa sêwhiñ yac si. Yac ahóc asê ma asóc ñamalac dau ndê andu a.

¹³ Ma in gic miñ têtñ yac bu anela dan hoc dau asê têtñ in yêc ndê andu, ma sôm yom têtñ in bocdec bu, ‘Êmkin lau sêtêtñ malac Jopa sêndi ma sêkôc Saimon nan sêsam bu Pita, nan meñ.

¹⁴ In oc whê yom sa têtñ mac, pi lêtñ nan am ti nem lau hon atap Anötö ndê mwasin nem mac si ambo tamli ñapan-nga sa.’

¹⁵ “Bocdinan aö gac hu bu wasôm yom têtñ ñac, ma têtñ ndoc dau dinan Ñalau Dabuñ gêm ñac ahuc tôm in meñ pi yac têtñ ñamata-nga.

¹⁶ Ma têtñ dinan aö gauc gêm Pômdau ndê yom bocdec bu, ‘Jon kêku lau ña bu, tigen Anötö oc êñku mac ña Ñalau Dabuñ.’

¹⁷ Lau dinan sêkêñ whiñ Pômdau Yisu Kilisi tôm yac lau Israel-nga dakêñ whiñ, ma bocdinan dec Anötö kêmwasin ñac ña Ñalau Dabuñ tôm in kôm têtñ yac. Anötö dau ndê lêtñ dinan, ma aö asa dec bu

walhac ahuc?”

¹⁸ Lau Israel-nga dau sêngô Pita ndê yom dinan e ñac si yom mba, ma sêmpin Anötö ma sêsôm, “Kwahic dec yac tanyalê bu lau hoñ nan sem dau kwi, nan oc sêtap Anötö ndê mwasin sêndöc tali ñapan-nga sa. Yac lau Israel-nga, ma lau nan sêmbö Israel si toñ dom, nan sêwhin.”

Lau sêkêñ whin Yisu yêc malac Antiok

¹⁹ Têñ ndoc lau Israel-nga sic Steven ndu, nan sic hu sêkêñ kisa lau sêkêñ whin-nga e ñac si daêsam sêhu Jerusalem sin ma sêlhö têtên. Nätö sêtên gamen Pionisia-nga ti nduc Saipras, ma nätö sêtên malac Antiok si. Yêc gamen bocke nan sêhóc asê, nan sêhoc ñawaê ñayham asê, magoc sêsôm têt lau Israel-nga tawasê.

²⁰ Magoc lau nätö nan sêhu Jerusalem sin, nan si malachu Sairin ma nduc Saipras, nan sêtên Antiok si, ma sic hu sêsôm ñawaê ñayham pi Pômdau Yisu têt lau Grik sêwhin lau Israel-nga yêc malac dinan.

²¹ Ma Pômdau gêm mbec gwelen dau e lau daêsam ñandô sem dau kwi ma sêkêñ whin Pômdau.

²² Tinambu lau Jerusalem-nga nan sêkêñ whin Yisu, nan sêngô gêt dau ñawaê, dec sênkin Banabas têt Antiok gi.

²³⁻²⁴ Banabas in ñgac ñayham nan Nalau Dabun gêm in ahuc ma kêt whin ñanga. Têt ndoc in hóc asê Antiok, nan gêlic bu lau daêsam sêtap Anötö ndê mwasin sa ma sêkêñ whin Yisu. Dec in tac ñayham atu, ma kêgilí ñac bu sêsap Pômdau dön, ma sêkêñ whin in ti si ñalôm sambuc. Ma têt ndoc dinan lau daêsam sêngô Banabas ndê yom ma sêkêñ whin Pômdau.

²⁵ Malô goc Banabas têtj malac atu Tasis gi ma kêsâlê Saul.

²⁶ Inj tap inj sa su, goc kôc inj sa, ma injlu sêmbu sêtêtj Antiok si. Ma injlu sêkôm gwelenj yêc gôlôwac dabuj ñalôm, sêndôhônj lau daêsam gitôm yala sambuc danj. Malac Antiok ti malac ñamata-ñga nanj lau sic hu sêsam lau sêkêtj whinj-ñga bu Kilisi ndê lau.

²⁷ Têtj ñasawa dinanj propet ñatô akêtj Jerusalem sêsip Antiok si.

²⁸ Ma Ñalau Dabuj kac ñac si ñgac danj ñaê Agabus, dec tisa yêc lau sêkêtj whinj-ñga anjô-ñga, ma hoc yom asê bu tinambu tôbôm atu oc nem gamen nanj lau Rom sem gôlinj, nanj ahuc sambuc. (Ma inj ndê yom dau ñandô sa têtj ndoc Klaudias ti kinj Rom-ñga.)

²⁹ Tu dinanj-ñga lau nanj sêkêtj whinj Yisu sêkôc gauc pi lêtj bu sênem asidôwai nanj sêndôc gamenj Judia-ñga, nanj sa. Ñac tigenj-tigenj sic awa sa tôm Anôtô kêmwasinj ñac,

³⁰ ma sêkêtj têtj Banabas lu Saul bu sêkôc sa sêndi, ma sêkêtj têtj lau sêkêtj whinj-ñga si lau bata nanj sêmbo Jerusalem.

12

Lau sêkêtj whinj-ñga sêtap kisa atu sa

¹ Têtj ndoc dinanj Kinj †Herod gauc gêm tidônj bu kêtj kisa lau sêkêtj whinj-ñga, ma kôc ñac si lau ñatô dônj.

² Inj gic atu inj ndê lau sinj, dec sic Jon ndê dôwa Jems ndu ña bienj balinj.

³ Inj gêlic bu gêtj dinanj kôm lau Israel-ñga atac ñayham sa, dec inj sôm bu inj ndê lau sinj-ñga

sêkôc Pita dôḡ, tēḡ tēm lau Israel-ḡga sêlic om atu †Mwasinḡ Bolom Yist Mba-ḡga.

⁴ Bocdinaḡ lau sinḡ-ḡga sêkôc Pita dôḡ ma sêkêḡ inḡ ndöc gapocwalô. Ma sêkêḡ lau sinḡ-ḡga toḡ hale sêyob inḡ sêô dau sêô dau, ma ḡgac hale sêmbo toḡ tigeḡ-tigeḡ ḡjalôm. Herod gauc ḡêm bu kêḡ inḡ ndöc dinaḡ e lau Israel si Mwasinḡ Bolom Yist Mba-ḡga ti †Pasowa-ḡga pacndê, goc kôc inḡ sa ma êmatôc inḡ yêc lau aḡgô-ḡga.

⁵ Bocdinaḡ Pita ndöc gapocwalô, magoc lau sêkêḡ whinḡ-ḡga honḡ naḡ sêmbo Jerusalem, naḡ sêteḡ mbec ḡaḡga tu inḡ-ḡga tēḡ Anötö.

Pômdau ndê aḡela ḡêm Pita sa

⁶ Tēḡ ôbwêc daḡ Pita yêc bêc yêc gapocwalô, ma Herod kêmatinḡ yom tidôḡ su bu êmatôc inḡ tēḡ laḡsê. Sêsô inḡ amba dôḡ ḡa sen lu, ma ḡi sêsô pi ḡgac sinḡ-ḡga lu. Ma lau sinḡ-ḡga ḡatô sêlhac sêyob gatam.

⁷ Ma ḡagahô ḡambwa Pômdau ndê aḡela daḡ hóc asê, ma ḡawê pô gapocwalô ḡjalôm. Inḡ toḡ Pita sip ḡabi e tali sa, ma sôm tēḡ inḡ, “ḡagahô! Tisa!” Goc sen naḡ sêsô inḡ amba dôḡ, naḡ tigolonḡ ma peḡ sip ḡi.

⁸ Ma aḡela sôm, “Êmasaḡ daôm. Kic nem pinḡkap dôḡ ma sôc nem atapa ti ḡakwê baliḡ sa, goc êmkuc aö.” Pita kôm gitôm inḡ sôm,

⁹ ma kêkuc aḡela dau. Inḡ gauc ḡêm bu ḡêḡ naḡ aḡela kôm, naḡ gitôm mbê daḡ, ma kêyalê dom bu ḡêḡ dau inḡ ḡêḡ ḡandô.

¹⁰ Inḡlu sêḡlêc ḡgac sinḡ-ḡga lu naḡ sêyob andu dau e sêhóc asê gatam naḡ sa malac lôm. Gatam dau ḡêlêc dau su, ma sêsa awê si. Inḡlu sêḡsêlêḡ sêsa sen daḡ, ma sep tigeḡ aḡela hu inḡ sinḡ.

11 Têñ dinan Pita ndê gauc sa ma sôm têñ dau, “Kwahic dec aõ kayalê tidôn bu Pômdau kêkin ndê anjela bu êñgaho aõ su yêc Herod amba, bu gêñ nan lau Israel-nga gauc gêm bu sêkôm têñ aõ, nan oc ñandô sa dom.”

12 In kêyalê gêñ dau pi ñandô, goc sa têñ awhê dan ñaê Maria ndê andu gi. Maria in Jon, ñngacsêñom nan sêsam bu Mak, nan dinda. Ma têñ ôbwêc dinan lau daêsam sêkac sa sêmbo Maria ndê andu bu sêten mbec.

13 Pita hôc asê ma kêmati gatam. Ma awhê akin dan ñaê Roda sa gi bu lic asa kêmati gatam.

14 In ñgô in awha dec kêyalê bu Pita, dec tac ñayham sa atu ma kêlhin gatam sin kêti mbu gi ma sôm têñ lau bu, “Pita dê kalhac gatam!”

15 Magoc ñac sêkên whin dom, ma sêsôm têñ in bu, “Am nem gauc kêñsôn!” Goc in sôm yom pi Pita ñapan e ñac sêsôm, “Mboe in ndê anjela, me?”

16 Sêkôc gauc dinan sêmbo, ma Pita gacgen kêmati gatam kalhac. Malô ma sêlêc gatam su têñ in e sêlic in ma sêsô ñandô.

17 Pita gic amba bu sênem dau dôn, goc gic min yom pi ñalên nan Pômdau kôc in su yêc gapocwalô. Ma in sôm, “Mac andi ma asôm asê têñ Jems ma asidôwai ñatô.” Goc in hu ñac sin ma sa gi.

18 Têñ bêbêc lau sin-nga nan sêyob gapocwalô sêlic bu Pita anğô mba. Gêñ dau gêli ñac ñalôm sa ñandô, ma ñac gauc gêm yom daêsam pi in bu oc mbo nde.

19 Ma Herod ñgô ñawaê, dec kêñ lau sêñsalê in e gimba. Goc in kêsu lau sin-nga nan sêyob Pita, ma gic atu bu sêndic ñac ndu.

Pômdau gic Herod ndu

Tinambu Herod hu gameŋ Judia-nga siŋ ma sa têtŋ malac Sisaria gi bu mbo bêc ñatô.

²⁰ Tôm ñasawa hic baliŋ ñagec gi su, naŋ yom ñawapac ñatô yêc Herod ma lau malac Taya ma Saidon-nga ñalhu, dec iŋ gêlic ñac sac. Magoc têtŋ têtŋ iŋ mbo malac Sisaria, naŋ lau dau ñalôm tigen ma gauc gêm bu sêhê wamba iŋ tiyham. Nahu bu ñac sêmbo Herod ndê gôliŋ ñapu ma lau gameŋ dinaŋ-nga takwê Herod têtŋ yala hon, bu nem ñac sa ña gêtŋ daneŋ-nga ñatô. Tu dinaŋ-nga sêmasaŋ yom whiŋ Blastus, ñgac naŋ yob Herod ndê andu, ma semlhi iŋ bu nem ñac awha têtŋ Herod. Ma sic ndoc bu sêmasaŋ yom wamba-nga dau whiŋ Herod.

²¹ Têtŋ bêc dau Herod sôt ndê ñakwê ti ñawasi kiŋ-nga sa, goc ndöc ndê pôŋ ma sôm ndê yom daêsam asê têtŋ lau malac lu dinaŋ-nga.

²² Ñac sêŋgô su ma sêmbwêc, “Kec! Awha dindéc ñamalac ñambwa ndê awha dom, anötö daŋ ndê awha.”

²³ Herod ñgô ñac si yom dinaŋ, dec toc dau sa kêtêc ma kêtŋ waê têtŋ Anötö dom. Ma tu dinaŋ-nga Pômdau ndê aŋela gic iŋ ma kôm iŋ gêmbac atu. Dombo sem iŋ ahuc ma seŋ iŋ e mbac ndu.

²⁴ Têtŋ têtŋ dinaŋ ma kêsêlêŋ meŋ, naŋ lau sem mêtê ñapaŋ e Anötö ndê yom tiapa, ma lau daêsam sêkêŋ whiŋ.

²⁵ Banabas lu Saul sic bata si gwelen yêc malac Jerusalem, goc sêmbu sêtêŋ Antiok si. Ma sêkôc Jon, ñgac naŋ sêsam iŋ ndê ñaê daŋ bu Mak, naŋ whiŋ iŋlu gi.

13

Sem mbec Banabas lu Saul bu sêkôm gwelenj

¹ Lau propet ti kêdôhôn-waga bocdec sêmbô m alac Antiok ma sêkôm gwelenj yêc gôlôwac dabuñ ñalôm. Banabas lu Saimon nanj sêsam bu Naiga, Lusias akêñ malac Sairin, Saul ma Manaen (nanj tiatu whiñ †Herod Antipas têñ ndoc inlu sêmbô balê).

² Têñ béc danj ñac lau dau sêmbô sêwhiñ dau ma sêhu gêñ danen-nga siñ tu sêtoc Pômdau sa-nga. Ma Ñalau Dabuñ sôm têñ ñac bu, “Aô kayaliñ Banabas lu Saul sa bu sêkôm gwelenj ñawaê ñayham-nga. Bocdinañ anem mbec inlu ma ankiñ inlu sêsa sêndi ma sêkôm gwelenj dau.”

³ Lau dau sêngô su, goc sêhu gêñ danen-nga siñ ti sêtenj mbec ñasawa danj tiyham, ma sêkêñ amba sac Saul lu Banabas, ma sêñkiñ inlu sêsa si.

Saul lu Banabas sêmbô nduc Saipras

⁴ Ñalên dinañ Ñalau Dabuñ kêkiñ Saul lu Banabas, dec inlu sêtênj malac Selusia si, ma sêpi wanj danj ma sêsa nduc Saipras si.

⁵ Ñac sêsôc baö yêc malac Salamis, ma sêsôc lau Israel si lôm wê-nga yêc dindê, ma sem mêtê lau ti sêhoc Anötö ndê yom asê. Ma Jon mbo whiñ inlu bu nem inlu sa.

⁶ Tiñambu sêñsêlênj ma sêhoc ñawaê ñayham asê yêc nduc Saipras ñagamenj honj e sêhóc asê malac Papos. Yêc dinañ sêtap propet tasanj danj sa nanj kôm gwelenj mbectoma-nga whiñ. Inj ñgac Israel-nga danj ma inj ndê ñaê Ba-Jisas.

⁷ Inj gêm akiñ ñgac Rom-nga nanj gêm gôlinj nduc Saipras, nanj ndê ñaê Segias Polas. Gôlinjwaga dau

in̄ ngac tigauc, dec kêgalêm Banabas lu Saul sa, bu in̄ tac whin̄ bu sêwhê Anötö ndê yom sa têt̄ in̄.

⁸ Magoc Ba-Jisas kôm bu êngwinin̄ ti kêñ kisa in̄lu, ma tac whin̄ bu kac gôlin̄waga dau kwi bu kêñ whin̄ Pômdau dom. (Ba-Jisas ndê ñaê dan̄ Elimas, nan̄ danem kwi bu Mbectoma.)

⁹ Têt̄ ndoc dinan̄ Ñalau Dabun̄ gêm Saul, nan̄ sêsam bu Pol ahuc, ma in̄ tahê Elimas ma sôm,

¹⁰ “Am Sadan̄ atu am! Am kêñ kisa lêt̄ gitêt̄ hon̄, ma sac ti mêtê tasan̄ gêm am ahuc. Am bu kôm Pômdau ndê lêt̄ solop êñsôn̄.

¹¹ Kwahic dec am oc êmsahê Pômdau ndê ñaclai. Am oc tampec sa ma tôm bêc ñatô am oc lic gamen̄ ti ac ñawê tiyham dom.” Ma ñagahô ñasec gêm ngac dau tandô ahuc, ma in̄ kêsêlên̄ kêsa ma kêsâlê ñamalac dan̄ bu kêm in̄ amba ma wê in̄.

¹² Segias Polas hêdaê tu Saul lu Banabas si yom pi Pômdau-nga, ma têt̄ ndoc in̄ gêlic gêt̄ nan̄ hóc asê Elimas, nan̄ in̄ kêñ whin̄ Yisu.

Pol gêm mêtê mbo Antiok

¹³ Pol lu Banabas ma Mak sêhu Papos sin̄ ma sêpi wan̄ dan̄, ma sêlac sêtêt̄ malac Pega nan̄ yêc gamen̄ Pampilia-nga si. Yêc gamen̄ dinan̄ Jon hu in̄lu sin̄ ma mbu têt̄ Jerusalem gi.

¹⁴ Goc in̄lu sêhu Pega sin̄ ma sêtêt̄ malac Antiok nan̄ yêc gamen̄ Pisidia-nga,* nan̄ si. Têt̄ bêc Sabat-nga sêsôc lau Israel si lôm wê-nga si, ma sêndöc sic.

* **13:14:** Malac lu ñaê Antiok sêyêc. Dan̄ yêc gamen̄ Siria-nga - alic Apo 13:1; ma 14:26. Ma dan̄ yêc gamen̄ Pisidia-nga (alic map).

15 Sêngô Anötö ndê yom nan sêsam yêc Buku Yomsu-nga ti Propet si Buku, goc lau bata lôm wê-nga-nga sêkêñ yom têñ inlu ma sêsôm, “Asidôwa lu. Amlu nem yom bu yêc bu apuc lau dindec dôñ, dec asôm asê têñ yac.”

16 Goc Pol tisa kalhac, ma gic amba têñ lau bu sênem dau dôñ, goc sôm, “Mac lau Israel-nga ti mac lau apa nan atoc Anötö sa. Angô su nan!

17 Yac lau Israel-nga mba Anötö kêyalin yac mba abanji sa. Ma tinjambu inj kôm ñac si wakuc nan sêndöc gameñ Isip-nga, n anj sêti lau toñ atu. Ma têñ ndoc inj kôc ñac su yêc Isip, nan kôm gêñ ti ñaclai atu daêsam.

18 Tinjambu ñac sêkôm mêtê wachuc daêsam tôm yala 40 nan sêmbö gameñ sawa, magoc Anötö hu ñac sinj dom.

19 T injambu inj ku lau toñ 7 dulu yêc gameñ Kanan-nga, ma kêñ ñac si gameñ têñ lau Israel-nga sêwêkainj.

20 Gêñ honj dinanj hóc asê yêc yala 450 ñalôm. Tinjambu inj kêñ lau sêmatôc yom-nga sêyob lau Israel-nga e meñ têñ propet Samuel ndê têm.

21 Têñ ndoc dinanj lau dau sêndac kinj danj bu nem gôlinj ñac, ma Anötö kêñ Saul, nan ndê damba Kis akêñ Benjamin ndê toñ. Saul gêm gôlinj tôm yala 40,

22 goc Anötö kôc inj su ma kêñ Dawid ti kinj ô inj su. Ma inj sôm yom pi Dawid bocdec bu, ‘Aö galic Jessi ndê atu Dawid bu ñgac nan ndê ñalôm ti gauc tap anej atac whinj sa, ma oc kôm gêñ honj tôm aö atac whinj.’

23 Anötö kêyalin ñgac nem lau si-nga Yisu sa yêc Dawid dau ndê wakuc, tôm inj gic bata munj su, ma

kêñ inñ hóc asê Israel.

²⁴ Yisu gic hu ndê gwelenñ su dom, ma Jon gêm mêtê têñ lau Israel-nga honñ bu sênem si ñalôm kwi ma sêlinñ busanñgu.

²⁵ Têñ ndoc Jon ndê gwelenñ kêpinñ bu pacndê, nanñ inñ sôm têñ lau bu, ‘Mac gauc gêm bu aô asa? Ngac nanñ Anötö gic bata bu ti mac nem Mesaya, nanñ aô dom. Mba! Magoc inñ oc meñ êñkuc aô. Inñ ngac tiwaê ma aô ngac ñambwa, gitôm dom bu wati inñ ndê ngac akinñ tu wanñgapwêc inñ ndê atapa ñawalô su-nga.’

²⁶ “O asidôwai. Mac lau Israel-nga nanñ asa akêñ abanñ Abraham, ti mac lau nanñ ambo lau Israel si tonñ dom magoc atoc Anötö sa. Ñawaê dindéc pi Anötö ndê lêñ nem lau si-nga, nanñ inñ kêñ gic waê yac honñ.

²⁷ Lau Israel Jerusalem-nga ti ñac si lau bata sêsam propet akwa-kwa si yom asê yêc ñac si lôm wê-nga tôm bêc Sabat-nga honñ. Magoc têñ têm Yisu hóc asê, nanñ sêñyalê dom bu inñ Mesaya dau, ma sêkic yom bu sêndic inñ ndu. Ñac sêñyalê dom bu lêñ bocdinañ dec kôm yom nanñ lau propet dau sêhoc asê pi Mesaya, nanñ ñandô sa.

²⁸ Ñac sêtap yom giso danñ sa pi Yisu tu bu sêndic inñ ndu-nga lec dom, magoc sêndac Pailot bu ndic inñ ndu.

²⁹ Ñac si lêñ dinañ dec kôm yom honñ nanñ sêto pi Yisu muñ su, nanñ ñandô sa. Pailot ndê lau sic Yisu ndu su, goc lau sêkôc inñ su yêc a gicso ma sêkêñ inñ ndê ñamlanñ yêc sêhô.

³⁰ Magoc Anötö unñ inñ sa akêñ lau batê-nga.

³¹ Ma tôm bêc daêsam inñ mbo whinñ lau nanñ sêñsêlêñ sêwhinñ inñ têñ ndoc inñ gic hu ndê gwelenñ

yêc Galili e lau sic in̄ ndu yêc Jerusalem. Nac lau dau sêlic in̄ tisa su yomandô, madec sêsôm asê têt̄n lau hon̄.

³²⁻³³ Kwahic dec yac asôm ñawaê ñayham asê têt̄n mac bocdec bu, Anötö un̄ Yisu sa akêñ lau batê-ñga. Ma bocdinañ dec yom nañ in̄ gic bata têt̄n abañi, nañ kwahic dec in̄ kôm ñandô sa têt̄n abañi si lau wakuc yac dec. Tôm yom nañ sêto yêc Wê tilu-ñga yêc Buku Wê-ñga bocdec bu, *‘Acsalô lec am ti aô neñ atun̄gac solop, ma aô gati am Damam.’*

³⁴ Anötö un̄ in̄ sa akêñ lau batê-ñga bu in̄ ñamlic tibalê dom. Bu mba, dec oc tôm dom bu sêto yom bocdec bu, *‘Pwac dabun̄ nañ aô kamatiñ gawhiñ Dawid, nañ tidôn̄ su, ma mac oc atap pwac dau ñamwasiñ sa.’*

³⁵ Ma yom dau Dawid to yêc bocdec, *‘Am oc hu nem N̄gac Dabun̄ siñ bu tibalê dom.’*

³⁶ An̄gô su nañ! Dawid to yom dinañ hêganôn̄ in̄ dau dom. Bu têt̄n ndoc Dawid gic bata gwelen̄ nañ Anötö kêt̄n sip in̄ amba, nañ Dawid mbac ndu whiñ lau têt̄m dinañ-ñga, ma sêñsuhun̄ in̄ whiñ ndê apai. Ma in̄ ndê ñamlañ tibalê su.

³⁷ Tigen̄ Yisu, nañ Anötö un̄ in̄ sa akêñ lau batê-ñga, nañ ndê ñamlañ tibalê dom.

³⁸ “Bocdinañ aneñ asidôwai hac, an̄gô. Aô tac whiñ bu mac an̄yalê ñapep bu yom nañ yac ahoc asê têt̄n mac, nañ bu whê mac nem gauc sa pi lêt̄n bu Anötö suc mac nem sac kwi tu Yisu-ñga.

³⁹ Mac nem dañ gitôm dom bu êñkuc yomsu hon̄ nañ Moses to e Anötö lic in̄ bu ñamalac gitêt̄n. Mba andô! Tigen̄ kwahic dec lau nañ sêkêt̄n whiñ Yisu, nañ Anötö gêlic ñac bu lau gitêt̄n tu in̄-ñga.

⁴⁰ Ayob daôm bu atec ñawaê ñayham dindéc dom, tu bu yom nañ lau propet sêsôm, nañ ñandô sa pi mac dom. Yom dau bocdec:

⁴¹ Alic su nañ mac lau apu yom ti atan bôlê-nga. Kwahic dec aô oc wakôm gêñ atu dan, nañ lau bu sêsôm asê têt mac, dec oc akêt whiñ dom! Mac alic ti ahêdaêm, magoc oc andiñam!” [*Hab 1:5*]

⁴² Pol gic bata in ndê yom dinan, ma inlu Banabas bu sêhu lôm wê-nga siñ sêsa awê sêndi. Ma lau sêndac inlu bu sêmbu sêmen têt Sabat ñambu-nga, ma sêsôm yom tiyham pi gêñ hon dinan.

⁴³ Lau bata lôm wê-nga sêkêt gôlôwac sêsa si su, ma lau daêsam sêñkuc Pol lu Banabas. Lau ñatô ñac lau Israel-nga, ma lau ñatô ñac lau gamen apa-nga nañ sêñkuc lau Israel si sakin sênem akin Anötö-nga. Ma Pol lu Banabas sem yomgalôm sêwhiñ ñac, ma sem la ñac bu takwê Anötö ndê mwasiñ tu bu puc ñac si sêkêt whiñ dôñ tôm bêc hon.

⁴⁴ Sabat dan tiyham hêc asê, ma lau daêsam andô sêkac dau sa bu sêngô Pômdau ndê yom. Kêpiñ bu lau malac-nga hon sêmen sêpitigen.

⁴⁵ Tigen lau Israel-nga ñatô sêlic ton atu dinan ma sem lêmun ñandô. Bocdinan ñac atac ñandê ma sêsôm yom sac-sac daêsam bu sêngwiniñ Pol ti ndê yom.

⁴⁶ Magoc inlu Banabas sêlhac ti atac pa su ma sêo ñac si yom ma sêsôm, “Anötö kêkiñ alu bu asôm in ndê yom asê têt mac lau Israel-nga mun. Magoc mac atec in ndê yom. Mac atec bu atap sen andôc tamli-nga sa, a? Tu dinan-nga dec alu oc ahu mac siñ, ma atêt lau nañ lau Israel dom, nañ andi.

⁴⁷ Pômdau dau gic atu alu bu akôm bocdinañ, tòm yom nañ Aisaya to pi Anötö ndê ñgac akiñ bocdec bu:

Aö wañkiñ am gitôm ñawê bu têtñ lau nañ lau Israel dom, nañ ndi. Ma am oc sôm ñawaê ñayham asê pi aneñ lêtñ wanem lau si-ña e tiapa yêc gameñ hon.” *[Ais 49:6]*

⁴⁸ Lau gameñ apa-ña dinañ sêtñgô yom dau, ma ñac atac ñayham sa ma sêtoc Pômdau ndê yom sa. Ma lau hon nañ Pômdau kêyaliñ ñac sa su bu sêtap señ sêndöc tali-ña sa, nañ sêkêtñ whiñ.

⁴⁹ Ma Pômdau ndê yom gi tiapa gêm gameñ hon dinañ ahuc.

⁵⁰ Magoc yêc malac dinañ lau Israel-ña ñatô sêtñgilí lau bata ti lauwhê tiwaê nañ sêmbo gôlôwac Israel-ña ñalôm, ma sêkêtñ kisa Pol lu Banabas ma sêmasuc inñu su yêc ñac si gameñ.

⁵¹ Bocdinañ inñu sêtöñ kop su yêc si gahi bu töt lau dau si giso asê, ma sêtêtñ malac Aikoniam si.

⁵² Ma Anötö kêtñ Nalau Dabuñ gêm lau malac Antiok-ña nañ sêkêtñ whiñ Yisu, nañ ahuc, ma sêmbo ti atac ñayham ñapañ.

14

Pol lu Banabas sem mêtê sêmbo malac Aikoniam

¹ Pol lu Banabas sêhóc asê malac Aikoniam, ma sêtñkuc si gêtôm ma sêsóc lau Israel si lôm wê-ña si. Ma yêc dinañ inñu sem mêtê ñalêtñ ñayham e lau daêsam sêkêtñ whiñ Yisu, lau Israel-ña ma lau gameñ apa-ña sêwhiñ.

² Magoc lau Israel-ña nañ sêkôt inñu si yom sa ti sêkêtñ whiñ dom, nañ sêtñgilí lau gameñ apa-ña e sêlic lau sêkêtñ whiñ-ña sac.

³ Tu dinan-nga Pol lu Banabas sêmbô malac Aikoniam njasawa hic baliņ, ma sêlhac njanğa tu bu sêwhê Pômdau ndê yom sa-nga. Ma Pômdau kêņ njaclai têņ inļu bu sêkôm gêņ dalô ti gêņ atu-tu, tu bu puņ yom nan inļu sêhoc asê pi in ndê mwasiņ, nan dôņ.

⁴ Gêņ dau kôm lau malac-nga sêwhê dau kôc, njatô sêlhac sêwhiņ lau Israel-nga, ma njatô sêlhac sêwhiņ aposel lu dinan.

⁵ Têņ dinan lau Israel-nga ma lau gameņ apa-nga nan sêkêņ kisa inļu, nan sêkic yom sêwhiņ naci si lau bata bu sêkôm inļu njayom ma sêtuc inļu nja hoc ndu.

⁶⁻⁷ Tigen inļu sêņgô njauc, ma bocdinaņ dec sêlhô sêtêņ gameņ Likonia-nga si. Ma yêc gameņ dinan, inļu sêkôm gwelen njaawê njayham-nga yêc malac Listra ma malac Derbi ma yêc nja gameņ njamakê-nga.

Pol lu Banabas sêtêņ malac Listra si

⁸ Yêc malac Listra nğac bôliņ daņ mbo, nan gahi lu-lu tibalê. Dinda kôc in bocdinaņ, ma in kêsêlêņ daņ dom.

⁹ Têņ bêc daņ in ndöc gameņ nan Pol gêm mêtê mbo, ma nğô in ndê yom. Pol tahê in e kêyalê bu in kêņ whiņ Pômdau njanğa tôm bu kôm in njayham sa.

¹⁰ Dec Pol ta yom nja awha atu ma sôm, “Tisa lhac!” Ma nğagahô nambwa nğac dau tisa ma kêsêlêņ.

¹¹ Lau Likonia-nga sêlic gêņ nan Pol kôm, dec sêmbwêc yêc dau awha-nga ma sêsôm, “Kec, anötöi sem njamalac nğô ma sêsip sêtêņ yac sêmeņ.”

¹² Ma sêhê njaê Seus pi Banabas kêkuc naci si anötö njamata-nga ndê njaê. Ma sêsam Pol bu Hermes, kêkuc naci si anötö apa daņ njaê, nahu bu in nğac sôm yom-nga.

13 Lau malac dinan-nga si lôm tu sênem akiñ ñac si anötö apa Seus, nan kalhac kêpiñ malac dau ñagatam. Ma anötö apa Seus ndê dabunjsiga dan, ti ñac lau malac-nga atac whiñ bu sêkêñ gêñ pi ya ti da têtj Pol lu Banabas. Dec inj kôc makao gapoc ñatô ma gêñ ñatô tu sêñgôlôñ makao ma sêkêñ ti da-nga, ma ñac honj sêkac dau sa sêmbo malac dau ñasactô.

14 Magoc têtj ndoc aposel lu sêñgô gêñ dinan ñawaê, nan sêkac si ñakwê kic bu sêtôc asê bu sêlic gêñ dau so sambuc. Ma sêsa ñalhu si, ma sêmbwêc yom bocdec bu,

15 “Ei! Mac akôm inj dinan tu ake-nga? Alu ñamalac atôm mac, ma amenj bu asôm ñawaê ñayham asê têtj mac. Alu bu asôm têtj mac bu ahu nem anötöi tasanj honj sinj ma anem daôm kwi ma anem akiñ Anötö Tali Nâdau, nan kêmasanj undambê ti nom ma gwêc ti gêñ honj.

16 Muñ-ñ ga inj kêñ ñasawa têtj lau nom-nga honj bu sêkôm gêñ tôm si atac whiñ.

17 Magoc inj kêmwasiñ lau nom-nga ñapanj bu whê ñac si gauc sa pi inj. Inj kêñ u gic akêñ umbonj, dec mac nem ôm sem ñandô daêsam. Inj kêñ gêñ danen-nga daêsam têtj mac, ti gêñ ñayham-ñayham tu bu kôm mac atac ñayham-nga.”

18 Injlu sêwhê gêñ honj dinan sa têtj lau dau, magoc lau ñatô si gauc sa dom, ma sêkôm ñanga bu sêkêñ da têtj injlu.

19 Têtj dinan lau Israel-nga ñatô nan sêmenj akêñ malac Antiok ma Aikoniam, nan sêsôm yom daêsam têtj lau e sêkac si ñalôm kwi ma sêlic Pol lu Banabas sac. Dec sêtuc Pol ña hoc e gauc gêm bu inj mbac ndu su, goc sêhê inj sa malac ñamakê gi.

²⁰ Magoc lau sêkêñ whiñ Yisu-nga ñatô sêsa si sêñgihi iñ a huc, dec iñ tisa ma mbu sôc malac Litra gi. Ma ñagalanşê iñlu Banabas sêlhö sêtêñ malac Derbi si.

Pol lu Banabas sêmbu sêtêñ Antiok si

²¹ Iñlu sêsôm ñawaê ñayham asê yêc malac atu Derbi, e lau daêsam sêkêñ whiñ Pômdau. Tiñambu iñlu sêmbu si, ma sic lau sêkêñ whiñ-nga kêsi yêc malac Litra, Aikoniam, ma Antiok yêc gameñ Pisidia-nga.

²² Sêpuc lau sêkêñ whiñ-nga dôñ bu sêlhac ñanga ma sêhu si sêkêñ whiñ siñ dom. Sêsôm têñ ñac bu, “Yac bu dambo Anötö ndê gôliñ ñapu, nañ iñ gêñ sauj dom. Dalhac ñanga ma dahôc ñawapac dandic ñawaê.”

²³ Ma yêc lau sêkêñ whiñ-nga ñatonñ honñ nañ iñlu sic kêsi, nañ Pol lu Banabas sênyaliñ lau bata sa bu sêyob tonñ tigenñ-tigenñ. Iñlu sem mbec lau bata dau ma sêkêñ ñac sêsip Pômdau, nañ ñac honñ sêkêñ whiñ iñ, nañ amba. Ma ñac honñ sêhu gêñ danenñ-nga siñ tu bu sêteñ mbec-nga, ma sêndac Pômdau bu puc lau bata dau dôñ.

²⁴ Iñlu sic gameñ Pisidia-nga kêsi su, goc sêtêñ gameñ Pampilia-nga si.

²⁵ Yêc dinanñ sêhoc ñawaê ñayham asê yêc malac Pega, ma tiñambu sêsa malac Atalia si.

²⁶ Ma yêc Atalia sêpi wañ danñ, ma sêmbu sêtêñ malac Antiok nañ yêc gameñ Siria-nga si. Muñ-nga lau yêc malac dau sênyaliñ iñlu sa ma sêteñ Anötö bu êmwasiñ iñlu tu gwelenñ nañ kwahic dec iñlu sic bata su-nga.

²⁷ Sêhóc asê su goc sêkac lau sêkêñ whiñ-nga hon sa, ma sic miñ gêñ hon nañ Anötö gêm inlu sa bu sêkôm. Ma sêsôm asê têtñ ñac bu kwahic dec Anötö gêlêc gatam su têtñ lau nañ lau Israel dom, dec ñac si lau daêsam sêkêñ whiñ Yisu.

²⁸ Ma inlu sêmbo sêwhiñ lau sêkêñ whiñ-nga yêc malac Antiok ñasawa baliñ.

15

Lau atu-tu sêkac sa sêmbo Jerusalem

¹ Lau sêkêñ whiñ-nga ñatô akêñ gameñ Judia-ñ ga sêhóc asê Antiok, ma sêndôhôn yom têtñ lau sêkêñ whiñ-nga nañ lau Israel dom, nañ bocdec bu, “Mac bu asê nem laungac si ñamlic ñatô su añkuc pwac nañ Moses to yom pi, nañ dom, dec oc tòm dom bu Anötö nem mac si.”

² Tu yom dinañ-nga dec kisa atu yêc Pol lu Banabas ma lau gameñ Judia-nga dinañ ñasawa, ma sêseñ dau ñapañ pi yom dau. Bocdinañ lau sêkêñ whiñ-nga sênyaliñ Pol lu Banabas ma lau sêkêñ whiñ-nga ñatô sa, ma sêñkiñ ñac bu sêpi Jerusalem sêndi ma sêngô lau aposel ti lau bata si gauc pi yom dau.

³ Sêñkiñ ñac si su, ma têtñ ndoc Pol ti lau dau sêñsêlêñ sêmbo señ, nañ sic miñ têtñ lau sêkêñ whiñ-nga yêc gameñ Pionisia ti Samaria-nga, pi ñac si gwelen têtñ lau nañ lau Israel dom. Sêwhê sa bu lau apa daêsam sêkac si ñalôm kwi ma sêkêñ whiñ Pômdau. Ma yom dau kôm lau sêkêñ whiñ-nga hon atac ñayham atu.

⁴ Ma têtñ ndoc sêhóc asê Jerusalem, nañ lau sêkêñ whiñ-nga ti aposel ma lau bata sêkôc ñac sa. Ma

inlu sic miñ gêñ hon nan Anötö gêm inlu sa bu sêkôm.

⁵ Têñ dinan lau Palêsai ñatô nan sêkêñ whin Yisu, nan sêtisa ma sêsôm, “Yac gauc gêm tidôn bu dandic atu bu lau gameñ apa-nga nan sêkêñ whin Yisu, nan sêsê launçac si ñamlic ñatô su ma sêsôc Moses ndê yomsu ñapu.”

⁶ Goc sêkac lau aposel ti lau bata hon sa sêpitigen bu sêkôc gauc pi yom dau.

⁷ Sêsôm yom ñasawa baliñ su, goc Pita tisa ma sôm, “Asidôwai, gauc nem gêñ nan Anötö kôm têt lau gameñ apa-nga ñatô, têt têt dê gi su. Mac anyalê su bu in gêlic ñayham bu ñac sêngô ñawaê ñayham sa aö daun whansun, ma sêkêñ whin.

⁸ Anötö nan kêyalê ñamalac hon si ñalôm, nan kêt Nalau Dabun têt ñac tôm in kêt têt yac, dec tôc asê bu in ndê mwasiñ gic ñac ñawaê whin.

⁹ In kêmasan ñac si ñalôm ñawasi sa tu ñac si sêkêñ whin-nga, gitôm in kôm têt yac. Gêñ dau whê sa bu in gêlic yac hon bu lau kain tigen.

¹⁰ Magoc in kôc ñac sa tu sêñkuc Moses ndê yomsu-nga dom. Yomsu dau kêt ñawapac têt yac ti damani, nan datôm dom bu dahôc. Bocke dec mac bu akêt ñawapac dau sac lau gameñ apa-nga nan sêkêñ whin, nan si bakêyac? Mac bu akôm bocdinan dec oc ançahê Anötö, ma mboe oc kôm in atac ñandê. Ma mac oc alhac in ndê lêt nem lau si-nga ahuc.

¹¹ Magoc yac dakêt whin bu Anötö gêm yac lau Israel-nga si tu mwasiñ nan datap sa ñambwa yêc Pômdau Yisu-nga. Ma ñac lau dindê bocdinan.”

¹² Ma têt dinan Banabas lu Pol sic miñ yom pi

gêñ dalô ti gêñ atu-tu nañ Anötö gêm inlu sa bu sêkôm yêc lau gameñ apa-nga ñalôm. Ma lau hon nañ sêkac sa sêndöc, nañ sem dön ma sêkên danja inlu si yom.

¹³ Inlu si yom pacndê, goc Jems sôm yom asê bocdec bu, “Asidôwai, anğô aneñ yom.

¹⁴ Pita whê sa têtñ yac su pi gêñ nañ Anötö kôm bu kôc lau gameñ apa-nga ñatô sa sêti in ndê.

¹⁵ Gêñ dau kêkuc yom nañ propet dan to muñ su bocdec bu:

¹⁶ Pômdau sôm, ‘Tiñambu aö oc wambu wameñ, ma wapuc Dawid ndê gôlin kiñ-nga dön tiyham. Dawid ndê gôlin dau kwahic dec ti-sac gitôm andu nañ tiakwa su, magoc aö oc wakwê sa tiyham.

¹⁷ Ñalêñ dinañ dec wamasan lêtñ bu lau sêñsalê aö, ma sêtigasuc aö tiyham. Ma lau gameñ apa-nga nañ gahê aneñ ñ aê pi ñac, nañ sêwhin.’ Pômdau, nañ oc kôm gêñ dau ñandô sa, nañ ndê yom dau dinañ.

¹⁸ In kêmasan lêtñ dau gwanan su.” *[Amos 9:11-12]*

¹⁹ Goc Jems sôm, “Bocdinañ aö gauc gêm bu lau gameñ apa-nga nañ sêkac si ñalôm kwi ma sêsôc Anötö ndê gôlin ñapu, nañ oc dakên ñawapac têtñ ñac dom.

²⁰ Mba! Dato bapia têtñ ñac, ma dakên puc ñac bu sêneñ gêñ danen-nga nañ lau sêkên ti da têtñ anötöi gwam, nañ dom, bu gêñ dau ñadômbwi yêc Anötö anğô-nga. Danem la ñac bu sêkôm mêtê mockain-nga dom, ma sêneñ bôc nañ sêkin ndu ma wata ti dac nañ dom.

²¹ Yom dau dinañ. Moses ndê yom, nañ oc

sênyalê su, ma bocdinaŋ dato yom pi dom. Bu lau sem mêtê pi Moses ndê yom yêc malac atu-tu honŋ gitôm yala daêsam su, ma sêsam inŋ ndê buku yêc ŋac si lôm wê-ŋga tôm bêc Sabat-ŋga honŋ.”

Sêto bapia têŋ lau gameŋ apa-ŋga

²² Têŋ dinaŋ lau aposel ti lau bata, ma lau sêkêŋ whiŋ-ŋga honŋ si ŋalôm tigenŋ, bu sênyalinŋ ŋac si lau ŋatô sa, bu sêtêŋ Antiok sêwhiŋ Pol lu Banabas sêndi. Ŋac s ênyalinŋ lau sêkêŋ whiŋ-ŋga si ŋgac bata lu sa, naŋ Judas, naŋ sêsam inŋ ndê ŋaê daŋ bu Basabas, lu Sailas.

²³ Ma sêto bapia daŋ bu inŋlu sêkôc tôhônŋ, naŋ sôm yom bocdec bu:

Yac ato bapia dindêc têŋ mac lau gameŋ apa-ŋga naŋ akêŋ whiŋ Pômdau, yêc malac Antiok ma gameŋ Siria-ŋga ti Silisia-ŋga. Mac nem asidôwai yac lau aposel ti lau bata lec, akôm accsalô ŋayham têŋ mac.

²⁴ Yac atap sa bu yac mba lau ŋatô sêhôt asê mac, ma sêkôm mac nem ŋalôm ŋawapac tu ŋac si yom pi mêtê dasê laungac ŋamlic-ŋga. Yac aŋkiŋ lau dau sêtêŋ mac sêloc dom.

²⁵ Bocdinaŋ yac honŋ gauc gêm tidônŋ bu anyalinŋ lau ŋatô sa ma aŋkiŋ ŋac sêtêŋ mac sêloc sêwhiŋ yac mba silip ŋayham lu, naŋ Pol lu Banabas.

²⁶ Inŋlu sêkêŋ dau sambuc bu sêhoc Pômdau Yisu Kilisi ndê ŋawaê ŋayham asê, ma sêtôc dau dom bu sêmbac ndu tu inŋ ndê ŋaê-ŋga.

²⁷ Ma kwahic dec yac aŋkiŋ Judas lu Sailas sêwhiŋ inŋlu sêtêŋ mac sêloc, bu sêpuc yom bapia dindêc-ŋga dôŋ.

²⁸ Yac bu akêñ ñawapac têtñ mac dom, tigen bu anem la mac. Ma yac akêñ whin bu Ñalau Dabuñ oc puc yac mba yom dau dôñ. Yom dau bocdec.

²⁹ Aneñ gêtñ daneñ-ñga nañ lau sêkêñ ti da têtñ anötöi gwam, nañ dom. Aneñ bôc nañ sêkin ndu ma wata ti dac, nañ dom. Ma akôm mêtê mockain-ñga dom. Ayob daôm bu ambo ahê gêtñ dau, nañ dec oc akôm mêtê ñayham. Yom dau dinañ. Acsalô ñayham têtñ mac hoñ.

³⁰ Sêto bapia dau su, goc sênkin lau dau sêtêtñ Antiok si. Ma yêc dindê, ñac sêkac lau sêkêñ whin-ñga sa, ma sêkêñ bapia dau têtñ ñac.

³¹ Lau sêkêñ whin-ñga sêsam, dec puc ñac dôñ ma kôm ñac atac ñayham sa.

³² Judas lu Sailas dau propet lu, ma sêsôm yom ti sêkêñ gauc ñayham daêsam têtñ lau sêkêñ whin-ñga, bu sêpuc ñac dôñ.

³³ Sêmbo sêwhin ñac bêtç ñatô, goc lau sêkêñ whin-ñga sem mbec inlu ña yom malô, ma sênkin inlu sêmbu sêtêtñ gôlôwac dabuñ Jerusalem-ñga, nañ sênkin inlu sêmen, nañ si tiyham. [

³⁴ Magoc Sailas gauc gêm bu mbo malac Antiok.]

³⁵ Ma Pol lu Banabas sêmbo malac Antiok, ma inlu sêwhin lau daêsam, sêmbo ti sêndôhôn lau ma sêhoc Pômdau ndê yom asê.

Pol lu Banabas sêhu dau sin

³⁶ Tiñambu Pol sôm yom têtñ Banabas bocdec bu, “Aô gauc gêm bu hêclu dambu datêtñ malac hoñ nañ muñ-ñga dahoc Pômdau ndê yom asê dambo, nañ dandi. Dandic lau kêsî yêc dindê, ma dalic bu ñac sêmbo ñalên bocke.”

³⁷ Banabas tac whiñ bu sêkôc Jon nanj sêsam in ndê ñaê danj bu Mak, nanj whiñ inlu ndi.

³⁸ Magoc Pol gêlic gauc dau bu yham dom. Nahu bu mun-nga Jon hu inlu ma inlu si gwelenj sinj yêc gamenj Pampilia-nga.

³⁹ Tu yom dinanj-nga Pol lu Banabas sêsej dau e sêhu dau sinj. Banabas kôc Mak ma inlu sêpi wanj danj ma sêtêj nduc Saipras si.

⁴⁰ Magoc Pol kêyalinj Sailas sa bu êñsêlêj whiñ in ndi. Asidôwai Antiok-nga sem mbec inlu ma sêteñ Pômdau bu puc inlu dôñ ña in ndê mwasinj, ma tiñambu inlu sêlhô si.

⁴¹ Ma inlu sic gamenj Siria ti Silisia-nga kêsi ma sêpuc lau sêkêj whiñ-nga dôñ yêc gamenj dinanj.

16

Timoti kôm gwelenj whiñ Pol lu Sailas

¹ Pol lu Sailas sêhôt asê malac Derbi, ma tiñambu sêtêj malac Listra si. Yêc malac dinanj ñgac kêj whiñ-nga danj ñaê Timoti mbo. In dinda inj awhê Israel-nga danj nanj kêj whiñ Pômdau, ma Timoti damba inj ñgac Grik-nga.

² Lau sêkêj whiñ-nga nanj sêmbô malac Listra ma Aikoniam sêlic Timoti bu ñgac ñayham ma sêmpinj inj.

³ Pol tac whiñ bu Timoti êñsêlêj ti kôm gwelenj whiñ inj. Tigenj inj kêyalê bu lau Israel-nga honj nanj sêmbô gamenj dinanj, nanj sêñyalê bu Timoti damba inj ñgac Grik-nga. Tu dinanj-nga inj sê Timoti ndê ñamlic ñatô su.

⁴ Tiñambu sêñsêlêj sêlom-sêlom malac, ma sêhoc yom nanj lau bata ti lau aposel sêmatinj tidôñ yêc

Jerusalem, naŋ asê têtj lau sêkêŋ whiŋ-ŋga bu sêŋkuc.

⁵ Nalêŋ dau dinaŋ Anötö puc lau si sêkêŋ whiŋ dônj yêc malac hoŋ dinaŋ, ma tôm bêc hoŋ lau sêkêŋ whiŋ-ŋga si toŋ kêsôwec tiatu.

Pol yêc mbê pi ŋgac Masedonia-ŋga

⁶ Nalau Dabuŋ kalhac Pol ti lau naŋ sêwhiŋ iŋ ahuc, bu sênem mêtê yêc gameŋ Esia-ŋga têtj ŋasawa dinaŋ dom. Bocdinaŋ dec ŋac gacgeŋ sêmbô gameŋ Prigia ti Galesia-ŋga, ma sêkôm gwelen sêmbô dinaŋ.

⁷ Têtj ndoc sêhôt asê gameŋ Misia-ŋga ŋabatiŋ, ma bu sêsôt malac Bitinia sêndi, naŋ Yisu ndê Nalau kalhac ŋac ahuc tiyham.

⁸ Bocdinaŋ sêhôt gêlêc gameŋ Misia-ŋga ma sêsip malac Troas si.

⁹ Têtj ôbwêc dinaŋ Pol yêc mbê ma gêlic ŋgac daŋ akêŋ gameŋ Masedonia-ŋga meŋ kalhac iŋ aŋgô-ŋga, ma teŋ iŋ bocdec bu, “Têtj Masedonia mwen ma nem yac sa.”

¹⁰ Pol yêc mbê dau su ma whê sa têtj yac* e aŋyalê bu Anötö mbwêc yac bu anem mêtê têtj lau Masedonia-ŋga. Bocdinaŋ dec yac aŋsahic dauŋ bu atêŋ lau dau andi.

Lidia kôc Pol ndê yom sa ma kêtj whiŋ Yisu.

¹¹ Yac api waŋ yêc Troas ma solop atêŋ nduc Samotres a, ma ŋagalaŋsê yac ahu nduc dau siŋ ma asôt baö yêc malac Niapolis.

* **16:10:** Yêc ŋabatiŋ 10 Luk to yom ‘yac,’ dec têtj asê bu iŋ dau mbo whiŋ Pol têtj ndoc dinaŋ e tôm ndoc sêtêŋ malac Pilipai si - yêc ŋabatiŋ 19 iŋ to ‘yac’ tiyham dom. Iŋ kôm ŋalêŋ tigerj yêc Apo 20:5–21:18; ma 27:1–28:16.

¹² Goc yac anşêlêñ atêñ malac Pilipai a a mbo bêc ñatô. Malac dau ti gameñ Masedonia-ñga ña-malac atu, ma lau Rom-ñga nañ sem gôliñ gameñ dau, nañ sêndöc malac dinañ.

¹³ Têñ Sabat dañ yac ahu malac dau siñ, ma asa atêñ bu dañ yêc malac dau ñamakê a. Yac gauc gêm bu mboe gameñ dinañ, inñ lau ñatô si gameñ sêteñ mbec-ñga. Ma yac atap lauwhê ñatô sa, nañ sêkac sa sêmbo dindê, dec andöc sic ma ac hu asôm yom têtñ ñac.

¹⁴ Lauwhê nañ sêñgô yom dau, nañ si dañ inñ Lidia. Inñ awhê tidulu po ñadalô-ñga, nañ meñ akêñ malac Tayatira, ma inñ awhê toc Anötö sa-ñga. Têñ ndoc inñ ñgô Pol ndê yom, nañ Pômdau kac inñ ndê ñalôm bu kôc yom dau sa ma kêtñ whiñ Yisu.

¹⁵ Dec Lidia ti lau hoñ nañ sêndöc inñ ndê andu nañ sêliñ sanğu. Ma tiñambu inñ sôm têtñ yac, “Mac bu alic aö gitôm awhê nañ kêtñ whiñ Pômdau, dec amenñ ambo aneñ andu.” Ma inñ piñkap yac ñapañ e yac awhiñ inñ a.

Pol lu Sailas sêndöc gapocwalô

¹⁶ Têñ ndoc dañ yac bu atêñ gameñ nañ lau sêteñ mbec sêmbo, nañ andi, ma awhê dañ meñ tap yac sa. Inñ awhê akiñ ñambwa dañ, ma ñalau dañ mbo whiñ inñ ma hoc yom asê pi gêtñ nañ oc meñ sa tiñambu. Lau daêsam êlêmê sêtêñ inñ si, bu inñ whê yom sa pi gêtñ nañ oc hóc asê ñac têtñ têm ñambu-ñga. Ma awhê dau ndê ñadaui sêtap awa atu sa tu inñ-ñga.

¹⁷ Têñ têm dinañ yac anşêlêñ awhiñ Pol, ma awhê dau kêkuc yac ma mbwêc bocdec bu, “Lau dindec sem akiñ Anötö Ñawasi ti Ñaclai Ñadau, ma sêwhê

yom sa pi lêḡ Anötö nem mac si andöc tamli ḡapanḡ-ḡga.”

¹⁸ Tôm bêc daêsam iḡ kôm boc-dinaḡ e mbô Pol ḡalôm sa. Goc iḡ kac dau kwi ma sôm têḡ ḡalau bu, “Tu Yisu Kilisi ndê ḡaê-ḡga, dec wandic atu am bu sa yêc awêḡ dinaḡ.” Ma ḡagahô eḡ ḡalau hu awêḡ dau siḡ.

¹⁹ Têḡ ndoc dinaḡ awêḡ dau ndê ḡadaui sêḡyalê bu ḡac si lêḡ sêkôc awa-ḡga pacndê. Dec sêlô Pol lu Sailas dôḡ ma sêḡê iḡlu sa sêsôc malac lôm sêḡêḡ lau atu-tu si.

²⁰ Sêkêḡ iḡlu sêlhac lau sêmatôc yom-ḡga si aḡgô-ḡga, ma sêsôm, “ḡḡac lu dindec iḡlu ḡḡac Israel-ḡga. Ma sêmeḡ bu sêli lau malac-ḡga si ḡalôm sa.

²¹ Bu iḡlu sêkac lau bu sêḡkuc mêtê ḡatô naḡ yac lau Rom-ḡga bu taḡkuc, dec oc so yac neḡ ḡagôliḡ.”

²² Awêḡ akiḡ dau ndê ḡadaui sêḡgôliḡ yom dinaḡ pi Pol lu Sailas, ma lau malac-ḡga sêḡuc yom dau dôḡ. Bocdinaḡ lau sêmatôc yom-ḡga sêkêḡ yatu bu sêkac iḡlu si ḡakwê su ma sêḡi iḡlu ḡa sô.

²³ Sêḡi iḡlu ḡa sô sac andô, goc sêkêḡ iḡlu sêndöc gapocwalô. Ma sêsôm yom ḡaḡga têḡ ḡḡac naḡ yob gapocwalô bu yob iḡlu ḡapep.

²⁴ Iḡ ḡgô yom dau su dec kêḡ iḡlu sêndöc ḡalôm daḡ, naḡ yêc andu gapocwalô-ḡga dau ḡa-ḡalôm andô. Ma iḡ sô iḡlu gahi dôḡ gêm damiḡ a.

²⁵ Timaniḡhu Pol lu Sailas sêḡeḡ mbec ti sem wê sêmpiriḡ Anötö, ma lau gapocwalô-ḡga ḡatô sêkêḡ daḡa iḡlu.

²⁶ Sem wê sêmbo ma t iyhô atu gêm dec andu gapocwalô-ḡga wiwic sa. Ma gatam gapocwalô-ḡga hoḡ sêlêc dau su, ma sen gapocwalô-ḡga suc yêc lau hoḡ.

27 Têñ têtîm dinan̄ ñgac yob gapocwalô-ñga tali sa ma gêlic bu gatam hon̄ kac sa su. In̄ gauc gêm bu lau hon̄ oc sêlhô si su, dec púc in̄ ndê bien̄ balin̄ sa bu kun̄ dau ndu.

28 Magoc Pol mbwêc, “Kôm daôm ñayom dom. Yac hon̄ kelec ambo!”

29 Goc ñadau sôm bu lau sêtun̄ ya sa sêmen̄, ma sôc gapocwalô gi. In̄ hu dau sip nom yêc Pol lu Sailas gahi-ñga, ma töc dau ti kêtitec ñandô.

30 Malô goc in̄ wê in̄lu sêsa awê si ma ndac in̄lu, “O ñgac atu lu. Aô wakôm sake bu watap sen̄ wandöc tan̄li-ñga sa?”

31 Ma in̄lu sêo yom ma sêsôm, “Kêñ whin̄ Pômdau Yisu, dec am oc tap Anötö ndê mwasin̄ nem am si-ñga sa. Am ti am nem lau hon̄ nan̄ ambo nem andu, nan̄ asa lêtñ tigen̄ dinan̄.”

32-33 Têñ ôbwêc dinan̄ ñgac yob andu gapocwalô-ñga kôc in̄lu ma kêgwasin̄ in̄lu gamboc. Ma in̄lu sêwhê Pômdau ndê yom sa têtñ in̄ ti lau hon̄ nan̄ sêmbo in̄ ndê andu. Ma in̄ ti ndê lau hon̄ sêlin̄ san̄gu.

34 Tin̄ambu in̄ kôc in̄lu sêsôc in̄ ndê andu si ma kêñ gêtñ danen̄-ñga in̄lu sen̄. In̄ tac ñayham atu bu in̄ ti ndê lau hon̄ kwahic dec sêkêñ whin̄ Anötö.

35 T êñ galañsê bêbêc lau sêmatôc yom-ñga sên̄kin̄ lau sin̄-ñga ñatô sêtên̄ ñgac yob gapocwalô-ñga si, bu sêsôm têtñ in̄ bu êñgapwêc Pol lu Sailas su.

36 Ngac nan̄ yob andu gapocwalô-ñga ñgô yom dau, goc sôm têtñ Pol, “Lau sêmatôc yom-ñga sêkêñ yom men̄ bu wan̄gapwêc amlu Sailas su yêc gapocwalô. Bocdinan̄ amlu alhô andi ti yom malô.”

37 Magoc Pol sôm têtñ lau s in̄-ñga dinan̄, “Alu

ngac Israel-nga, magoc alu ngac Rom-nga[†] awhinj. Sêmatôc alu mba yom napep dom, ma sic alu yêc lau honj anjô-nga e sêkênj alu andöc dec. Ma bocke dec njac bu sêhu alu sinj gelec alhö andi? Mba! Njac dau sêmej ma sêwê alu asa andi.”

³⁸ Lau sinj-nga dinanj sêmbu si ma sic minj yom dau tênj lau sêmatôc yom-nga. Njac sêngô bu Pol lu Sailas injlu ngac Rom-nga sêtôm njac, dec njac sêtôc dau atu.

³⁹ Goc njac sêtênj gapocwalô si ma sêkôm bu sênem malô injlu si njalôm. Sêkôc injlu su yêc andu gapocwalô-nga, ma sêwê injlu sêsa si. Ma sêndac injlu bu sêhu malac dau sinj.

⁴⁰ Tênj ndoc Pol lu Sailas sêhu gapocwalô sinj, nanj injlu sêtênj Lidia ndê andu si. Sêkac lau sêkênj whinj-nga honj sa, ma sêsôm yom njayham daêsam tu sêpuc njac dônj-nga. Ma tinjambu sêhu njac sinj.

17

Lau sêkênj kisa Pol lu Sailas yêc Tesalonika

¹ Injlu sênsêlênj si sêsa senj tênj malac Ampipolis ma Apolonia, ma gacgenj si e sêhóc asê Tesalonika. Yêc malac dinanj lau Israel si lôm wê-nga danj kalhac.

² Pol kêkuc inj ndê mêtê, ma tênj Sabat sôc lôm wê-nga dau gi. Ma gitôm Sabat tō inj gêm yomgalôm whinj lau yêc dindê, bu whê njac si gauc sa pi Anötö ndê yom daêsam nanj sêto yêc munj su nanj.

[†] **16:37:** Yom dau njahu sêsôm yêc Yom Inglis bu ‘citizenship.’ Pol whê injlu Sailas sa bu citizen Israel-nga, ma citizen Rom-nga whinj. Lau Rom si njagôlinj danj kênj yao bu sêhi citizen Rom-nga dom, bocdinanj gênj nanj sêkôm tênj injlu Sailas, nanj gênj so. Alic yom njatô yêc Apo 22:25-29.

³ Inj whê sa ma tôc asê bu Mesaya gic waê bu hôc ñandê e mbac ndu, ma tisa akêñ lau batê-nga ma mbo tali tiyham. Dec inj sôm têñ ñac, “Kwahic dec aô wasôm têñ mac bu Yisu inj Mesaya dau. Yom ñandô!”

⁴ Lau Israel-nga ñatô sêkêñ whiñ ma sêlhac sêwhiñ Pol lu Sailas. Ma lau Grik-nga daêsam nanj sêtoc Anötô sa, nanj sêkêñ whiñ, ma lauwhê tiwaê daêsam bocdinañ.

⁵ Magoc lau Israel-nga ñatô sem lêmunñ Pol lu Sailas, dec sêsôc malac lôm si, ma sêkac lau sac ñatô sa sêpitigenñ, ma sêñgilí ñac tu bu sêndic hu kisa. Ñac sêñyalê bu Pol lu Sailas sêyêc Jason ndê andu, dec sênti sêtêñ andu dau si, bu sêhê injlu sêsa sêmeñ.

⁶ Magoc sêtap injlu sa dom, ma bocdinañ sêkôc Jason ti lau sêkêñ whiñ-nga ñatô ma sêkêñ ñac sêlhac lau bata malac-nga anjô-nga. Ma sêsôm ña awha atu, “Lau nanj sêli lau ñalôm sa yêc gameñ honñ, nanj kwahic dec sêmeñ sêkôm yêc yac neñ malac.

⁷ Ma Jason, ñgac dindec, inj kôc ñac sa sêmbo inj ndê andu. Ñac sêsôc †Sisa ndê ñagôliñ ñapu dom, ma ñac honñ sêsôm bu kinñ danñ tiyham mbo, nanj ndê ñaê Yisu.”

⁸ Lau bata ti lau toñ dinañ ma lau malac-nga honñ sêñgô yom dinañ e gêli ñac si ñalôm sa ñandô.

⁹ Goc sêsôm bu Jason ti inj ndê lau sênemlhi dau su yêc gapocwalô. Semlhi su goc sêkêñ ñac sêlhô si.

Pol lu Sailas sêtêñ malac Berea si

¹⁰ Lau sêkêñ whiñ-nga yêc Tesalonika sêhônñ e ñasec sa su, goc sêñkinñ Pol lu Sailas sêlhô sêtêñ

malac Berea si. Sêhôn asê su sêmbo malac dinan, ma sêsôn lau Israel si lôm wê-nga si ma sem mêtê.

¹¹ Lau Berea-nga nac lau si mêtê nayham hôn gêlêc lau Tesalonika-nga si mêtê. Sêkên danğa napep têtj Pol lu Sailas si yom pi Yisu, ma sêkôn sa ti atac whin. Ma tôm bêc hon sem dôhôn yom dau whin Anötö ndê yom nan sêto mun su yêc nan. Nac bu sênjalê inlu si yom bu yom nandô me mba.

¹² Ma lau Israel-nga daêsam sêkên whin Yisu, ma yêc lau Grik-nga, lauwhê tiwaê ma laungac daêsam sêkên whin bocdina.

¹³ Malô goc lau Israel-nga yêc malac Tesalonika sênghô nawaê bu Pol gêm Anötö ndê mêtê têtj lau mbo Berea. Dec nac sêtêtj Berea si, bu sêli lau nalôm sa bu sêkên kisa Pol lu Sailas.

¹⁴ Tu dinan-nga lau sêkên whin-nga sênkinj Pol kôlhô têtj malac dan yêc gamen gwêc-nga gi. Magoc Sailas lu Timoti gacgen sêmbo malac Berea.

¹⁵ Lau nan sêhonj Pol ma sêsa senj sêwhin in, nan sêkôn in sêsip malac Atens si. Goc Pol kêkinj nac sêmbo si, ma sôm bu sêkên yom têtj Sailas lu Timoti bu sêtêtj in sêmenj ngahô.

Pol gêm mêtê yêc Atens

¹⁶ Pol hôn inlu mbo Atens, ma gêlic anötöi gwam daêsam sêlhac malac lôm, dec kôm in nalôm nawapac.

¹⁷ Bocdina inj sôn lôm wê-nga gi ma gêm yomgalôm whin lau Israel ti lau Grik-nga nan sêtoc Anötö sa. Ma tôm bêc hon inj sôn malac lôm gi tap lau natô sa, ma whê Anötö ndê yom sa têtj nac bocdina.

¹⁸ Yêc Atens lau natô sêmbo, nan êlêmê sem yomgalôm pi gêtj hon nahu sêwhin dau. Sêsam nac

bu lau Epikuria ma lau Stoik. Têḅ ndoc ḅac si lau ḅatô sêḅḅô Pol sôm ḅawaê ḅayham asê pi Yisu, ma pi lêḅ datisa akêḅ lau batê-ḅga, naḅ ḅac sic hu sêseḅ iḅ ndê gauc ti yom ḅatô. Lau ḅatô sêsôm, “ḅḅac dindec sôm yom daêsam ḅapaḅ, ḅahu bocke?” Ma ḅatô sêsôm, “Mboe iḅ bu nem yac neḅ gauc kwi tu bu dakêḅ whiḅ anötöi apa-ḅga.”

¹⁹ Bocdinaḅ dec sêwê iḅ sêtêḅ gameḅ naḅ sêsam bu Areopagas, gameḅ naḅ lau naḅ sêkip gêḅ ḅahu sa-ḅga êlê mê sêkac sa sêmbô. ḅac sêkêḅ Pol kalhac lau Areopagas-ḅga aḅḅô-ḅga, ma sêndac iḅ bocdec bu, “Gitôm bu am whê yom wakuc naḅ am kêdôhôn têḅ lau, naḅ sa têḅ yac?”

²⁰ Yac aḅḅô am nem yom tôm yom wakuc andô daḅ, ma yac bu aḅyalê yom dau ḅahu.”

²¹ Lau Atens ti lau apa hoḅ naḅ sêndöc malac dinaḅ, naḅ sêmbô tu sêḅḅô yom ti sênem yomgalôm ḅapaḅ pi gauc wakuc bocke naḅ hóc asê ḅac-ḅga. ḅac si gwelen daḅ mba. Tu dinaḅ-ḅga dec ḅac bu sêḅḅô Pol ndê yom.

²² Ma Pol tisa kalhac lau aḅḅô-ḅga yêc Areopagas, ma sôm, “O mac lau Atens-ḅga. Aö kayalê bu mac akôm gêḅ daêsam tu bu anem akiḅ anötöi nom-ḅga.

²³ Bu aö kasêlêḅ ti gatôc gwaniḅ gêḅ hoḅ naḅ mac amasaḅ tu anem akiḅ mac nem anötöi-ḅga. Ma aö gatap alta daḅ sa, naḅ mac ato yom pi bocdec bu, ‘Anötö naḅ yac tam gauc, naḅ ndê alta.’ Anötö naḅ mac am akiḅ magoc am gauc iḅ, naḅ kwahic dec aö oc wawhê iḅ sa têḅ mac.

²⁴ Iḅ Anötö, naḅ kêḅ nom ti gêḅ hoḅ, ma iḅ undambê ti nom ḅadau. Ma bocdinaḅ iḅ ndöc lôm dabuḅ naḅ ḅamalac amba sêmasaḅ, naḅ dom.

25 Ma gêñ nanñ ñamalac sêmasañ, nanñ oc nem inñ sa ñalêñ bocke? Bu inñ pônnda gêñ danñ dom. Ma inñ dau kênñ wayahô têtñ ñamalac bu sêmbo tali ma kênñ gêñ honñ bocdinañ.

26 Inñ kênñ ñamalac ñamata-ñga mbo nom e kwahic dec lau titoñ-titoñ honñ sêsa akênñ ñgac tigenñ dinañ, ma sem nom ñagameñ sambob ahuc. Lau titoñ-titoñ honñ si gameñ ñabatiñ, nanñ Anötö kêtaliñ sa gwanañ su, ma têtñ bu lau toñ tigenñ-tigenñ si ñaclai tiatu ma tisaunñ, nanñ kêmatiñ tidônñ gwanañ su bocdinañ.

27 Anötö kôm gêñ honñ dinañ tu bu lau sêlic, ma sêñsalê inñ e sêtap inñ sa. Magoc inñ mbo baliñ têtñ yac lau tigenñ-tigenñ dom.

28 Tôm yom ñagauc danñ nanñ mac daôm nem ñgac danñ to muñ su, nanñ sôm, ‘Tu Anötö ndê ñaclai-ñga dec yac dambo tanñli ma tanñsêlêñ, ma yac neñ ñahu yêc sip inñ-ñga.’ Ma mac nem ñgac danñ tiyham to yom ñagauc danñ bocdec bu, ‘Yac dati inñ ndê balêkoc.’

29 Yac dati inñ ndê balêkoc ma bocdinañ yac bu gauc nem bu inñ gitôm gol me silba me hoc me ñagatu danñ, nanñ ñamalac sêmasañ tôm ñac si gauc, nanñ dec yac gauc gêm yom so pi inñ.

30 Muñ-ñga lau daêsam gauc gêm yom bocdinañ, bu sêñyalê Anötö dom. Magoc inñ kênñ ñagêyô têtñ ñac dom. Tigenñ kwahic dec inñ gic atu bu lau honñ sênem dau kwi.

31 Bu inñ kêtaliñ bêc danñ sa bu êmatôc lau nom-ñga honñ, ma inñ oc kôm gêñ dau êñkuc inñ ndê lêtñ gitêñ. Ma inñ k êyaliñ ñgac danñ sa bu kôm gwelenñ dau. Inñ unñ ñgac dau sa akênñ lau batê-ñga, dec tôc gêñ dau tiawê têtñ lau honñ sêlic.”

³² Têñ ndoc sêñgô Pol ndê yom pi lau sêtisa akêñ lau batê-nga, nañ lau ñatô sêpu inñ. Magoc lau ñatô sêsôm, “Yac bu añgô am nem yom pi gêñ dinañ tiyham.”

³³ Ma têñ dinañ Pol tisa ma hu lau nañ sêndöc Areopagas, nañ siñ.

³⁴ Lau ñatô sêñkuc Pol ma sêkêñ whiñ Yisu. Nac si dañ inñ Dionisias, nañ muñ-nga ndöc whiñ lau nañ sêkac sa yêc Areopagas. Ma awhê dañ ñaê Damaris ma lau ñatô sêkêñ whiñ bocdinañ.

18

Pol mbo malac Korin

¹ Tiñambu Pol hu Atens siñ ma têñ malac Korin gi.

² Yêc dinañ inñ tap ñgac Israel-nga dañ sa, nañ ndê ñaê Akwila. Inñ dinda kôc inñ yêc gameñ Pontus-nga, ma muñ-nga inñlu ndê awhê Prisila sêndöc malac Rom yêc gameñ Itali-nga. Magoc tiñambu Kiñ Klaudias kênñ yatu bu lau Israel-nga hoñ sêhu malac Rom siñ, dec inñlu Prisila sêlhö si sêmbö malac Korin. Têñ ndoc Pol hóc asê, nañ gi gêlic inñlu.

³ Akwila lu Prisila i ñlu awhê lu ñgac sêkôc bôc ñamlic ma po ma sêsi pitigenñ tu sêmasañ bac-nga. Pol kêyalê gwelenñ dau tidôñ whiñ, bocdinañ dec mbo whiñ inñlu, ma sêkôm gwelenñ sêwhiñ dau.

⁴ Pol tac whiñ bu lau I srael ma lau Grik nañ sêmbö Korin sêkêñ whiñ Pômdau, dec tòm bêc Sabat-nga hoñ sôc lôm wê-nga gi, ma gêm yomgalôm whiñ ñac.

⁵ Têñ ndoc Sailas lu Timoti sêmenñ akêñ gameñ Masedonia-nga, nañ Pol kênñ dau sambuc tu

gwelen nem mêtê lau-nga. In hoc yom asê têt lau Israel-nga ma sôm têt nac bu Yisu in Mesaya dau.

⁶ Magoc lau Israel-nga sêkêñ whin Pol ndê yom dom, ma sêli awha sa têt in. Bocdinañ in kêgolon kop su yêc ndê ñakwê bu tôc nac si giso asê, ma sôm, “Mac atec Anötö ndê yom, dec awêkain daôm nem ñagêyô. Aô dom. Kwahic dec wahu mac lau Israel-nga sin, ma wakôm gwelen têt lau nañ lau Israel dom.”

⁷ Goc Pol hu lôm wê-nga sin, ma sa gi mbo Titius Justus ndê andu. In ñgac gameñ apa-nga nañ gêm akin Anötö, ma in ndê andu kalhac kêpin lôm wê-nga.

⁸ Ma ñgac bata lôm wê-nga dan ñaê Krispas, ti lau hon nañ sêmbo in ndê andu, nañ sêkêñ whin Pômdau. Ma lau Korin-nga daêsam nañ sêngô Pol ndê yom, nañ sêkêñ whin Yisu ma sêlin sanju.

⁹ Têt ôbwêc dan Pol yêc mbê, ma gêlic Pômdau sôm yom têt in bocdec bu, “Tôc daôm dom. Sôm aneñ yom asê ñapañ, ma nem daôm dôñ dom.

¹⁰ Bu aô gambo gawhin am, ma oc tôm dom bu lau dan sêkêñ sac am. Bu yêc malac dindéc, aneñ lau daêsam sêmbo.”

¹¹ Bocdinañ Pol mbo Korin tôm yala tigeñ ma ayô 6, ma kêdôhôn Anötö ndê yom têt lau.

¹² Têt ndoc nañ Galio gêm gôlin gameñ Akaya-nga, nañ lau Israel-nga nañ sêndôc malac Korin, nañ sêkêñ si ñalôm pitigeñ bu sêkêñ kisa Pol. Ma sêkêñ in kalhac Galio anğô-nga bu êmatôc in ndê yom.

¹³ Ma ñac sêsôm, “Ñgac dindéc kêdôhôn lau bu sênem akin Anötö ña lêt nañ so yac mba yomsu.”

14 Pol kac awha sa bu sôm yom, m agoc Galio dau ô lau Israel si yom ma sôm, “O mac lau Israel-nga! Mac nem yom dec bu hêganôn sac atu dan, me gên nan so ñagôlin Rom-nga, dec wanğô.

15 Magoc yom nan mac asôm pi ñgac dindéc, nan hêganôn mac daôm nem yom ti ñaê ñatô ma yomsu Israel-nga. Bocdinañ mac daôm amasañ. Aö oc wamatôc yom kain dinañ dom.”

16 Dec in soc ñac su yêc andu matôc-nga.

17 Ma lau hoñ sêkôc Sostene, ñgac bata nan yob lau Israel-nga si lôm wê-nga yêc malac Korin, nan dôñ, ma sic in yêc lau matôc-nga anğô-nga. Ma Galio gêlic, magoc kôm tôm gêm gauc.

Pol mbu têt Antiok gi

18 Pol mbo malac Korin têt baliñ ñagéc, goc hu lau sêkêt whiñ-nga siñ ma têt malac Kenkria gi, bu kôc wañ ma mbu têt gameñ Siria-nga ndi. Ma Prisila lu Akwila sêwhiñ in si. Muñ-nga Pol gic bata yom dan têt Anötö, ma tu dinañ-ñ ga têt ndoc sêmbo malac Kenkria, nan kêt kêclaun sêngapiñ tiapê. Pacndê su, goc ñac sêpi wañ ma sêlhö si.

19-20 Sêtêt malac Epesas si, ma Pol sôc lôm wê-nga gi, ma gêm yomgalôm whiñ lau Israel-nga. Ma ñac sêndac in bu mbo whiñ ñac têt ñatô tiyham, magoc in gôlôc têt ñac dom. In hu Prisila lu Akwila siñ sêmbo sêwhiñ ñac.

21 Ma têt ndoc in pi wañ gi, nan kêmatiñ yom têt lau Epesas-nga bocdec bu, “Anötö bu lic ñayham, dec aö wambu watêt mac wameñ tiyham.” Goc wañ dau hu Epesas siñ ma sa gi.

22 Wañ dau kêsêlêt e hóc asê malac Sisaria, goc Pol sip baö gi. Ma in pi Jerusalem gi ma gic lau

sêkêñ whiñ-nga kêsi yêc dinañ. Ma tiñambu inñ têtñ malac Antiok gi.

²³ Inñ mbo Antiok ñasawa saunñ, goc kêsêlêñ têtñ gameñ Prigia ma Galesia-nga gi. Yêc dindê inñ golom-golom malac ma puc lau sêkêñ whiñ-nga dôñ bu sêlhac ñañga.

Apolos ndê minñ

²⁴ Têtñ ñasawa dinañ ñgac danñ ñaê Apolos hôc asê malac Epesas. I ñ ñgac Israel-nga nanñ ndê malachu Aleksandria, ma inñ ñgac tigauc ma kêyalê Anötö ndê yom nanñ sêto munñ su yêc, nanñ tidônñ.

²⁵ Lau ñatô sêndôhônñ inñ pi Pômdau Yisu su, ma bocdinañ inñ kêñ ndê ñalôm ti gauc sambuc bu êndôhônñ lau pi Yisu ma whê inñ ndê yom sa ñapep. Magoc inñ kêyalê busañgu ñalêñ tigenñ, nanñ Jon ndê lêtñ êñku lau tu sênem dau kwi-nga.

²⁶ Yêc Epesas Apolos sôc lôm wê-nga gi, ma gêm mêtê ti ñañga. Prisila lu Akwila sêngô inñ ndê yom, dec sêngalêm inñ têtñ inñlu si andu gi, ma sêwhê yom ñatô sa têtñ inñ e inñ kêyalê Anötö ndê lêtñ nem lau si-nga ñapep eñ.

²⁷ Tiñambu Apolos bu têtñ gameñ Akaya-nga ndi, dec lau sêkêñ whiñ-nga yêc malac Epesas sêpuc inñ ndê ñalôm dôñ. Ma sêto bapia têtñ lau Akaya-nga nanñ sêtap Anötö ndê mwasiñ sa ma sêkêñ whiñ Yisu, ma sêteñ ñac bu sêkôc Apolos sa. Ma têtñ ndoc inñ hôc asê, nanñ inñ mbo whiñ lau sêkêñ whiñ-nga dinañ, ma gêm ñac sa ñandô.

²⁸ Bu inñ kalhac ñañga ma ô lau Israel-nga si yom yêc lau honñ anğô-nga, ma whê Anötö ndê yom nanñ sêto yêc, nanñ sa, bu tôc asê bu Yisu inñ Mesaya dau.

19

Pol mbu têt malac Epesas gi

¹ Têt ndoc Apolos mbo Korin, nan Pol hu gamen Prigia ti Galesia-nga sin, ma kêsêlêh ho sen lôc-nga nan sa têt malac Epesas gi. In hôc asê Epesas, ma tap lau sêkêh whin-nga natô sa.

² Ma in ndac nac bocdec bu, “Têt ndoc mac akêh whin tiwakuc, nan mac akôc Nalau Dabun su, me mba?” Ma sêo yom ma sêsôm, “Mba. Yac akôc Nalau Dabun su dom, ma angô yom dan pi in dom.”

³ Dec Pol ndac, “Mac alin busangu kain bocke?” Ma sêsôm bu, “Yac alin busangu nalêh gitôm Jon, Ngac Kêku Lau-nga ndê.”

⁴ Goc Pol sôm, “Jon kêku lau nan sem dau kwi, ma sôm têt nac bu sêkêh whin ngac nan oc men ênkuc in, nan Yisu.”

⁵ Nac sêngô Pol ndê yom dinan goc sêlin busangu tu Pômdau Yisu ndê naê-nga.

⁶ Ma têt ndoc Pol hu amba sac nac, nan Nalau Dabun gêm nac ahuc, dec sêsôm yom sem lau apa awha, ma sêhoc yom asê gitôm lau propet.

⁷ Lau nan gêh dau hôc asê têt nac, nan laungac 12.

⁸ Pol mbo malac Epesas nasawa gitôm ayô tö, ma sôc lôm wê-nga napan. Ma yêc dindê in gêlêh yom dôn bu whê Anötö ndê gôlin nahu sa têt lau.

⁹ Magoc lau natô si nalôm nadandi ma sêkôc Pol ndê yom sa dom. Ma yêc lau hon angô-nga sêpu sen nan Pol whê sa têt nac. Goc Pol hu nac sin ma kôc lau sêkêh whin-nga su yêc lôm wê-nga. Ma tôm bêc hon in gêm mêtê nac mbo Tiranus ndê andu lau sêkac sa-nga.

¹⁰ Inj kôm bocdinaŋ tôm yala lu e lau Israel ti Grik-ŋga hoŋ naŋ sêmbô gameŋ Esia-ŋga, naŋ sêŋgô Pômdau ndê ŋawaê.

¹¹ Anötö kêŋ ŋaclai têŋ Pol ma kôm gêŋ dalô atu-tu daêsam.

¹² Inj kôc ŋaclai atu, gitôm inj bu êmasec po wahen-ŋga ti ŋakwê awê-ŋga ma ŋaclai dau oc lom ndi. Ma lau bu sêkôc po dau, ma sêkêŋ sac lau gêmbac ti lau naŋ ŋalau sac sêmbô ŋac si ŋalôm, dec oc kôm ŋac ŋayham sa.

Skiwa atui

¹³ Lau Israel-ŋga ŋatô sêkôm gwelenj sêsoc ŋalau sac yêc lau. Ma ŋac sic hu sêsôm Pômdau Yisu ndê ŋaê asê têŋ ndoc sêkôm gwelenj dau. Ŋac sêkêŋ yatu ŋalau sac bocdec bu, “Am sa mwenj, tu Yisu, naŋ Pol gêm mêtê pi inj, naŋ ndê ŋaê-ŋga.”

¹⁴ Ma Israel si dabunŋsiga a tu daŋ ŋaê Skiwa ndê atui 7 sêkôm gwelenj dau sêwhiŋ.

¹⁵ Magoc têŋ bêc daŋ ŋalau sac daŋ ô ŋac si yom ma sôm, “Yisu lu Pol aô kayalê inj lu su, magoc mac lau dinaŋ aô kayalê mac dom!”

¹⁶ Goc ŋac ti ŋalau sac dinaŋ gic ŋac e ku ŋac dulu, ma gic ŋac basô-basô e sêliŋ dac sac andô ma sênti sêsa akêŋ andu dau ŋamlic ŋambwa-ŋambwa si.

Mêtê kêsôwec yêc Esia

¹⁷ T êŋ ndoc lau Israel ti lau Grik-ŋga naŋ sêndöc Epesas naŋ sêŋgô gêŋ dau ŋawaê, naŋ sêtöc dau atu, ma lau hoŋ sêtoc Pômdau Yisu ndê ŋaê sa.

¹⁸ Ma lau daêsam naŋ sic hu sêkêŋ whiŋ Yisu su, magoc sêsap si mêtê akwa dôŋ, naŋ sêtisa sêlhac lau hoŋ aŋgô-ŋga ma sêhoc si sac asê.

19 Lau mbectoma-nga ñatô sêkôc si bapia mbec-nga ma sêkêñ pitigen yêc lau añgô-nga, goc sêpec ya gêñ. Bapia mbec-nga dinan ñaôli atu-tu. Ñac bu sêkêñ hon têtñ lau sênemlhi, dec oc sêtap awa sa gitôm mone silba 50,000.*

20 Ñalêñ dinan dec Pômdau ndê yom tiapa, ma kôm gwelen ti ñaclai yêc lau sêkêñ whiñ-nga si ñalôm.

21 Gêñ hon dinan hóc asê su, goc Pol gauc gêm bu têtñ gameñ Masedonia ti Akaya-nga ndi, ma tiñambu mbu têtñ malac Jerusalem ndi. In sôm, “Aô watêñ Jerusalem wandi, ma tiñambu wandic malac Rom kêsi whiñ.”

22 Ma in kêkiñ Timoti lu Erastas, ñgac lu nan sêkôm gwelen sêwhiñ in, nan sêmun in sêtêñ Masedonia si. Ma in dau gacgen mbo ñasawa saun mbo gameñ Esia-nga.

Lau sêli dau sa yêc Epesas

23 Têtñ ñasawa dinan lau sêli dau sa ñandô pi sen nan lau sêkêñ whiñ-nga sêñkuc.

24 Ñgac nan gic hu gêñ dau nan ndê ñaê Dimi-trias. In ñgac nan pec silba ma kêmasañ ti alta me gêñ ñatô bu lau sêkêñ lhac si andu bu sênem akiñ anötö gwam awhê nan sêsam bu Atemis. Ma in ti lau ñatô sêtap awa daêsam sa yêc gwelen dinan.

25 In kêgalêm lau dau sa, sêwhiñ lau ñatô nan sêkôm gwelen kaiñ tigen, ma sôm têtñ ñac, “Mac lau!

* **19:19:** Mone silba dinan sêsam bu drakma, ma drakma tigen gitôm ñaôli gwelen bêc tigen-nga. 50,000 drakma dinan ñaôli atu andô, oc hóc gêlêc PNG si mone K500,000. Lau ñatô sêkêñ whiñ bu yom nan lau mbectoma sêto pi bapia dau, nan kêñ ñaclai atu têtñ ñac, dec semlhi bapia dau ña ñaôli atu.

Angô su nanj. Mac anyalê bu yac datap awa atu sa tu gwelenj dindec-nga.

²⁶ Magoc mac alic ti angô njawaê pi gên nanj Pol kôm. Inj ngac nanj sôm têtj lau bu gwam nanj njamalac amba sêmasanj, nanj anötö njandô dom. Ma inj gêmlau daêsam si njalôm kwi bu sêhu sakinj anötö gwam-nga sinj. Inj kôm yêc malac Epesas ma saunj inj ndê yom oc nem gamenj Esia-nga sambuc ahuc.

²⁷ Gênj dau oc kôm lau sêlic yac nejn gwelenj sac, ma lôm nanj lau sem akinj Atemis sêmbo, nanj oc sêlic tôm gên njambwa. Ma anötö awê dau, nanj lau sem akinj yêc gamenj Esia-nga ma tôm nom njagamenj honj, nanj ndê waê oc ninja.”

²⁸ Lau sêngô Dimitrias ndê yom ma gêli njac si njalôm sa e sic hu sêmbwêc, “Lau Epesas-nga si anötö Atemis, inj anötö tiwaê!”

²⁹ Malô goc lau malac-nga honj nanj sêkac sa, nanj sêli dau sa. Njac sêkôc Gaius lu Aristakus, njac lu akêtj Masedonia nanj êlêmê sênsêlênj sêwhinj Pol, nanj dônj, ma njac honj sênti sêtênj gamenj lau sêkac dau sa-nga, nanj si.

³⁰ Pol tac whinj bu sôm yom têtj lau dau, magoc lau sêkênj whinj-nga sêlhac inj ahuc.

³¹ Ma lau bata Rom-nga njatô nanj sêmbo gamenj dinanj, nanj Pol ndê silip, nanj sêkênj yom têtj inj, ma sêtenj inj bu têtj gamenj dinanj ndi dom.

³² Lau honj nanj sêkac dau sa sêmbo, nanj si gauc kênsônj. Njac honj sêmbwêc yom tidau-tidau. Ma njac si daêsam sem gauc njahu bocke dec sêkac sa sêmbo dinanj.

³³ Lau Israel-nga sêtinj njac si njac bata danj njê Aleksanda sa njalhu gi, bu sôm yom ma nem malô

lau Epesas-nga ñalôm tu ñac lau Israel-nga. Lau daêsam sêmbwêc yom ñagauc têtj inj, dec inj gic amba bu sênem dau dôn ma sêngô inj ndê yom.

³⁴ Magoc lau sêlic bu inj ñgac Israel-nga dan, dec hon sêmbwêc ña awha atu tôm acgatu ñasawa lu bu, “Lau Epesas-nga si anötö Atemis, inj anötö tiwaê! Inj anötö tiwaê!”

³⁵ Têtj dinan ñgac bata Epesas-nga dan tisa ma sôm lau hon maman. Inj ñgac nan to yom nan lau bata malac dinan-nga sêmatinj tidôn, ma yob ñac si bapia. Ma inj sôm, “Mac lau Epesas-nga, bocke? Lau nom-nga hon sênyalê bu mac ayob anötö awhê atu Atemis ndê lôm, ti hoc nan penj sip akêj umbon, nan lau sêtoc sa tôm Atemis ndê ñagatu.

³⁶ Gêj hon dinan têtj dau yêc awê su, bocdinan anem daôm dôn ma ayob daôm bu akôm gêj hon ti gauc enj.

³⁷ Mac akôc ñgac lu dinan dôn, ma awê injlu sêsôc sêmenj, magoc sêsu yac nenj anötö awhê susu dom, ma sem kanj gêj dan yêc inj ndê lôm dom.

³⁸ Yac nenj andu sêmatôt yom-nga dê sêlhac, ma lau sêmatôt yom-nga sêmbo. Dimitrias ti lau sêpec silba-nga nan si yom bu yêc asa, nan dec sêkôc inj solop sêtênj lau dau sêndi.

³⁹ Kwahic dec mac nem yom ñatô bu yêc, nan akêj têtj lau sêmatôt yom-nga bu sêmatôt.

⁴⁰ Ayob daôm ñapep! Tu gêj nan mac akôm têtj acsalô lec-nga, dec gitôm bu mac daôm alhac lau dau anğô-nga, ma oc atap matôt sa pi mêtê ali lau sa-nga. Gêj dau bu hôt asê, dec oc tôm dom bu mac amasanj yom têtj ñgac êmatôt yom-nga. Bu gêj nan mac akôm, nan ñahu ñayham mbasi.”

41 Inj sôm yom dinaņ su, goc kêkinj lau sêlhö têtêtêj.

20

*Pol kôm gwelenj mbo Masedonia ma gameņ Grik-
ņga*

¹ Nantiņ atu dau pacndê, goc Pol kêgalêm lau Epesas-ņga naņ sêkêj whiņ Yisu, naņ sa sêpitigenj. Inj sôm yom bu puc ņac dôņ ma êņgilí ņac bu sêlhac ņaņga, goc poņ ņac ma ti bu têtj Masedonia ndi.

² Inj gi hóc asê su, ma kôm gwelenj golom-golom malac. Inj gêm mêtê ti sôm yom daêsam tu bu puc lau si sêkêj whiņ dôņ-ņga, ma inj kôm ņapaņ e hóc asê gameņ Grik-ņga.

³ Inj mbo dindê gitôm ayô tö ma bu pi waņ daņ bu mbu têtj gameņ Siria-ņga ndi. Magoc têtj ndoc dinaņ lau Israel-ņga ņatô sêkic yom bu sêpi waņ sêwhiņ sêndi, ma sêkôm inj ņayom. Pol ņgô ņapuc, dec inj pi waņ gi dom, magoc mbu sôc gameņ Masedonia-ņga gi tiyham.

⁴ Lauņgac naņ sêkôm gwelenj sêwhiņ inj, naņ si ņaê bocdec. Sopate, inj Pirius atuņgac akêj malac Berea, Aristakus lu Sekundus akêj malac Tesalonika, Gaius akêj Derbi, ma Tikikus lu Tropimus akêj gameņ Esia-ņga, ma Timoti.

⁵ Lau hoņ dinaņ sêmuņ si sêhônj yac sêmbo malac Troas.

⁶ Ma yac ambo malac Pilipai e lau Israel si Mwasinj Bolom Yist Mba-ņga pacndê, goc akôc waņ daņ bu atêj Troas andi. Waņ dau kêsêlêj mbo gwêc ņasawa gitôm bêc amanđañ su, goc yac ahóc asê Troas ma atap lau dinaņ sa. Ma yac ambo malac dinaņ tôm wake sambuc daņ.

Pol uŋ Yutikas sa

7-9 Têŋ Sonda ôbwêc lau sêkêŋ whiŋ-ŋga sêpitigeŋ bu sêneŋ mwasinŋ dabuŋ. Yac akac sa ambo andu baliŋ dan, andöc ŋalôm ŋahô titö-ŋga ma lau sêkêŋ lam daêsam sêŋgalêŋ. Pol gauc gêm bu hu Troas siŋ têtŋ laŋsê, ma bocdinaŋ gêm mêtê baliŋ e timaniŋhu. Balê wakuc dan ŋaê Yutikas ndöc gatam atú ma kêŋ danŋa Pol ndê yom e bêc ku inŋ dulu. Inŋ yêc bêc kêlhiŋ dau siŋ, ma gacgeŋ peŋ sip nom gi akêŋ ŋalôm ŋahô-ŋga dinaŋ. Lau sêsip si bu sêkôc inŋ sa, magoc sêlic bu inŋ mbac ndu su.

10 Magoc Pol sip gi, hu dau sac balê dau ŋahô ma kêgape inŋ dôŋ. Ma inŋ sôm têtŋ lau, “Mac ahêgo daôm dom. Inŋ tali.”

11 Goc inŋ mbu pi andu ŋalôm ŋahô-ŋga tiyham gi. Ma inŋ pô bolom kôc ma ŋac seŋ mwasinŋ dabuŋ. Ma inŋ gic têku inŋ ndê yom tiyham e bêbêc, goc hu ŋac siŋ ma kôlhö gi.

12 Ma balê naŋ Pol uŋ inŋ sa mbo tali tiyham, naŋ lau sêkôc inŋ mbu têtŋ inŋ ndê andu gi ti atac ŋayham atu.

Pol têtŋ malac Miletus gi

13 Pol gauc gêm bu êŋsêlêŋ ho seŋ têtŋ malac Asos ndi, ma sôm têtŋ yac bu api waŋ danŋ andi atap inŋ sa yêc dindê.

14 Yac a ahôc asê ma inŋ tap yac sa yêc Asos. Ma yac akôc inŋ pi waŋ whiŋ yac, goc atêŋ malac Mitilene a.

15 Ŋagalaŋsê yac ahu malac dau siŋ ma alac e a gi apoc ampiŋ nduc Kios. Têtŋ bêbêc yac alac atêŋ nduc Samos a, ma ŋagalaŋsê ahôc asê malac Miletus.

16 P ol tac whiņ bu lic Om †Pentikos-ņga yêc Jerusalem. Tu dinan-ņga iņ gauc gêm bu yac andi ñagahô, ahôc gêlêc malac Epesas, ma ambo gameņ Esia-ņga ñasawa baliņ dom.

Pol gic yomsu lau bata Epesas-ņga

17 Têņ ndoc yac ambo Miletus, naņ Pol kêņ yom têņ lau sêkêņ whiņ-ņga yêc malac Epesas, ma kêgalêm ñac si lau bata sa sêtêņ iņ sêmeņ.

18 Ñac sêhôc asê ma iņ sôm yom têņ ñac bocdec bu, “Mac aņyalê aneņ lêņ hoņ naņ gakôm tôm bêc hoņ naņ gambo gawhiņ mac, têņ bêc ñamata-ņga naņ gahôc asê gameņ Esia-ņga ñapaņ e meņ têņ kwahic dec.

19 Lau Israel-ņga sêkêņ kisa aô ñapaņ dec sêkêņ ñawapac atu têņ aô. Tigeņ aô kagwiniņ daņ ma gam akiņ Pômdau ti taņsulu tu mac-ņga.

20 Mac aņyalê bu yom bocke naņ gitôm bu nem mac sa, naņ aô gasêc ahuc têņ mac dom. Aô gasôm yom hoņ asê timala eņ. Aô kadôhôn mac yêc lhu, ma kadôhôn mac yêc mac nem andu tôm gi.

21 Aô gahoc yom asê têņ lau Israel ti lau Grik su, bu sênem dau kwi ma sêsôc Anötö ñapu, ma sêkêņ whiņ yac neņ Pômdau Yisu.

22 Kwahic dec Ñalau Dabuņ kac aô bu watêņ Jerusalem wandi. Magoc aô kayalê gêņ bocke naņ oc hôc asê aô yêc dindê, naņ dom.

23 Gêņ tigeņ dec kayalê su, bu yêc malac hoņ Ñalau Dabuņ kêņ puc aô bu ñawapac oc sêtap aô sa, ma aô oc wandôc gapocwalô.

24 Tigeņ aô gatôc ti gahêgo daņ pi gêņ dau dom. Aô galic daņ ñamlic gitôm gêņ ñambwa-ņga. Aneņ gauc atu bu walhac ñaņga e wandic dabiņ

gwelen nan Pômdau Yisu kêñ têt aö. Ma gwelen dau bocdec bu, aö oc wahoc ñawaê ñayham asê pi Anötö ndê mwasin.

²⁵ Mac lau hon nan gahoc yom pi Anötö n dê gôlin asê têt mac su, nan ango. Kwahic dec aö kayalê bu mac nem dan oc lic aö anôn tiyham dom.

²⁶ Boc-dinan dec wasôm asê têt mac, bu ñamalac asa nan tec Anötö ndê yom, nan aö oc wawêkain in ndê ñagêyô dom.

²⁷ Bu aö gawhê Anötö ndê lêt hon sa têt mac su, yom dan sin dau yêc-nga dom.

²⁸ “Mac lau dindec, ayob daôm ti lau sêkêt whin-nga hon ñapep. Bu Anötö gêmli in ndê lau hon su ña in dau ndê dac, ma Ñalau Dabun dau kêyalin mac sa bu ayob ñac. Bocdinan ayob Anötö ndê domba ñapep.

²⁹ Aö kayalê bu têt ndoc aö wahu mac sin, nan kêdôhônwaga tasan oc sêmen gitôm giam pôm nan sêsôc sêmen bu sêsen domba.

³⁰ Ma mac daôm nem lau ñatô oc sêtisa, ma sênem yom ñandô kwi ti yom tasan, bu sênsôn lau ñatô si gauc e sêhu mac ti yom ñandô sin ma sênkuc ñac.

³¹ Bocdinan anem ali ñapan. Gauc nem bu tôm yala sambuc tö aö gakêt puc mac tôm ac ma ôbwêc hon ti tanjulu en.

³² “Kwahic dec aö wakêt mac asip Anötö amba. Asap yom pi in ndê mwasin atu dôñ ñapan. Bu yom dau gitôm bu oc puc mac dôñ alhac ñanga e awêkain malam yêc undambê awhin lau dabun hon.

³³ Aö tankwê lau dan bu sênem aö sa ña gol me silba me ñakwê dom.

³⁴ Mac anyalê bu aö dauḡ amanḡ gakôm gwelenḡ tu watap gêḡ sa bu nem aö ti lau nanḡ sêkôm gwelenḡ sêwhinḡ aö, nanḡ sa.

³⁵ Gwelenḡ honḡ nanḡ aö gakôm nanḡ tôc asê têḡ mac bu dakôm gwelenḡ atu kainḡ dinanḡ ḡapanḡ bu danem lau ḡasac sa dandic ḡawaê. Gauc nem yom nanḡ Pômdau Yisu dau sôm bocdec bu, ‘Dakêḡ gêḡ têḡ lau oc êmwasiḡ yac hôc gêlêc lau sêkêḡ gêḡ têḡ yac, nanḡ su.’ ”

³⁶ Pol gic bata ndê yom goc pônḡ haduc whinḡ ḡac honḡ, ma tenḡ mbec.

³⁷ Goc ḡac honḡ sêḡgape inḡ dôḡ ti sêḡgutô inḡ, ma sêtaḡ inḡ.

³⁸ Pacndê, goc sêhonḡ inḡ sêsa wanḡ si. ḡac si ḡalôm ḡawapac atu pi inḡ ndê yom nanḡ sôm bu ḡac oc sêlic inḡ anḡô tiyham dom.

21

Pol hôc asê gameḡ Siria-ḡga

¹ Yac ahu ḡac sinḡ ma api wanḡ a tiyham, ma wanḡ dau sa hêganônḡ nduc danḡ ḡaê Kos, nanḡ solop gi. ḡagalanḡsê wanḡ dau kôc yac atêḡ malac Rodes, ma a e wanḡ sôc malac Patara.

² Yêc dindê yac atap wanḡ danḡ sa, nanḡ bu têḡ gameḡ Pionisia-ḡga ndi, dec apwê gi alom ma wanḡ dau hu Patara sinḡ.

³ Yac alac e alic nduc Saipras poc ḡalôm-ḡga, ma anḡlêc ambo awê-ḡga ma anti e asôc malac Taya yêc gameḡ Siria-ḡga, ma asip baö a. Wanḡ dau kôc wapa malac dinanḡ-ḡga ḡatô.

⁴ Yêc malac Taya yac atap lau sêkêḡ whinḡ-ḡga sa, ma ambo awhinḡ ḡac tôm bêc 7. ḡalau Dabuḡ kêḡ

puc ñac dec ñac bu sêlhac Pol ahuc bu têt Jerusalem ndi dom.

⁵ Magoc bêc 7 dinañ su, goc yac ahu ñac siñ bu api wañ tiyham. Lau sêkêñ whiñ-nga ti ñac si lauwêi ma balêkoc hoñ sêhoñ yac asa gwêc a, ma yêc dindê yac apôñ hanđuc ma aten mbec awhiñ dauñ.

⁶ Goc yac akam dauñ ma ahu dauñ siñ. Yac api wañ ma ñac sêlhô sêmbu si.

⁷ Wañ dau sa akêñ Taya ma kêtî e hôc asê malac Tolemâi. Yêc dindê yac atap lau sêkêñ whiñ-nga sa ma ambo awhiñ ñac tòm bêc tigen.

⁸ Ñagalañsê yac api wañ tiyham ma alac e asôc malac Sisaria. Ma yac asip baö a ma ayêc awhiñ ñgac ahen-nga dan ñaê Pilip. Muñ-nga sênyalin lau 7 sa bu sêndic sam gêñ danen-nga, ma Pilip in ñac si dan.

⁹ In ndê atuwêi hale sêmbu, nañ sem ñgac sa su dom, ma Anötö kêmwasin ñac hoñ bu sêhoc yom asê sêtôm propet.

¹⁰ Yac ambo awhiñ ñac bêc ñatô su, goc propet dan ñaê Agabus sip akêñ gameñ Judia-nga meñ.

¹¹ In têt yac meñ, goc kôc Pol ndê piñkap su, ma sô in dau amba ti ga hi dôñ. Ma in sôm, “Ñalau Dabuñ sôm bu ñalêñ tigen lau Israel-nga nañ sêmbu malac Jerusalem, nañ oc sêsô piñkap dindêc ñadau dôñ, ma sêkêñ in sip lau Rom-nga amba.”

¹² Têt ndoc yac aṅgô yom dau, nañ yac ac yao Pol bu pi Jerusalem ndi dom.

¹³ Magoc in ô yom ma sôm, “Tu sake-nga dec mac atan tu aö-nga, ma bu akôm aö ñalôm ndi lu? Ñac bu sêsô aö dôñ me sêndic aö ndu yêc Jerusalem tu Pômdau Yisu ndê ñaê-nga, nañ gitôm.”

14 Yac alic bu in oc sôc yac mba yom n̄apu dom, dec ahu sin̄ ma asôm, “Gên̄ nan̄ Pômdau tac whin̄ bu hôc asê, nan̄ n̄andô sa.”

Pol mbo Jerusalem

15 Dinan̄ su, goc yac amasan̄ daūn ma api Jerusalem a.

16 Lau sêkên̄ whin̄-nga n̄atô akên̄ Sisaria sêwhin̄ yac, ma sêwê yac atên̄ Nason ndê andu a, bu ambo dindê. Nason in̄ ngac akên̄ nduc Saipras, ma in̄ lau n̄amata-nga nan̄ sêkên̄ whin̄ Yisu, nan̄ si dan̄.

17 Tê̄n̄ ndoc yac ahôc asê Jerusalem, nan̄ asidôwai sêkôc yac sa ti atac n̄ayham.

18 N̄agalan̄sê dec Pol ti yac hon̄ a alic Jems, ma lau bata hon̄ sêkac dau sa sêmbo Jems ndê andu.

19 Pol kam n̄ac, goc gic min̄ yom pi in̄ ndê gwelen̄ yêc lau apa si gamen̄, ma pi gên̄ hon̄ nan̄ Anötö kôm bu puc gwelen̄ dau dôn̄.

20 N̄ac sêngô yom dau su ma sêm̄pin̄ Anötö. Magoc sêsôm tên̄ Pol, “O asidôwa. Lic su nan̄. Yêc dec, lau Israel-nga daêsam andô sêkên̄ whin̄ Yisu, magoc sêsap Moses ndê yomsu hon̄ dôn̄ n̄apan̄.

21 Ma n̄ac sêngô n̄awaê bu am kêdôhôn̄ lau Israel-nga nan̄ sêndôc lau apa si gamen̄, bu sêhu Moses ndê yomsu sin̄. Sêngô bu am sôm tên̄ n̄ac bu sêhu yac nen̄ mêtê dasê balêi si n̄amlic n̄atô su-nga, ti yac nen̄ gêbôm n̄atô sin̄.

22 Bocdinan̄ kwahic dec yac oc dakôm bocke? N̄ac oc sêngô n̄awaê bu am mwen̄ su.

23 Dec yac gauc gêm̄ bu am kôm b ocdec. Yac mba lau hale dec sêmbo, nan̄ sêm̄atin̄ yom tu bu sênem

dabuŋ dau-ŋga.*

24 Bocdinaŋ am kôc lau dau sa ma êmkuc yac lau Israel-ŋga neŋ lêŋ tamasaŋ dauŋ ŋawasi sa yêc Anötö aŋgô-ŋga, ma nem dabuŋ daôm whiŋ ŋac. Nem ŋac sa ma nemlhi gêŋ bocke naŋ sêpônda bu sêndic dabiŋ yom naŋ sêmatiŋ têŋ Anötö, ma sêŋgaliŋ ŋac kêclaŋ su. Kôm bocdinaŋ dec lau Jerusalem-ŋga oc sêŋyalê bu yom naŋ sêŋgô pi am, naŋ ŋahu mbasi. Ŋac oc sêlic bu am daôm sap yac neŋ yomsu dôŋ ma sa lêŋ hoŋ ŋapep.

25 Ma yom naŋ yac tamatiŋ pi lau gameŋ apa-ŋga naŋ sêkêŋ whiŋ Yisu, ma dato sip bapia ma dakêŋ têŋ ŋac su, naŋ dec yac oc dasenŋ su dom. Yac dato têŋ ŋac bu sêneŋ gêŋ daneŋ-ŋga naŋ lau sêkêŋ ti da têŋ anötöi gwam naŋ dom, ma dac ma wata ti dac, naŋ sêneŋ daŋ dom bocdinaŋ. Ma dato bu sêkôm mêtê mockaiŋ-ŋga dom.”

26 Têŋ galaŋsê Pol kôc lau hale dinaŋ sa, goc gic hu têm tu bu êmasaŋ dau ŋawasi sa yêc Anötö aŋgô-ŋga, ma kêkuc lêŋ sênem dabuŋ dau-ŋga whiŋ ŋac. Goc iŋ sôc lôm dabuŋ gi bu kêŋ ŋawaê têŋ dabuŋsiga pi bêc bocke ŋac si ndoc sênem dabuŋ dau-ŋga oc pacndê, ma ŋac tigenŋ-tigenŋ oc sêkêŋ si da.

Sêkôc Pol dôŋ

27 Pol ndê bêc 7 bu êmasaŋ dau ŋawasi sa-ŋga kêpiŋ bu pacndê, ma lau Israel-ŋga ŋatô akêŋ

* **21:23:** Yom naŋ lau dinaŋ sêmatiŋ tidôŋ, naŋ sêsam yêc Yom Inglis bu ‘Nazirite Vow.’ Lau naŋ sêmatiŋ yom dau, naŋ sêtimêtê dau ŋapep ti sem dabuŋ dau tu bu sênem akiŋ Anötö, e yom dau ŋatêm pacndê. Ŋac oc sêŋgapiŋ si kêclaŋ dom e têm dau pacndê, dec sêŋgaliŋ kêclaŋ hoŋ su ma sêkêŋ da ŋatô yêc lôm dabuŋ. Alic Nam 6:1-21.

gameŋ Esia-nga sêlic in̄ yêc lôm dabuŋ. Goc sêli lau hoŋ ŋalôm sa bu sêkôc in̄ dôŋ.

²⁸ N̄ac sêmbwêc, “Mac lau Israel-nga, ameneŋ anem yac sa. Alic ŋgac dec. In̄ ŋgac naŋ kêdôhôn lau tôm gameŋ hoŋ, ma pu yac lau Israel-nga ti yac neŋ yomsu, ma pu gameŋ dindec whiŋ. Ma gêŋ daŋ tiyham. In̄ kôc lau Grik ŋatô sêsôc lôm dabuŋ ŋabatêmdô sêmeŋ, dec kôm gameŋ dabuŋ dindec ŋadômbwi sa.”

²⁹ N̄ac sêsôm yom dinaŋ ŋahu bu muŋ-nga sêlic ŋgac Epesas-nga daŋ ŋaê Tropimus, mbo malac Jerusalem whiŋ Pol. Ma ŋac gauc gêm bu mboe Pol kôc in̄ têŋ lôm dabuŋ gi.

³⁰ Têŋ dinaŋ lau malac-nga hoŋ sêli dau sa ŋandô ma sic dau sa sêpitigeŋ yêc lôm dabuŋ ŋabatêmdô. N̄ac sêkôc Pol dôŋ ma sêhê in̄ sa awê gi, goc lau sic gameŋ dau ŋagatam ahuc.

³¹ N̄ac sêkôm bu sêndic in̄ ndu sêmbo, ma lau siŋ Rom-nga si ŋadau ŋgô ŋawaê bu lau malac Jerusalem-nga hoŋ sêli dau sa.

³² Goc ŋagahô in̄ kôc lau siŋ-nga ti ŋac si lau bata ŋatô, ma sênti sêtêŋ lau toŋ dinaŋ si. Ma têŋ ndoc lau dau sêlic ŋgac bata ti in̄ ndê lau siŋ-nga, naŋ sic Pol tiyham dom.

³³ Goc lau siŋ si ŋadau kôc ndê lau ma sêkôc Pol dôŋ, ma in̄ gic atu bu sêsô in̄ dôŋ ŋa sen lu. Goc in̄ ndac lau bu in̄ asa, ma in̄ kôm sac bocke.

³⁴ Lau yêc toŋ atu ŋalôm sêmbwêc yom tidau-tidau, dec ŋgac dau kêyalê bu in̄ gitôm dom bu tap gêŋ dau ŋahu sa. Goc in̄ gic atu bu sêkôc Pol sêtêŋ lau siŋ-nga si gameŋ sêndi.

³⁵ Têŋ ndoc sêhôc asê tuŋbôm ŋa-têc naŋ yêc

gamenɗ dau ɲasactô, nanɗ lau sêkôm mwasac ɲanɗa bu sêndic Pol ndu. Tu dinanɗ-ɲga lau sinɗ-ɲga sêhôt inɗ sa lôlôt bu sêkôt inɗ sôt ɲac si gamenɗ sêndi.

³⁶ Ma lau tonɗ atu nanɗ sêɲkuc, nanɗ sêmbwêc ɲapanɗ, “Ndic inɗ ndu! Ndic inɗ ndu!”

³⁷ Lau sinɗ-ɲga bu sêkôt Pol sôt ɲac si gamenɗ ɲalôm ndi, magoc inɗ ndac ɲac si ɲadau bocdec bu, “Gitôm bu wasôm yom danɗ têtɗ am, me?” Ma ɲgac dau ndac, “Am kêyalê yom Grik, a?”

³⁸ Aô gam gauc bu am ɲgac Isip-ɲga nanɗ ndoc dê ɲinɗa su, ɲic nem lau gitôm 4,000 sa yêc gamenɗ sawa, ma kêgîlî ɲac bu sêndic sinɗ têtɗ lau Rom-ɲga.”

³⁹ Magoc Pol sôm, “Mba! Aô ɲgac Israel-ɲga danɗ, ma anenɗ malac Tasis yêc gamenɗ Silisia-ɲga. Inɗ malac ɲambwa dom, malac tiwaê. Kwahic dec aô bu wandac am gitôm bu wasôm yom têtɗ lau dindec, me mba?”

⁴⁰ Lau sinɗ-ɲga si ɲadau gôlôt, dec Pol kac dau kwi kalhac têtɗ, ma ɲic amba têtɗ lau bu sênem dau dôtɗ. Ma têtɗ ndoc gamenɗ ɲanɗenɗ sa, nanɗ ɲic hu sôm yom têtɗ ɲac ɲa Yom †Hibru.

22

Pol sôm yom têtɗ lau Jerusalem-ɲga.

¹ Inɗ sôm, “O asidôwai ti damanɗi. Akêtɗ danɗam ma aô waô yom nanɗ lau sêɲgôlinɗ pi aô.”

² ɲac sêɲgô inɗ sôm yom têtɗ ɲac yêc ɲac dau si awha, nanɗ Yom Hibru, dec lau honɗ sem dau dôtɗ ma sêhê danɗa inɗ. Goc inɗ sôm,

³ “Aô ɲgac Israel-ɲga. Dinanɗ kôt aô yêc gamenɗ Silisia-ɲga, ma anenɗ malachu Tasis. Magoc aô gatiatu yêc malac atu dindec, ma kadôhônɗ abanɗi

si yomsu hon napep en gambo Gamaliel napa. Aö gayêm daun su nandô tu wanem akind Anötö-nga tòm kwahic dec mac daôm gauc gêm bu akôm.

⁴ Aö gakêñ kisa lau nan sêñkuc lêñ wakuc dindec, ma gakêñ lauwhê ma ngac sêkêñ whin Yisu-nga daêsam sêsôc gapocwalô, ma gac atu bu lau sêndic ñatô ndu.

⁵ Dabuñsiga ñamata-nga ti lau bata hon sêñyalê aneñ gwelen dinan. Nac lau dinan sêto bapia puc aö dôñ-nga têt lau bata Israel-nga nan sêmbo malac Damaskas. Têt bêc dan aö kasêlêñ gambo señ bu wasip Damaskas wandi, bu wakôc lau sêkêñ whin Yisu-nga yêc dindê sa sêtêñ Jerusalem sêmen, bu sêkêñ ñandê têt ñac.

⁶ Aö kasêlêñ e têt ac kac lhu gasun sa Damaskas, ma sep tigen ñawê undambê-nga atu dan pô aö.

⁷ Dec gapeñ gasip nom ma gangô awha dan sôm yom têt aö bu, ‘Saul, Saul, tu sake-nga am kêt kisa aö?’

⁸ Ma aö gandac bu, ‘O ñadau, am asa?’ Goc awha dau ô yom ma sôm, ‘Aö Yisu Nasaret-nga nan am kêt kisa.’

⁹ Lau nan sêwhin aö nan sêlic ñawê dau ma sêngô awha, magoc sêñyalê yom nan Yisu sôm têt aö, nan dom.

¹⁰ Ma aö gandac, ‘Pômdau, aö wakôm sake?’ Ma in sôm, ‘Tisa, ma sôc Damaskas ndi. Ma gêt bocke nan aö tac whin bu am kôm-nga, nan aö oc wanñin lau bu sêwhê sa têt am yêc dindê.’

¹¹ ‘Ñawê dau kôm aö tanôn tipec, bocdinan dec lau nan sêwhin aö sêhê aö aman, ma sêwê aö gasôc Damaskas ga.

¹² Ma ngac dan ñaê Ananias meñ gêlic aö. In ngac

naŋ sa ndê lêŋ hoŋ kêkuc yomsu Israel-ŋga ŋapep, ma lau Israel Damaskas-ŋga hoŋ sêtoc in sa.

¹³ In kalhac kêpiŋ aö ma sôm, ‘Asidôwa Saul, tanôm ŋawa sa!’ Ma têŋ ndoc dinaŋ eŋ aö tanôŋ ŋayham sa e galic in.

¹⁴ Ma in sôm, ‘Damaŋi si Anötö kêyalin am sa bu êmyalê in ndê atac whin, ma bu lic ŋac gitêŋ Yisu dau, ma bu ŋgô yom yêc in dau whasuŋ.

¹⁵ Ma am oc hoc yom ŋandô pi in asê têŋ lau hoŋ, ma sôm yom asê pi gêŋ hoŋ naŋ am gêlic ti ŋgô su.

¹⁶ Ma kwahic dec am hôŋ sake? Tisa ma lin busaŋgu tu Yisu ndê ŋaê-ŋga bu êŋgwasin am nem sac hoŋ su.’

¹⁷ “Têŋ ndoc aö gambu gatêŋ Jerusalem gameŋ, naŋ gateŋ mbec gambo lôm dabuŋ e gatuŋ kain daŋ sa.

¹⁸ Ma galic Pômdau Yisu sôm yom têŋ aö bocdec bu, ‘Ŋagahô, hu Jerusalem sin kwahic dec, bu lau dec oc sêkôc yom naŋ am hoc asê pi aö, naŋ sa dom.’

¹⁹ Dec aö gaô yom ma gasôm, ‘Pômdau, lau dindec sêŋyalê bu muŋ-ŋga aö kasalê lau sêkêŋ whin am-ŋga tôm lôm wê-ŋga hoŋ, bu wandic ŋac ma wakêŋ ŋac sêndôc gapocwalô.

²⁰ Ma têŋ ndoc naŋ lau sêkêc Steven ndê dac sin tu in hoc yom asê pi am-ŋga, naŋ aö galhac ma galic ti atac ŋayham. Ma gayob lau naŋ sêtuc in ŋa hoc, naŋ si ŋakwê.’

²¹ Goc Pômdau sôm têŋ aö, ‘Ndi! Aö oc waŋkin am sa yêc lau Israel si gameŋ, bu têŋ lau apa si gameŋ ndi.’ ”

²² Lau hoŋ sêŋgô Pol ndê yom ti sem dau dôŋ e in sôm yom dinaŋ. Dec sêli awaha sa ma sêmbwêc, “In

gitôm bu mbo tali-nga dom. Ndic in ndu niŋga!”

²³ Nac sêmbwêc ti sêkac si ŋakwê andô-nga su ma sêmbalip kop pi lôlôc gi sêmbo.

²⁴ Dec lau siŋ-nga si ŋadau kêŋ yatu ŋac bu sêkôc Pol sôc ŋac si gameŋ ndi. In sôm bu sêhi in ŋa sô, ma sêŋsu in tu bu sêtap sa bu ŋahu bocke dec lau sêmbwêc in ŋalêŋ bocdinaŋ.

²⁵ Sêsô in amba ti gahi dôn pi a bu sêhi in, dec Pol sôm têŋ ŋgac bata naŋ yob lau siŋ-nga toŋ daŋ, naŋ bocdec bu, “Bocke? Mac bu ahi ŋgac Rom-nga daŋ, naŋ atap giso daŋ sa yêc in dom, naŋ dec oc angili Rom si ŋagôliŋ, me mba?”

²⁶ Ŋgac dau ŋô Pol ndê yom, dec têŋ lau siŋ-nga si ŋadau gi ma sôm têŋ in bu, “Am oc kôm sake, bu ŋgac dindê in ŋgac Rom-nga?”

²⁷ Goc ŋgac dau têŋ Pol gi ma ndac in, “Sôm asê têŋ aô. Am ŋgac Rom-nga, me mba?” Ma Pol sôm, “Aêc.”

²⁸ Dec lau siŋ-nga si ŋadau sôm, “Aô gahu awa atu siŋ dec gamlhi aneŋ bapia bu wati ŋgac Rom-nga.” Magoc Pol sôm, “Aô damaŋ in ŋgac Rom-nga, ma bocdinaŋ dec aô ŋgac Rom-nga gawhiŋ.”

²⁹ Yom dau kôm ŋgac dau sô ŋandô, bu in kôc Pol ma sô in dôn, magoc kêyalê dom bu in ŋgac Rom-nga. Ma lau naŋ bu sêŋsu Pol, naŋ ŋagahô sêkac dau su yêc in.

Pol kalhac lau bata Israel-nga aŋgô-nga

³⁰ Lau siŋ-nga si ŋadau bu tap sa bu ŋahu bocke dec lau Israel-nga sêŋgôliŋ yom pi Pol. Bocdinaŋ ŋagalaŋsê bêbêc in kêŋ yatu bu lau dabuŋsiga ti lau bata Sanedrin-nga hoŋ sêkac dau sa, goc kôc Pol

su yêc lau siñ-nga si gameñ, ma kêñ in kalhac ñac aṅgô-nga.

23

¹ Pol tahê lau Sanedrin-ṅa a hoñ ma sôm, “O aneñ asidôwai. Aö neñ atac pa su pi lêñ hoñ nañ gasa tu wanem akin Anötö-nga ñapañ, e meñ têtñ accsalô lec galhac mac aṅôm-nga.”

² Dabuñsiga ñamata-nga ñaê Ananias ṅgô yom dinañ, dec sôm têtñ lau nañ sêlhac sêmpiñ Pol bu sêtap in sôc tôkwa.

³ Goc Pol sôm têtñ in, “Anötö oc ndic am ô! Bocke dec am ndöc tu êmatôc aö êñkuc yomsu Israel-nga, magoc am daôm sôm lau sêtap aö dec kêgili yomsu dau? Am gitôm a nañ ñadômbwê-nga ñawasi, magoc ñalôm-nga sop wen sa.”

⁴ Lau nañ sêlhac sêmpiñ Pol sêsôm têtñ in bu, “Bocke dec am sôm yom sac-sac pi Anötö ndê dabuñsiga ñamata-nga?”

⁵ Ma Pol ô yom ma sôm, “Asidôwai. Aö kayalê dom bu in dabuñsiga ñamata-nga. Bu sêto yom yêc bocdec bu, ‘Sôm yom sac pi ñgac nañ gêm gôlin nem lau, nañ dom.’ ”

⁶ Pol kêyalê bu lau Sanedrin-nga ñatô ñac lau Palêsai, ma ñatô ñac lau Sadiusi. Tu dinañ-nga dec in mbwêc yom têtñ ñac bocdec bu, “Aneñ asidôwai aṅgô. Aö damañ in Palêsai dan, ma aö bocdinañ. Aö gakêñ whin bu yac oc datisa akêñ lau batê-nga. Ma kwahic dec ñac bu sêmatôc aö tu yom dinañ-nga.”

⁷ Têtñ ndoc in sôm yom dinañ, dec lau Sanedrin-nga sêwhê dau kôc, ma lau Sadiusi ti lau Palêsai sêseñ dau.

⁸ Sêseñ dau ñahu bu lau Sadiusi sêkêñ whiñ dom bu lau batê oc sêtisa tiyham, ma sêsôm bu añela ma ñalau danj sêmbo dom. Magoc lau Palêsai sêkêñ whiñ gêñ honj dinan.

⁹ Bocdinan lau dau sêli dau sa ñalêñ sac. Ma Palêsai ñatô nanj sêndôhôn yomsu, nanj sêtisa ma sêsôm yom ti ñannga, “Yac atap giso danj sa yêc ñgac dindec dom. Mboe añela me ñalau danj kênj yom nanj inj êlêmê hoc asê têtj lau, nanj têtj inj.”

¹⁰ Kêpiñ bu siñ hóc asê, dec lau siñ-ñga si ñadau töt bu mboe lau oc sêkac Pol kôc ndi lu. Bocdinan inj kêkinj inj ndê lau siñ-ñga bu sêsa sêndi ti ñannga ma sêñgaho Pol su yêc lau dinan, ma sêkôc inj mbu têtj ñac si gameñ ndi tiyham.

¹¹ Têtj ôbwêc Pômdau hoc dau asê têtj Pol ma sôm, “Hêgo daôm dom, puc daôm dôñ! Am hoc yom asê pi aô su yêc Jerusalem, ma am oc kôm bocdinan yêc malac Rom whiñ.”

Lau Israel-ñga sêkic yom bu sêndic Pol ndu

¹² Galañsê bêbêc lau Israel-ñga ñatô sêkic yom bu sêndic Pol ndu. Ma sêmatinj pwac têtj dau bu oc sêneñ me sênôm gêñ dom e inj mbac ndu su.

¹³ Lauñgac nanj bu sêkôm gêñ dau nanj si namba hóc gêlêc 40 su.

¹⁴ Ñac sêtêtj dabuñsiga atu-tu ti lau bata ñatô si, ma sêsôm, “Yac amatinj pwac bu aneñ gêñ dom e andic Pol ndu su nanj.

¹⁵ Bocdinan yac gauc gêm bu mac awhiñ lau Sanedrin-ñga andac lau siñ si ñadau bu hu Pol siñ têtj mac, bu andac inj pi gêñ ñatô tiyham. Ma yac oc asiñ ambo señ bu têtj ndoc sêwê inj sêsa sêmeñ, nanj yac andic inj ndu.”

16 Pol lhuwê atungac ngô gêñ dau ñawaê, dec sôc lau siñ-nga si gameñ têtj Pol gi ma sôm asê têtj iñ.

17 Pol ngô su dec ta ngac nañ yob lau siñ-nga ton dañ ma sôm têtj iñ, “Kôc balê dindéc têtj mac nem ñadau ndi. Iñ kôc yom dañ bu sôm têtj iñ.”

18 Goc ngac siñ-nga dinañ wê balê dau têtj ñac si ñadau gi ma sôm, “Pol, ngac nañ ndöc gapocwalô, nañ ndac aö bu wakôc balê dindéc têtj am meñ, bu iñ kôc yom dañ bu sôm têtj am.”

19 Ngac dau kêm balê dau sa ma iñlu sêsa ahic si, ma iñ ndac iñ bu, “Am kôc yom bocke bu sôm têtj aö?”

20 Goc balê dau sôm, “Lau Israel-nga sêkic yom bu sêndac am bu êmkiñ Pol ndi lhac lau Sanedrin-nga añgô-nga têtj lanjê, bu ñac tac whiñ bu sêndac iñ tu yom ñatô-nga.

21 Ngô ñac si yom dom, bu ñac si lau hóc g êlêc 40 sem neneñ sêhôn iñ sêmbo señ. Lau dau sêsôm tidôn su bu sêneñ ma sênôm gêñ dom e sêndic iñ ndu. Ñac kwahic dec sêmasañ dau sêmbo, sêhôn bu am lôc têtj ñac si yom.”

22 Lau siñ-nga si ñadau ñ gô balê dau ndê yom su, goc kêkiñ iñ sa gi ma gic yomsu iñ bocdec bu, “Sôm têtj lau dañ dom bu am mweñ kêñ ñawaê dindéc têtj aö.”

Sêkôc Pol têtj malac Sisaria gi

23 Goc iñ ta ndê ngac lu nañ sêyob lau siñ-nga ton lu nañ sêtêtj iñ sêmeñ, ma sôm têtj iñlu bu, “Andic lau siñ-nga tôm 200 sa, ma lau siñ sêndöc hosi-nga 70, ma lau siñ kêm-nga 200 sêwhiñ. Asôm bu sêmasañ dau bu sêtêtj malac Sisaria sêndi têtj 9 kilok ôbwêc dindéc.

24 Amasanj hosi tu Pol ndöc ñahô-nga, ma ayob inj ñapep e akêñ inj sip gôlinwaga Rom-nga Filiks amba.”

25 Ma ñgac atu dau to bapia dan bocdec:

26 Aö Klaudias Lisias dec gato têtñ am ñgac atu gôlinwaga Filiks. Acsalô ñayham am.

27 Lau Israel-nga sêkôc ñgac dindéc dôñ ma bu sêndic inj ndu. Magoc aö gatap sa bu inj ñgac Rom-nga dan, dec aö ti nenñ lau sinj-nga anghaho inj su yêc ñac amba.

28 Aö bu watap yom nanñ sêñgôlinj pi inj, nanñ ñahu sa, dec gakêñ inj kalhac lau Israel si lau bata Sanedrin-nga anghô-nga bu sêñsahê inj.

29 Aö gatap sa bu yom nanñ sêñgôlinj pi inj, nanñ hêganônñ lau Israel-nga si yomsu. Magoc aö gatap yom dan sa gitôm bu yac andic inj ndu me akêñ inj ndöc gapocwalô-nga dom.

30 Malô aö ganğô ñawaê bu lau ñatô sêkic yom gelec bu sêndic inj ndu. Bocdinañ dec aö kakinj inj têtñ am goloc ñagahô, bu am êmatôc inj ndê yom. Ma aö gac a tu lau nanñ sêñgôlinj yom pi inj, bu sêwhê yom dau sa têtñ am.

31 Inj to yom dau su, goc kêtñ bapia sip injlu amba, ma injlu sic lau sinj-nga sa ma sêkôm tôm inj gic atu ñac. Têtñ ôbwêc dau dinañ sêkôc Pol whinj ñac, ma sêsa sêtêtñ malac Antipatris si.

32 Galañsê bêbêc lau sinj-nga nanñ sêñsêlêñ sêmbo nom, nanñ sêlhö sêmbu sêtêtñ si gameñ yêc Jerusalem si. Ma lau sinj-nga nanñ sêndöc hosi sêhoñ Pol sa si.

33 Têtñ ndoc sêhóc asê Sisaria, nanñ sêkêñ Pol ti bapia dau têtñ gôlinwaga Filiks.

³⁴ Ma in sam bapia dau, goc ndac Pol bu in ngac gameŋ bocke-nga. Ma tap sa bu in ngac gameŋ Silisia-nga.

³⁵ Goc sôm, “Aö oc wanğô am nem yom, têt ndoc lau nan sêngôlin yom pi am, nan sêhoc asê.” Goc in kêt yatu in ndê lau bu sêyob Pol yêc andu atu nan mun-nga Kin Herod kwê sa nan.

24

Pol kalhac Filiks anğô-nga

¹ Bêc 5 giŋga su, goc dabuŋsiga ŋamata-nga Ananias ti lau bata Israel-nga ŋatô sêsip malac Sisaria si, bu sêkêt yom nan sêngôlin pi Pol, têt gôlinwaga Filiks. Ma sêkôc ngac dan ŋaê Tetulus whin ŋac, bu nem ŋac awha têt Filiks.

²⁻³ Lau sêkôc Pol sôc meŋ, goc Tetulus gic hu sôm ndê yom têt Filiks bocdec bu, “O ngac ŋayham kêtêc Filiks. Am gêm gôlin yac ŋapep, dec yac ambo ŋayham ma ti yom malô ŋasawa balin su. Am ngac tigauc dec kêmasan lêt wakuc ŋayham ŋatô, nan lau gameŋ dindêc-nga kwahic dec sêtŋkuc sêmbo. Yac ti mba lau hoŋ nan sêmbo am nem gôlin ŋapu, nan bu anem danğe am ŋapan.

⁴ Aö bu wanğaiŋ am nem têt dom, ma bu wakôm am lic ŋakam sa dom. Bocdinaŋ wandac am bu ŋgô yac mba yom apê lec.

⁵ Ngac dindêc in ngac êngilí lau-nga, ma gêli lau Israel-nga ŋalôm sa tôm gameŋ hoŋ. In lau toŋ nan sêtŋkuc yom so pi ngac Nasaret-nga dinaŋ, nan si ngac ŋamata-nga.

6-7 Ma gêŋ daŋ whiŋ. In bu kôm mêtê naŋ toc yac mba lôm dabuŋ sa bu gameŋ dabuŋ dom. Tu dinaŋ-ŋga dec yac akôc in dôŋ.*

8 Am daôm bu kip in sa, dec am oc tap sa bu yom hoŋ naŋ yac aŋgôliŋ pi in, naŋ yomandô.”

9 Tetulus sôm in ndê yom dinaŋ, goc lau Israel-ŋga hoŋ naŋ sêwhiŋ in, naŋ sêpuc in ndê yom dôŋ ma sêsôm bu yomandô.

10 Goc gôliŋwaga Filiks tôc amba têt Pol bu sôm ndê yom, dec Pol sôm, “Aö kayalê bu am gêm gôliŋ gameŋ dindec ma kêmatôc lau si yom tôm yala ŋatô su. Bocdinaŋ aö atac ŋayham bu wasôm aneŋ yom têt am ma waô yom naŋ sêŋgôliŋ pi aö.

11 Am bu ndac lau ŋatô, dec am oc tap sa ŋagahô bu bêc 12 gi su, naŋ gapi Jerusalem ga, tu bu watoc Anötö sa-ŋga.

12 Lau naŋ sêŋgôliŋ yom pi aö, naŋ sêŋyalê su bu aö gakôm mêtê sac daŋ dom. Aö gasôm ŋamalac daŋ yêc lôm dabuŋ dom, ma gali lau ŋalôm sa yêc lau Israel si lôm wê-ŋga me yêc malac Jerusalem ŋalôm dom.

13 Bocdinaŋ yom naŋ sêŋgôliŋ pi aö, naŋ ŋac gitôm dom bu oc sêtôc asê bu yomandô.

14 Magoc yom ŋandô tigen dec wasôm asê têt am bocdec bu. Aö gam akiŋ damanji si Anötö kakuc lêŋ wakuc tôm lau sêkêŋ whiŋ Yisu-ŋga sêŋkuc. Lau

* **24:6-7:** Yêc bapia akwa ŋandô naŋ ŋabatiŋ 6b ma ndi têt 8a sêmbo dom. Lau atu-tu gauc gêm bu lau ŋatô sêto ŋabatiŋ 6b-8a tiŋambu-ŋga. Yom dau yêc bocdec bu: ... ma yac bu amatôc in êŋkuc yac mba yomsu. vs7 Magoc lau siŋ-ŋga si ŋadau Lisias ti ndê lau siŋ-ŋga daêsam sêmeŋ sêŋgaho in su yêc yac aman. vs8 Ma Lisias gic atu bu lau naŋ sêŋgôliŋ yom pi in, naŋ sêmeŋ sêsôm asê têt am.

dinaŋ sêlic lêŋ dau bu lêŋ so. Magoc aö gakêŋ whiŋ yom hoŋ naŋ kêkuc Moses ndê yomsu ti yom hoŋ naŋ lau propet sêto muŋ su.

¹⁵ Ma gakêŋ batan bu Anötö oc uŋ lau gitêŋ ma lau sac hoŋ sa akêŋ lau batê-ŋga tòm ŋac lau dindê sêkêŋ whiŋ.

¹⁶ Ŋalêŋ dinaŋ dec aö kasahê bu wasa neŋ lêŋ hoŋ solop eŋ tu bu walhac ti neŋ atac pa su yêc Anötö ti ŋamalac aŋgô-ŋga.

¹⁷ Aö gahu Jerusalem siŋ yala neŋ su, ma kwahic dec gambu gatêŋ Jerusalem ga, bu wanem aneŋ lau Israel-ŋga si lau ŋalôm sawa sa, ma bu wakêŋ da têtj Anötö.

¹⁸ Aö kakuc lau Israel-ŋga si lêŋ sêmasaŋ dau ŋawasi sa yêc Anötö aŋgô-ŋga muŋ su, goc gasôc lôm dabuŋ ga bu wakêŋ neŋ da. Ma têtj ndoc dinaŋ lau Israel-ŋga ŋatô akêŋ gameŋ Esia-ŋga sêlic aö. Aö gac lau toŋ atu sa dom, ma gali lau ŋalôm sa bu sêkôm kisa dom.

¹⁹ Ŋac lau Esia-ŋga dau sic hu sêŋgôliŋ yom pi aö, ma bocdinaŋ ŋac bu gauc nem bu aö gakôm giso, dec ŋac dau sêmeŋ ma sêsôm asê têtj am.

²⁰ Bu mba, goc sôm têtj lau Israel-ŋga naŋ kwahic sêmbô dec, bu sêtôc asê têtj am, giso bocke naŋ lau Israel si lau bata Sanedrin-ŋga sêtap sa yêc aö.

²¹ Mboe ŋac sêlic aö sac ma sêkêŋ aö galhac am aŋôm-ŋga bu êmatôc aö, pi yom tigeŋ naŋ aö gambwêc têtj ŋac bocdec bu, ‘Aö gakêŋ whiŋ bu yac oc datisa akêŋ lau batê-ŋga.’ ”

²² Filiks ŋgô ti kêyalê yom daêsam su pi lau sêkêŋ whiŋ Yisu-ŋga si lêŋ wakuc. Bocdinaŋ dec iŋ gic bata yom, ma sôm têtj lau Israel-ŋga naŋ sêmeŋ

akêñ Jerusalem, “Têñ ndoc lau siñ-nga si ñadau Lisias meñ akêñ Jerusalem, nañ aö oc wasôm aneñ gauc asê pi mac nem yom.”

²³ Goc inñ gic atu ñgac nañ yob lau siñ-nga toñ dañ, bu sêyob Pol ñapep, magoc sêsô inñ dôñ dom. Ma inñ sôm têñ inñ bu kêñ ñasawa têñ Pol ndê lau nañ bu sêndic inñ kêsi ti sênem inñ sa, ma lhac ñac ahuc dom.

Sêyob Pol sêmbo Sisaria

²⁴ Bêc ñatô giñga su, dec Filiks lu nawhê Drusila, nañ awhê Israel-nga dañ, sêñgalêm Pol bu sêñgô inñ whê yom sa pi lau sêkêñ whiñ Yisu Kilisi-nga si lêñ.

²⁵ Pol gêm yomgalôm whiñ inñ lu ma sôm yom ñasawa hic baliñ, pi lêñ nañ lau sêti lau gitêñ, ma sêtimêtê dau ñapep, ma pi Anötö ndê bêc êmatôc lau-nga nañ oc meñ sa. Yom dau kôm Filiks töc dau sa, dec sôm, “Nañ gitôm, am lhö mbu ndi. Têñ ndoc aö bu walic ñasawa ñayham dañ, nañ wakêñ yom am tiyham.”

²⁶ Ma tiñambu inñ kêgalêm Pol ti gêm yomgalôm whiñ inñ tidim daêsam, bu inñ kêñ bata bu Pol oc kêñ awa têñ inñ, bu nemlhi dau su yêc gapocwalô.

²⁷ Filiks bu kôm lau Israel-nga sêlic inñ ñayham, dec kêñ Pol ndöc gapocwalô ñapañ. Yala lu giñga su, goc Pokias Festus ti gôliñwaga ô Filiks su.

25

Pol kalhac Festus añgô-nga

¹ Têñ ndoc Festus hóc asê bu nem gôliñ gameñ dinañ, nañ inñ mbo malac Sisaria tôm bêc tö eñ, goc pi Jerusalem gi.

2 Ma yêc dindê dabuŋsiga atu-tu ti lau bata Israel-ŋga sêpitigen, ma yom naŋ sêŋgôliŋ pi Pol su, naŋ sêhoc asê têŋ Festus.

3 Naç sêndac bu iŋ bu lic naç ŋayham, dec kêŋ Pol mbu pi Jerusalem ndi. Naç sêndac gêŋ dau, ŋahu bu naç sêmatiŋ yom tidôŋ su gelec, bu sêkêŋ lau ŋatô sêsiŋ sêmbu seŋ bu sêndic Pol ndu.

4 Magoc Festus ô yom ma sôm, “Pol dê sêyob sêmbu Sisaria, ma malô goc aö dauŋ oc wambu watêŋ malac dinaŋ wandi.

5 Mac asôm bu iŋ kôm giso, dec akêŋ nem lau bata ŋatô sêwhiŋ aö, bu sêsôm mac nem yom pi iŋ asê têŋ aö yêc dindê.”

6 Festus mbo Jerusalem bêc 8 me 10 su, goc sip Sisaria gi. Ma têŋ ŋagalaŋsê iŋ gi ndöc iŋ ndê pônê êmatôc yom-ŋga, ma gic atu bu sêkôc Pol meŋ lhac iŋ aŋgô-ŋga.

7 Têŋ ndoc Pol hôc asê, naŋ lau Israel-ŋga naŋ sêmeŋ akêŋ malac Jerusalem, naŋ sêlhac sêŋgihi iŋ ahuc, ma sêsôm bu iŋ kôm giso atu. Sêŋgôliŋ yom daêsam pi iŋ, magoc gitôm dom bu sêtôc ŋandô asê.

8 Goc Pol sôm ndê yom asê bocdec bu, “Aö gakôm giso daŋ pi lôm dabuŋ dom, ma kagilî lau Israel si yomsu, me Sisa ndê ŋagôliŋ daŋ dom.”

9 Festus tac whiŋ bu lau Israel-ŋga sêlic iŋ ŋayham, dec ndac Pol, “Am gêlic ŋayham bu pwi Jerusalem ndi, ma aö waŋsahê naç si yom pi am yêc dindê, me mba?”

10 Ma Pol sôm, “Mba. Aö ŋgac Rom-ŋga, ma am ndöc nem pônê êmatôc yom-ŋga g êm Sisa aŋgô. Bocdinaŋ êmatôc yom naŋ sêŋgôliŋ pi aö yêc dindec maŋ. Am kêyalê tidôŋ su bu aö gakôm giso daŋ têŋ

lau Israel-nga dom.

¹¹ Aö bu wakôm giso dan nan gic waê bu wambac ndu, nan dec ndic aö ndu. Magoc yom nan lau Israel-nga dindéc sêngôlin pi aö, nan bu ndandô mba, dec solop dom bu am kêñ aö wasip nac amba. Sisa dau goc êmatôc aneñ yom yêc malac Rom!”

¹² Têñ dinañ Festus gêm yomgalôm whin lau atu-tu nan sêmbo in ndê gôlin napu, goc sôm têt Pol, “Am ndac bu Sisa êmatôc nem yom. Bocdinañ dec am oc têt Sisa ndi.”

Festus lu Kin Agripa sem yomgalôm pi Pol

¹³ Bêc natô ginça su, goc Kin Agripa* lu lhuwê Berenis sêhóc asê Sisaria bu sêti nacleñ Festus.

¹⁴ Inlu sêmbo sêwhin in bêc daêsam su, goc Festus gic min pi Pol ma sôm têt Kin Agripa, “Nnac dan mbo dec, nan Filiks kêñ ndöc gapocwalô napan e meñ têt kwahic dec.

¹⁵ Têñ ndoc aö gapi Jerusalem ga, nan dabunçiga atu-tu ti lau bata Israel-nga sêngôlin yom pi in, ma sêndac aö bu walôc bu in mbac ndu.

¹⁶ Aö gawhê sa têt nac bu yac lau Rom-nga neñ mêtê bocdec bu. Dandic namalac dan ndu dom e dakêñ nasawa têt in bu lhac lau nan sêngôlin yom pi in, nan ançô-nga, ma in ô nac si yom su nan.

¹⁷ Têñ ndoc nac si lau natô sêsip akêñ Jerusalem sêwhin aö, nan gahôn bêc daêsam dom. Aö gahóc asê, ma galañsê bêbêc aö gac atu aneñ lau bu sêkôc

* **25:13:** Kin Agripa gêm gôlin gameñ dan yêc bugicton Galili-nga namakê, ma ndöc malac Sisaria Pilipai. In †Herod Agripa I (Apo 12:1-23) ndê atunçac.

ngac dau sôc meñ lhac aneñ pôn wamatôc yom-nga ña-ndö-nga.

¹⁸ Lau dau sêtisa bu sêngôlin yom pi in, ma aö gauc gêm bu ñac oc sêtôc in ndê giso ñandô dan asê. Magoc mba!

¹⁹ Ñac sêsôm yom pi ñac dau si mêtê sênem akin si anötö-nga, nañ ñac gauc gêm bu Pol kêkuc dom. Ma sêlic in sac pi ngac batê dan ñaê Yisu, nañ Pol sôm bu tisa akêñ lau batê-nga ma mbo tali tiyham.

²⁰ Aö gapônda dauñ tu lêñ wamatôc yom kain dinan-nga. Bocdinañ aö gasôm têtñ Pol bu in bu tac whin bu pi Jerusalem ndi, dec yac oc amatôc in ndê yom yêc dindê.

²¹ Magoc Pol tec ma ndac bu Sisa dau êmatôc in ndê yom, dec aö gac atu bu aneñ lau sêyob in e wañkin in têtñ Sisa ndi.”

²² Goc Agripa sôm têtñ Festus, “Aö dauñ atac whin bu wañgô ñamalac dau ndê yom.” Ma Festus sôm, “Bocdinañ, lañsê nañ am ngô in ndê yom.”

Pol kalhac Agripa añgô-nga

²³ Têtñ galañsê Agripa lu Berenis sêsôc si gôlôn kin-nga sa, goc sêsôc andu sêngô yom-nga ñalôm si sêndôc. Ma lau bata sin-nga ti lau bata malac-nga hon sêwhin inlu. Goc Festus kêtñ yatu bu sêkôc Pol sôc meñ.

²⁴ Ma in sôm, “Kin Agripa ti mac lau hon nañ ambo dindec. Alic in ngac dec. Lau Israel-nga hon sêteñ aö yêc Jerusalem ma yêc malac Sisaria dindec, bu walôc bu in mbac ndu.

²⁵ Magoc aö gatap in ndê giso dan sa, nañ gitôm bu dandic in ndu-nga dom. Ma in dau ndac bu

Sisa êmatôc in ndê yom, madec aö bu wanjin in têtj Rom ndi.

²⁶ Ma kwahic dec aö bu wato bapia dan têtj Sisa, magoc aö kayalê yom nandô dan bu wato pi ngac dindec-nga dom. Tu dinan-nga Kin Agripa, aö gakêj in kalhac am ti mac lau hon anôm-nga, bu dakip yom hon sa, ma datap yom nandô dan sa, nan tøm bu wato têtj Sisa.

²⁷ Yac bu tanjin namalac g apocwalô-nga dan têtj Sisa, magoc dawhê in ndê giso nahu sa whin dom, oc solop dom.”

26

Pol whê dau sa têtj Agripa

¹ Têtj dinan Kin Agripa søm têtj Pol, “Aö wakêj nasawa bu am søm yom tu daôm-nga.” Goc Pol hóc amba sa têtj lau, ma gic hu søm in ndê yom bocdec bu,

² “Kin Agripa, kwahic dec aö bu waô yom hon nan lau Israel-nga sêngôlin pi aö. Ma aö atac nayham bu wasøm asê walhac am anôm-nga.

³ Gêj atu dan whin bocdec bu, lau Israel-nga si mêtê ti yom nan sêwhê dau kóc pi, nan am kêyalê tidôn su. Bocdinaj aö wandac am bu kêj nasawa hic balin têtj aö bu wasøm ney yom hon asê.

⁴ Lau Israel-nga hon sênyalê anej lêtj têtj ndoc gambo balê-nga yêc daun ney gamej, ma lêtj nan gasa têtj ndoc gambo Jerusalem, nan bocdinaj.

⁵ Lau Palêsai nac lau nan sem akin Anötö nanga sêhóc gêlêc lau Israel-nga njatô su. Ma oc tøm bu lau dinaj nan sênyalê aö tøm balin su, nan sêwhê sa bu

aö kakuc lau Palêσαι si lêḅ dinanḅ. Magoc sêsôm asê dom.

⁶ Aö gakêḅ batanḅ gêḅ nanḅ Anötö gic bata têḅ damanḅ, ma tu dinanḅ-ḅga kwahic dec sêkêḅ aö galhac am anḅôm-ḅga.

⁷ Yac lau Israel-ḅga mba tonḅ 12 sem akinḅ Anötö acsalô ti ôbwêc, ma sêkêḅ bata bu sêlic gêḅ nanḅ Anötö gic bata, nanḅ ḅandô sa. O kinḅ, aö wasôm têḅ am bu lau Israel-ḅga sêkêḅ kisa aö tu gêḅ dinanḅ-ḅga eḅ.

⁸ Yac akêḅ batanḅ bu Anötö oc uḅ lau batê sa tiyham, ma bocke dec mac lau ḅatô asô ti gauc gêm bu gêḅ dau oc tôm dom bu ḅandô sa?

⁹ “Muḅ-ḅga lê aö dauḅ gauc gêm tidôḅ ma galic ḅayham bu wakôm gêḅ daêsam tu wakêḅ kisa lau nanḅ sêkêḅ whinḅ Yisu Nasaret-ḅga.

¹⁰ Ma gêḅ dau dinanḅ dec gakôm yêc Jerusalem. Dabuḅsiga atu-tu sêlic ḅayham ma sêlôc têḅ aö bu wakôc lau sêkêḅ whinḅ-ḅga daêsam dôḅ, ma wakêḅ ḅac sêndôc gapocwalô. Ma têḅ ndoc sic ḅac si lau ḅatô ndu, nanḅ aö galhac gawhinḅ ḅac ma galic ḅayham.

¹¹ Tôm têm daêsam aö galom-galom lôm wê-ḅga honḅ ma kasalê lau sêkêḅ whinḅ Yisu-ḅga bu wakêḅ ḅagêyô têḅ ḅac. Aö gauc gêm bu wakêḅ ḅandê têḅ ḅac e sêsôm yom sac sambuc.* Aö atac tec ḅac

* **26:11:** Yom sac sambuc - yêc Yom Inglis sêsam bu ‘blasphemy’. Lau ḅatô gauc gêm bu Pol ndê yom dau ḅahu bu inḅ bu kêḅ ḅandê têḅ lau sêkêḅ whinḅ-ḅga e sêhu si sêkêḅ whinḅ sinḅ ma sêpu Yisu. Ma lau ḅatô gauc gêm bu lau sêkêḅ whinḅ-ḅga bu sêlhac ḅanḅga ma sêsôm bu Yisu inḅ Anötö ndê Atu, dec Pol ti lau Israel-ḅga oc sêlic yom dau bu yom sac sambuc gitôm bu sêndic ḅac ndu. Alic yom ḅatô yêc Mat 26:63-66.

ɲandô, bocdinaɲ kasêlêɲ gatêɲ lau gameɲ apa-ɲga si malac atu-tu bu wakêɲ kisa têɲ Yisu ndê lau.

12-13 “O kiɲ, têɲ bêc daɲ dabuɲ-si ga atu-tu sêɲyaliɲ aö sa ma sêɲkiɲ aö bu wasip malac Damaskas wandi. Aö kasêlêɲ gambo seɲ, ma têɲ ac kalhac lhu ɲawê atu daɲ sip akêɲ undambê ma pô aö ti lau naɲ sêwhiɲ aö.

14 Yac hoɲ apeɲ asip nom, ma aö gaɲgô awha daɲ sôm yom têɲ aö yêc Yom Hibru bocdec bu, ‘Saul, Saul, tu sake-ɲga am kêɲ kisa aö? Am gitôm bôc naɲ gêli dau sa têɲ ɲadau ndê gôliɲ dec tap ɲandê sa.’

15 Têɲ ndoc dinaɲ aö gandac, ‘O ɲadau, am asa?’ Ma iɲ ô yom ma sôm, ‘Aö Yisu, naɲ am kêɲ kisa.

16 Kwahic dec tisa. Aö gahoc dauɲ asê têɲ am, ma kayaliɲ am sa bu nem akiɲ aö. Ma gêɲ naɲ am kêyalê pi aö, ti gêɲ naɲ watôc têɲ am, naɲ am oc hoc asê têɲ lau.

17 Aö waɲgaho am su yêc lau Israel-ɲga amba, ma yêc lau naɲ lau Israel dom, naɲ si amba whiɲ. Kwahic dec waɲkiɲ am têɲ lau gameɲ apa-ɲga dinaɲ ndi.

18 Am oc kôm ɲac tandô po asê e sêkac dau kwi ma sêhu seɲ ɲasec-ɲga ma Sadaɲ ndê gôliɲ siɲ, ma sêsa seɲ ɲawê-ɲga ma sêsôc Anötö ndê gôliɲ ɲapu. Ma lau naɲ sêkac si ɲalôm kwi, naɲ dec Anötö oc suc ɲac si sac kwi, ma kêɲ ɲac sêwêkaiɲ gameɲ sêndôc tali ɲapaɲ-ɲga sêwhiɲ lau naɲ sêti lau dabuɲ tu ɲac si sêkêɲ whiɲ aö-ɲga.’

19 “O kiɲ Agripa. Aö galic Yisu hoc dau asê akêɲ undambê, ma aö gaɲgô iɲ ndê yom dec gasôc ɲapu.

20 Aö gam mêtê lau bu sênem dau kwi ma sêsôc

Anötö ñapu, ma sêkôm mêtê gitêñ bu sêtôc asê bu ñac sem dau kwi ñandô. Aö gac hu yêc malac Damaskas, ma malô goc gam mêtê yêc Jerusalem, ma yêc gameñ Judia-ñga hoñ e gatêñ lau apa si gameñ whiñ.

²¹ Tu dinañ-ñga dec lau Israel-ñga sêkôc aö dôñ yêc lôm dabuñ, ma bu sêndic aö ndu.

²² Magoc Anötö yob aö ñapep e meñ têtñ acsalô dindéc aö galhac am añôm-ñga. Ma kwahic dec aö wasôm asê têtñ lau hoñ, lau tiwaê ma lau waêmbe sêwhiñ, bu yom hoñ nañ aö gahoc asê pi Yisu, nañ ñadañ so yom nañ Moses ma lau propet sêhoc asê gwananñ su pi gêtñ nañ oc hôc asê, nañ dom.

²³ Ñac sêsôm bu Mesaya oc hôc ñandê e mbac ndu, ma tiñambu iñ oc ti ñgac ñamata-ñga bu tisa akêtñ lau batê-ñga, ma hoc yom asê pi Anötö ndê lêtñ nem lau si sêmbo tali-ñga têtñ iñ ndê lau Israel-ñga, ma têtñ lau nañ lau Israel dom, nañ sêwhiñ. Yom dau oc tôm ñawê bu pô gameñ ñasec-ñga.”

²⁴ Pol whê ndê yom sa mbo, ma Festus mbwêc iñ awha ahuc ma sôm, “Pol, am nem yom iñ yom solop dom. Yom daêsam nañ sêndôhôn têtñ am, nañ kôm am nem gauc kêtñsôn.”

²⁵ Magoc Pol ô yom ma sôm, “O ñgac atu Festus, aö neñ gauc kêtñsôn dom. Aneñ yom iñ yom solop ma yom ñandô.

²⁶ Gêtñ hoñ dindéc hôc asê yêc lhu, ma bocdinañ dec kiñ Agripa gitôm dom bu nem gauc gêtñ dau. Yomandô! Iñ kêtñalê gêtñ hoñ dindéc su, ma bocdinañ aö gasôm neñ yom asê têtñ iñ yêc awê.

²⁷ Kiñ Agripa, am kêtñ whiñ lau propet si yom pi Mesaya, me mba? Aö gauc gêm bu am oc kêtñ whiñ

su.”

²⁸ Dec Agripa sôm têtj Pol, “Am gauc gêm bu ñasawa apê lec am oc kac aneñ ñalôm kwi bu wakêñ whiñ Yisu, a?”

²⁹ Ma Pol ô yom ma sôm, “Aô bu wasôm yom ñasawa apê me ñasawa baliñ, aô oc atac whiñ gêtj tigeñ. Aô waterj mbec pi am ti mac lau honj nañ añgô aneñ yom dindec, bu Anötö kôm mac honj andi atôm aô ma akêñ whiñ Yisu, magoc bu kôm mac atôm aô tu gandöc gapocwalô-ñga lec dom.”

³⁰ Pol sôm iñ ndê yom meñ têtj dinañ, goc Kiñ Agripa tisa, ma gôliñwaga Festus ti Berenis ma lau honj nañ sêndöc sêwhiñ iñ, nañ sêtisa bocdinañ.

³¹ Ñac sêhu andu dau siñ, ma sem yomgalôm têtj dau ma sêsôm, “Ñgac dindec kôm giso danj nañ tôm bu sêndic iñ ndu me sêkêñ iñ ndöc gapocwalô-ñga lec dom.”

³² Ma Agripa sôm têtj Festus, “Oc tôm bu yac dahu ñgac dindec siñ lhö ndi, tigeñ iñ dau ndac bu Sisa êmatôc iñ ndê yom.”

27

Pol têtj malac Rom gi

¹ Ma tiñambu sêsôm tidôñ bu sêkêñ Pol ti lau gapocwalô-ñga ñatô sêpi wañ danj, ma sêjkiñ ñac sêtêñ malac Rom nañ yêc gameñ Itali-ñga sêndi. Sêkêñ ñac sêsip ñgac siñ-ñga danj amba, nañ ndê ñaê Julias, nañ ti ñgac bata siñ-ñga nañ yob Sisa ndê lau siñ-ñga tonj danj.

² Dec ñac sêpi wañ si, ma alu ñgac danj ñaê Aristakus akêñ malac Tesalonika yêc gameñ Masedonia-ñga api awhiñ, ma yac asa a. Wañ

dau meŋ akêŋ malac Adramitiam ma gic waê bu êŋsêlêŋ sôc malac ŋatô naŋ sêyêc gameŋ Esia-ŋga.

³ Ŋagalaŋsê waŋ dau sôc baô yêc malac Saidon. Julias tawalô Pol dec kêŋ iŋ sip baô gi bu ndic iŋ ndê silip kêsi tu bu sêpuc iŋ dôŋ ŋa gêŋ ŋatô-ŋga.

⁴ Tiŋambu yac api waŋ dau ma asa a tiyham. Yac bu ahôc gêlêc nduc Saipras, tigeŋ mbu ŋadinda puc waŋ dôŋ, dec yac aŋgihi aho yêc nduc ŋadômbwê-ŋga.

⁵ Goc waŋ dau kêsêlêŋ mbo gwêc sawa, ma gi e ahôc gêlêc gameŋ Silisia-ŋga ma gameŋ Pampilia-ŋga su, ma gacgeŋ a asôc malac Maira yêc gameŋ Lisia-ŋga.

⁶ Ma yêc dindê ŋgac bata siŋ-ŋga dau tap waŋ daŋ sa, naŋ meŋ akêŋ Aleksandria ma bu têŋ Itali ndi. Dec iŋ kêŋ yac a alom.

⁷ Magoc waŋ dau kêtî ŋagahô dom. Yac ambo gwêc ŋasawa bêc daêsam, e a ampiŋ malac Naidas. Mbu ŋadinda puc yac dôŋ ŋapaŋ, bocdinaŋ dec akac waŋ kwi aŋôŋ gêm nduc Krit ŋa-awê-ŋga, ma anti a e ampiŋ malac daŋ ŋaê Salmone.

⁸ Waŋ kêsêlêŋ ti ŋawapac e ahôc asê sôc naŋ sêsam bu Salaŋ Ŋayham, naŋ yêc kêpiŋ malac Lasea.

⁹ Bêc daêsam giŋga su ma lau Israel si om atu naŋ sêhu gêŋ danêŋ-ŋga siŋ, naŋ pacndê su, dec yac aŋyalê bu oc asip têm sac tu dalac waŋ-ŋga ŋalôm. Bocdinaŋ Pol kêŋ puc lau waŋ-ŋga ma sôm,

¹⁰ “Mac lau, aô kayalê su bu oc dasip ŋasac ŋalôm e waŋ ti wapa hoŋ oc sêniŋga, ma mboe yac daŋ dawhiŋ.”

¹¹ Magoc ŋgac bata siŋ-ŋga dau kêŋ danŋa Pol ndê yom dom. Iŋ sôc ŋgac nem gôliŋ waŋ-ŋga ti waŋ

ņadau si yom ņapu.

¹² Söc dinaņ gitôm dom bu waņ poc ņayham têt ndoc uhô-ņga. Bocdinaņ dec lau waņ-ņga daêsam sêsôm yom pitigeņ bu sêsa tiyham ma sêņsahê bu sêlac sêtêt malac Pioniks sêndi, ma waņ poc dindê e têt ņayham meņ sa. Yêc malac Pioniks, nduc Krit pôt mbu ahuc, ma bocdinaņ söc naņ yêc malac dinaņ iņ söc ņayham tu waņ sêpoc-ņga têt têt uhô-ņga.

Mbu ņadinda

¹³ Yac ahôn e bêc daņ mbu lilic kêsêlêņ ņayham, ma bocdinaņ ņac gauc gêm bu sêtap têt ņayham sa bu sêlom malac Pioniks. ņac sêhê anģa sa ma sêlac sêņkuc baö Krit-ņga si.

¹⁴ ņasawa baliņ dom ma mbu sac daņ puc ņaņģa akêņ baö-ņga mbu sa têt gwêc sawa-ņga.

¹⁵ Waņ dau sip mbu dinda ņalôm e tôm dom bu yac alac aņkuc baö-ņga. Bocdinaņ yac am waņ kwi kêsêlêņ kêkuc mbu.

¹⁶ Mbu soc yac e nduc sauņ daņ ņaê Kauda pôt mbu ahuc ņagec. Yac bu ahê waņ ņa-gômbwa pi lólôc meņ, magoc akôm wapak-wapak bu mbu puc ņadinda sac andô.

¹⁷ Lau sêhê gômbwa sa pi lólôc meņ su, goc sêkic po pi waņ atu ņampê bu suc dom. ņac sêtöc dau bu mbu oc soc yac ņapaņ e waņ ndi lôc pi gaņģac yêc Sirtis, dec sêlêc lac su ma sêkêņ anģa gwêc-ņga sip gi bu teņ waņ dôņ ênti timalô, ma sêkêņ waņ dau tam mbo.

¹⁸ Têt bêc tilu-ņga mbu ti gwêc gic pi waņ sac andô, dec lau waņ-ņga sêtöc dau atu ma sic hu sêmbaliņ wapa ņatô siņ sip gwêc.

19 Bêc titö-nga sêhóc wan̄ ñalac ti po ma wapa wan̄-nga ñatô sa ma sêmbaliñ sin̄ sip gwêc gi.

20 Tigen̄ mbu dau timalô dom e bêc daêsam yac alic ac ti tata dom. Ma yac hon̄ mba gauc tigen̄ bu oc andinañ.

21 Lau wan̄-nga sen̄ gêñ dan̄ dom tôm bêc daêsam su, goc Pol tisa ma sôm, “Mac lau, aö gakêñ puc mac mun̄ su, bu ahu nduc Krit sin̄ dom, magoc mac asôc aneñ yom ñapu dom. Mac bu an̄gô aneñ yom dau, dec gitôm dom bu atap ñawapac dindec sa, ma gêñ dan̄ oc ñinga dom.

22 Magoc kwahic dec wasôm têñ mac bu nem ñalôm pên̄ dôñ, bu mac nem dan̄ oc ñinga dom. Wan̄ tigen̄ dec oc ñinga.

23 Aö Anötö ndê ñgac dan̄, ma gam akiñ in̄ ñapan̄. Alhabêc ôbwêc in̄ kêkiñ ndê an̄jela dan̄ meñ kalhac whin̄ aö.

24 Ma sôm têñ aö, ‘Pol, am töc daôm dom. Am oc lhac Sisa an̄gô-nga bu in̄ êmatôc nem yom. Ma tu am-nga, Anötö oc kêñ lau hon̄ nan̄ sêmbo wan̄ sêwhin̄ am, nan̄ sêmbo tali.’

25 Bocdinañ mac lau, nem ñalôm pên̄ dôñ, bu aö gakêñ whin̄ Anötö bu yom dau oc ñandô sa, tôm in̄ ndê an̄jela sôm têñ aö.

26 Wan̄ oc ndi lôc pi nduc dan̄, tigen̄ yac oc dandinañ dom.”

Wan̄ gôlôc pi nduc

27 Mbu tam yac ñapan̄ ambo Gwêc Adria-nga. Têñ bêc ti-14-nga ma timaniñhu goc lau wan̄-nga sêñsahê bu yac asuñ sa baö.

28 Sem dôhôn gwêc ñagapon ma sêtap sa b u ñagapon gitôm 37 mita. Ñasawa saun sem dôhôn tiyham ma sêtap sa bu ñagapon gitôm 27 mita.

29 Ñac sêtôc bu wañ oc popoc pi hoc, bocdinañ sêmbaliñ anğa hale sip wañku-ñga, ma sêkêñ bata bu lañsê ñagahô.

30 Lau sêyob wañ-ñga gauc gêm bu sêhu wañ ti lau ñatô siñ, dec sêkôm bu sêkêñ gômbwa sip gwêc ndi, sêñsau bu oc sêkêñ anğa ñatô sip yêc wañ ñampê-ñga.

31 Magoc Pol sôm têtñ ñgac bata ti ndê lau siñ-ñga bu, “Lau dinañ bu sêhu wañ siñ, dec mac oc andiñam.”

32 Tu dinañ-ñga lau siñ-ñga sêtim wac kic yêc g ômbwa, ma sêkêñ peñ sip gwêc gi.

33 Têtñ bêbêc ganduc Pol sôm têtñ lau bu sêneñ gêtñ. In sôm, “Bêc 14 giñga su lec mac ayob wañ ñapañ e mac añ gêtñ dañ dom.

34 Kwahic dec aô wasôm têtñ mac bu gêtñ dañ oc kôm mac ñayom dom, mac hoñ oc ambo tamli. Bocdinañ dec aneñ gêtñ bu puc mac dôñ.”

35 In sôm yom dinañ su, goc kôc bolom ma gêm dange Anötô yêc ñac hoñ anğô-ñga, goc pô kôc ma gêtñ.

36 Dec lau hoñ si ñalôm timalô ma señ gêtñ sêwhiñ.

37 Yac lau nañ ambo wañ, nañ mba namba gitôm 276.

38 Lau hoñ señ gêtñ hôc ñac dôñ, goc sêmbaliñ bolom batac sip gwêc gi bu kôm wañ tilo.

39 Têtñ ndoc gameñ ñawê sa nañ sêlic baö, tigen sem gauc gameñ dau. Sêlic söc ti ganğac apa ñayham, dec gauc gêm bu sêkêñ wañ ndi pi baö yêc dindê.

⁴⁰ Nac sêtim anġa nġawac kic sip gwêc ġiġga, ma sêġgapwêc wac naġ sô ġôliġ dôn, naġ su. Goc sêsö lac waġ nġatôkwa-nġa sa, bu mbu peġ lac ma kôc yac api baö andi.

⁴¹ Magoc waġ dau kêtġ ġi ġôlôc pi ġaġġac nġabaö daġ yêc gwêc lôm e ġacġeġ nġaġga sa. Ma gwêc dinda ġic pi waġ nġambu-nġa e kac popoc.

⁴² Têġ ndoc dinaġ lau siġ-nġa sêkġc yom bu sêndic lau ġapocwalô-nġa hoġ ndu, bu sêsġp gwêc ma sêlhö sêndi dom.

⁴³ Magoc nġac si nġac bata bu nem Pol sa, dec kalhac nġac ahuc bu sêkôm si yom nġandô sa d om. Inġ kêġ yatu bu lau naġ sêġkôc tidôn naġ sêpwê sêsġp gwêc ma sêmuġ sêsôc baö sêndi.

⁴⁴ Ma inġ kêġ yatu bu lau nġatô sêsac apa waġ-nġa nġatô naġ gwêc ġic popoc. Ma nġalêġ dinaġ dec lau hoġ sêhóc asê baö ti lġc sambuc.

28

Pol mbo nduc Malta

¹ Yac hoġ api baö ti lġc sambuc, ma malô atap sa bu nduc dau nġaê sêsam bu Malta.

² Ma lau nduc-nġa sêkôc yac hoġ sa ma sêyob ti sêmwasiġ yac nġalêġ nġayham. Têġ ndoc dinaġ u ġic ma ġameġ nġalhuc atu, bocdinaġ sêkôm ya ġolom bu yac aheġ daġ.

³ Pol tap a basô ti ġap bu kêġ pi ya ndi, magoc mboc sac daġ yêc ġap nġalôm, ma têġ ndoc kêsahê ya nġandê, dec sa bu lhö ndi ma seġ Pol sip amba.

⁴ Lau malachu sêlic mboc dau keseneġ Pol amba dôn ġacġeġ kêġalêġ, dec sêsôm têġ dau bu, “Nġac dê mboe inġ nġac ġic nġamalac ndu-nġa, dec inġ wêkainġ

ņagêyô atu. Gitôm bu gwêc kô in ndu su, magoc kwahic dec in oc wê sa dom.”

⁵ Tigeņ Pol kêbalip mboc dau sip ya gi, ma gêņ daņ kôm in dom.

⁶ Lau dau sêkêņ bata bu in amba oc suņ me ñagahô in oc hudau sip ndi mbac ndu. Magoc sêhôn ñasawa baliņ e sêlic gêņ daņ hóc asê in dom. Bocdinaņ dec ñac gauc gêm bu mboe in oc anötö daņ.

⁷ Ngac daņ ñaê Publias gêm gôliņ nduc dinaņ, ma in wêkaiņ ndê gameņ daņ yêc kêpiņ baö naņ waņ popoc kalhac. In kôc yac sa a andôc in ndê andu, ma yob yac ñapep gitôm bêc tö.

⁸ Têņ ndoc dinaņ Publias damba gêmbac yêc, ñamlic ñamahom ti kêc dau. Pol sôc gi gêlic in, ma teņ mbec ti kêņ amba sac in, ma kôm in ñayham sa.

⁹ Ma têtē ndoc lau nduc-ņga sêlic gêņ dinaņ, naņ sêhoņ si lau gêmbac hoņ sêtêtē Pol sêmeņ, ma in kôm ñac ñayham sa tiyham.

¹⁰ Ma ñac sêtoc yac sa ñalêņ ñayham daêsam. Ma têtē ndoc yac bu api waņ ma alhö andi, naņ sêkêņ gêņ hoņ bu puc yac dôņ ambo gwêc ñasawa-ņga têtē yac.

Pol hóc asê Rom

¹¹ Yac ambo nduc dau tôm ayô tö su, goc api lau malac Aleksandria-ņga si waņ daņ. Waņ dau poc nduc dinaņ têtē ndoc uhô-ņga ma hôtē tēm ñayham, ma yêc ñatôkwa-ņga sêlêņ ñac si anötö gwam lu si aņgô, daņ sêsam ñaê Kasto, ma daņ ñaê Polaks. Yac ahu gameņ dau siņ,

¹² ma alac e ahóc asê malac Sairakyus ma ambo dinaņ tôm bêc tö.

¹³ Goc ahu malac dau siñ ma alac tiyham e a asôc malac Regiam. Têñ galañsê mbu ñayham dan pen lac ñapep, dec kêñ yac alac bêc tigen a asôc sôc yêc malac Puteoli, ma asip baö a.

¹⁴ Yêc dinan yac atap lau sêkêñ whin Yisu-nga ñatô sa, ma sêkôc yac sa a ambo awhin ñac gitôm bêc 7. Ma tiñambu yac anşêlêñ bu atêñ malac Rom andi.

¹⁵ Lau sêkêñ whin-nga yêc malac Rom sêngô ñawaê bu yac anşêlêñ ambo sen, dec sêsa sêmen bu sêkôc yac sa. Ñatô sêtap yac sa yêc Apias ndé gamen sêtidulu gêñ-nga, ma ñatô sêtap yac sa yêc gamen nan sêsam bu Andu Ñaclen-nga Tö. Têñ ndoc Pol gêlic lau sêkêñ whin-nga dinan, nan in atac pa su ma gêm dançe Anötö.

¹⁶ Yac hon anşêlêñ a, e ahôc asê Rom su, goc sêkêñ ñasawa têñ Pol bu ndôc andu dan, ma sêkêñ ñac siñ-nga dan yob in.

Pol gêm mêtê mbo Rom

¹⁷ Bêc tö ginça su, goc Pol kêgalêm lau bata Israel-nga nan sêndôc Rom, nan sa sêpitigen, ma sôm têñ ñac, “Aneñ asidôwai Israel-nga, aö gakôm gêñ so dan têñ yac neñ lau Israel-nga dom. Ma gakôm gêñ dan nan so abañi si gêbôm, nan dom. Magoc sêkôc aö dôn yêc Jerusalem ma sêkêñ aö gasip gôlinwaga Rom-nga ti in ndê lau siñ-nga amba.

¹⁸ Ma lau Rom-nga dau sêñsahê aö e sêtap sa bu aö gakôm gêñ giso dan nan tôm bu sêndic aö ndu-nga, nan dom. Dec ñac bu sêhu aö siñ walhö wandi.

¹⁹ Magoc lau Israel-nga sêtec, ma sêli awha sa e aneñ lêñ dan mbasi, dec aö gandac bu Sisa ngô

aneŋ yom. Tigeŋ aö gakôm tu galic ŋac sac-ŋga dom, me tu bu waŋgôliŋ yom pi ŋac-ŋga dom.

²⁰ Acsalô lec aö kagalêm mac sa ameneŋ, bu aŋgô aneŋ yom pi gêŋ hoŋ dinaŋ. Mac alic bu sêsô aö dôŋ ŋa sen dindec, magoc aö gakôm gêŋ sac daŋ dom. Gêŋ tigeŋ gakôm, naŋ gakêŋ batanŋ gêŋ naŋ lau Israel dau sêkêŋ bata.”

²¹ Lau Israel-ŋga dinaŋ sêŋgô Pol ndê yom ma sêsôm, “Lau naŋ sêndöc gameŋ Judia-ŋga naŋ sêto bapia daŋ têŋ yac, naŋ hêganôŋ am dom. Ma asidôwai Israel-ŋga akêŋ gameŋ dinaŋ, naŋ sêtêŋ yac sêmeŋ, naŋ sêsôm yom sac daŋ pi am dom.

²² Magoc yac aŋyalê bu yêc gameŋ hoŋ lau sêpu lêŋ naŋ lau sêkêŋ whiŋ Yisu-ŋga sêŋkuc. Bocdinaŋ yac bu aŋgô am nem gauc ti yom pi lêŋ dau.”

²³ Goc sêkêŋ bêc daŋ bu sêkac sa sêwhiŋ Pol tiyham.

Ma têŋ bêc dau ŋac sêkac sa sêmbo andu naŋ Pol yêc naŋ, ma lau Israel-ŋga hic daêsam sêmeŋ sêwhiŋ, dec ti toŋ atu. Têŋ bêbêc ŋapaŋ e telha Pol sôm yom têŋ ŋac. Inŋ tôc Anötö ndê gôliŋ ŋahu asê têŋ ŋac. Ma inŋ whê Moses ti lau propet si yom sa bu kôm ŋac sêŋyalê bu Yisu inŋ Mesaya dau.

²⁴ Lau ŋatô sêŋgô inŋ ndê yom ma sêkêŋ whiŋ, magoc ŋatô sêkêŋ whiŋ dom.

²⁵ Ŋac sêseŋ dau pi inŋ ndê yom, ma bocdinaŋ Pol sôm ndê yom ŋambu-ŋga têŋ ŋac, ma tiŋambu sêlhö têtêŋ. Ma yom ŋambu-ŋga naŋ inŋ sôm têŋ ŋac naŋ sôm bocdec bu, “Yom dindec naŋ Ŋalau Dabuŋ sôm têŋ mac apami, naŋ yom ŋandô ma hêganôŋ mac solop. Propet Aisaya hoc yom dau asê bocdec bu:

²⁶ Am têŋ lau dindê ndi ma sôm têŋ ŋac, ‘Mac

anğô aneñ yom ñapan, magoc anyalê ñahu dom. Mac alic gêñ nanj aö gakôm, nanj ñapan, tigenj mac nem gauc sa dom.’

²⁷ Bu lau dau si ñalôm ñadandi sa. Nac si dangasuñ hóc ahuc, ma sêpóc si tandô ahuc. Bu bocdinañ dom, dec oc tòm tandô sêlic, dangasuñ sêngô, ma sênyalê aö tidôñ yêc ñac si ñalôm e sênem dau kwi ma wakôm ñac ñayham sa.” *[Ais 6:9-10]*

²⁸ Goc Pol sôm, “Bocdinañ anyalê bu Anötö kêkinj ñawaê ñayham pi inj ndê lêñ nem lau si-ñga nanj mac atec, nanj têtñ lau gameñ apa-ñga. Ma ñac lau dau oc sêngô ti sêkôc sa.” [

²⁹ Inj sôm su goc lau Israel-ñga sêlhö si, ma sêseñ dau pi inj ndê yom.]

³⁰ Tinambu Pol mbo malac Rom gitôm yala lu. Ma tòm ñasawa dinañ, inj gêmlihi ñamalac danj ndê andu danj tu ndöc-ñga, ma inj kôc lau daêsam sa yêc andu dau, nanj sêmeñ bu sêndic inj kêsi.

³¹ Inj gêm mêtê pi Anötö ndê gôlinj ma kêdôhônj lau pi Pômdau Yisu Kilisi. Inj kôm gêñ dau ti atac pa su, ma lau danj sêlhac inj ahuc dom.

Anötö ndê Yom Lêṛsêṃ Wakuc
The New Testament in the Bukawa language of Papua
New Guinea

Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 18 Apr 2025 from source files dated 31 Aug 2023

545e5ca3-1e95-59e4-8380-93951e023cf7